

書叢學國生學

管

編輯主幹

朱經農
王岫廬

子

選註者
唐敬杲

行發館書印務商

Student's Chinese Classics Series
SELECTIONS FROM KWAN TZE

With Introduction and Notes

BY

T'ANG CHING KAO

Edited by

Y. W. WONG AND KING CHU, M. A.

1st ed., March, 1926

Price: \$0.60, postage extra

THE COMMERCIAL PRESS, LIMITED

SHANGHAI, CHINA

ALL RIGHTS RESERVED

中華民國十五年三月初版

（學生國
學叢書）管 子 一 册

（每册定價大洋陸角）
（外埠酌加運費匯費）

選 註 者 唐 敬

本叢書編輯主幹 朱 王 經 岫 農 廬 杲

發 行 者 商 務 印 書 館 農 廬 杲

印 刷 所 上 海 寶 山 路 商 務 印 書 館

總 發 行 所 上 海 棋 盤 街 中 市 商 務 印 書 館

分 售 處 北 京 天 津 保 定 秦 天 吉 林 龍 江 濟 南 太 原 開 封 西 安 南 京 杭 州 濟 南 安 慶 蕪 湖 南 昌 九 江 漢 口 長 沙 常 德 衡 州 成 都 重 慶 廈 門 汕 頭 潮 州 香 港 梧 州 雲 南 貴 陽 張 家 口 新 嘉 坡

此書有著作權翻印必究

學生國學叢書編例

一、中學以上國文功課，重在課外閱讀，自力攻求，教師則爲之指導焉耳。惟重篇巨帙，釋解紛繁，得失互見。將使學生披沙而得金，貫散以成統，殊非時力所許。是有需乎經過整理之書篇矣。本館鑒此，遂有學生國學叢書之輯。

一、本叢書所收，均重要著作。略舉大凡：經部如詩、禮、春秋、史部如史、漢、五代、子部如莊、孟、荀、韓，並皆刊入；文辭則上溯漢、魏，下迄近代，詩歌則陶、謝、李、杜，均有單本，詞則多采五代、北宋，曲則擷取元、明大家，傳奇、小說，亦選其英。

一、諸書選輯各篇，以足以表見其書，其作家之思想精神、文學技術者爲準。其無關宏旨者，概從刪削。所選之篇類，不省節，以免割裂之病。

一、諸書均爲分段落，作句讀，以便省覽。

一、諸書均有注釋。古籍異釋紛如，則采其較長者。注釋刊載每頁之末，按檢至便。

一、諸書較爲罕見之字，均注音切，並附注音字母，以便諷誦。

一、諸書卷首，均有新序，述作者生平，本書概要，凡所以示學生研究門徑者，不厭其詳。

一、編者識力有限，固陋在所難免。當世學人寵而教之，無不樂承。

叙

一 管子書之由來

管子書駁雜非出一手，殆已不能爲諱；惟摭拾一二時代錯誤之證據，如言毛嬙西施（四稱）言吳王好劍（七主七臣）之類，遂一概抹殺，謂全出後人僞託，則似未可。書中稱『經言』者九篇，稱『外言』者八篇，稱『內言』者九篇，稱『短語』者十九篇，稱『區言』者五篇，稱『雜篇』者十一篇，稱『管子解』者五篇，稱『管子輕重』者十九篇，可見其自始卽已表明全書質料之不同，非盡立意附會也。故今所當辨別者，其中孰爲某時代之產品，孰爲某種人之思想，孰爲近似，孰爲僞託，不能爲全稱之否定也。

管子一書，漢書藝文志列之道家，隋、唐以後，則均列之法家。實則管子中，此

兩部分之思想最不足信；列之道家固非，列之法家亦未爲妥也。關於道家思想，其爲膺品，前人已多言之；如黃震管子論曰：

大抵管子之書，其別有五：心術、內業等篇，皆影附道家以爲高；侈靡、宙合等篇，皆刻斲隱語以爲怪。管子責實之政，安有虛浮之語。使果出於管子，則亦謬爲之以欺世；殆權術之施於文字間爾，非管子之情也。

關於法家思想，胡適哲學史大綱辨之最詳，曰：

左傳紀子產鑄刑書，叔向極力反對。過了二十幾年，晉國也作刑鼎，鑄刑書，孔子也極不贊成。這都在管仲死後一百多年。若管仲生時，已有了那樣完備的法治學說，何以百餘年後，賢如叔向、孔子，竟無一毫法治觀念？何以子產答叔向書，也只能說「吾以救世而已」，爲什麼不能利用百餘年已發揮盡致的法治學說？這可是管子書中的法治學說，乃是戰國末年的出產物，決不是管仲時代所能突然發生的。

可見心術內業侈靡宙合等篇道術學說，與法法明法重令等篇法治學說，全出戰國末年兩派人之僞託，絕不能認爲管子本身之思想。他如輕重諸篇，則大抵尙論如何以陰謀詐術，顛倒一世以自爲利，揆諸管仲『正而不譎』之霸業，亦可決其爲後人僞託。然如牧民等篇，其言經國治民之道，要言宏旨，誠可施之百世而無弊；縱非管仲自身之著述，亦當爲管仲思想，平日所形之言論，施之政事，而爲其學派，如所謂『稷下遊談輩』，紹述講論，而筆之於書者。然此安得以僞託斥之。總之，管子一書，乃爲戰國末人所纂集，其中真僞雜揉，多非管仲自身之學說；讀者但當審其思想傾向，而察其文體筆法，自易爲辨別也。

管子一書，劉向著錄爲八十六篇，今亡者，爲內言之王言、謀失二篇，短語中之正言，雜篇中之言昭、修身、問霸三篇，管子解之牧民解，輕重中間乘馬、輕重丙、輕重庚三篇，及經言中之幼官圖爲十篇，一圖。據四庫全書提要所考，在唐初已非完本矣。舊題『房玄齡注』，實則所註者，爲唐絳州人尹知章，其文淺陋，殊

不足觀。明劉績著補注，亦僅小有糾正。而趙用賢等之校刊，則大抵率臆竄改，轉滋淆亂。蓋二千年來，學者誤於『孔門童子羞稱五伯』之語，悉心研治者少，以致訛謬舛脫，殆成廢籍。至清代，王念孫父子、洪頤煊、俞樾、戴望諸氏先後考訂，日本安井衡復有纂詁之作，本書由是始漸可讀。

二 管子傳

吾人如承認管子一書非盡後人僞託，猶有一部分爲管仲自身之著作，或爲管仲平日所倡道，而出於承其學者之紹述者，則管仲人物之如何，殊有研究之必要。

管子，政治家，春秋初期人。享年幾何？今已不可考矣。周莊王之十二年（西紀前六八五年），始爲齊桓公相；凡四十年，至周襄王七年（西紀前六四五年）卒。其後九十六年而孔子生。史記：

管仲夷吾者，穎上人也。少時嘗與鮑叔牙遊，鮑叔知其賢。管仲貧困，常欺鮑叔，鮑叔終善遇之，不以爲言。已而鮑叔事齊公子小白，管仲事公子糾。及小白立爲桓公，公子糾死，管仲囚焉，鮑叔遂進管仲。管仲既用，任政於齊，齊桓公以霸，九合諸侯，一匡天下，管仲之謀也。管仲曰：『吾始困時，嘗與鮑叔賈分財利，多自與，鮑叔不以我爲貪，知我貧也。吾嘗爲鮑叔謀事而更貧困，鮑叔不以我爲愚，知時有利不利也。吾嘗三仕三見逐於君，鮑叔不以我爲不肖，知我不遭時也。吾嘗三戰三走，鮑叔不以我爲怯，知我有老母也。公子糾敗，召忽死之，吾幽囚受辱，鮑叔不以我爲無恥，知我不羞小節而恥功名不顯於天下也。生我者父母，知我者鮑子也！』……管仲既任政相齊，以區區之齊在海濱，通貨積財，富國強兵，與俗同好惡……俗之所欲，因而予之；俗之所否，因而去之。其爲政也，善因禍而爲福，轉敗而爲功，貴輕重，慎權衡。桓公實怒少姬，南襲蔡，管仲因而伐楚，責包茅不入貢於周室。桓公實北征山戎，

而管仲因而令燕修召公之政。於柯之會，桓公欲背曹沫之約，管仲因而信之。諸侯由是歸齊。……管仲卒，齊國遵其政，常強於諸侯。

孔子曰：

管仲相桓公，霸諸侯，一匡天下，民到于今受其賜；微管仲，吾其被髮左衽矣！

三 管子思想之溯源

凡一種思想之產生，歷史、地理皆與有影響。管仲，實行之政治家也；其政治之舞臺，齊國也；齊國，太公之所治也。史記齊世家曰：

太公至國修政，因其俗，簡其禮，通工商之業，便魚鹽之利，而人民多歸齊；齊爲大國。

又魯世家曰：

魯公伯禽之初受封，三年而後報政周公。周公曰：「何遲也？」伯禽曰：「變

其俗革其禮，喪三年然後除之，故遲。』太公亦封於齊，五月而報政周公。周公曰：『何疾也？』曰：『吾簡其君臣禮，從其俗爲也。』及後，聞伯禽報政遲，乃歎曰：『嗚呼！魯後世其北面事齊矣！夫政不簡不易，民不有近；平易近民，民必歸之。』

可知管子通貨、積財、富國、強兵，與俗同好惡之爲政精神，實一秉太公治齊之成規。而管子功利主義之學說，與孔子一派道德主義之不同，亦即齊、魯兩國政教之不同。明乎此，始可以言管子之學說。

四 學說之三大綱領

管子爲實行之政治家，其思想學說，亦均不出政治之範圍。茲述其爲政之綱領：

(一) 富民 管子既以功利爲治，則其政策自以富民爲第一義。故牧民第

一篇卽曰：『凡有地牧民者，務在四時，守在倉廩。國多財，則遠者來；地闢舉，則民留處；倉廩實，則知禮節；衣食足，則知榮辱。』一倉廩實，則知禮節；衣食足，則知榮辱。』二語，實爲管子一生貫徹之政治思想。彼蓋承認經濟與道德，有絕對之關係。苟民生艱窘，日受經濟之壓迫，則『民且救死不暇，奚暇治禮義？』雖有善政，亦無所施焉。故五輔篇曰：『民必得其所欲，然後聽上；聽上，然後政可善爲也。』版法篇曰：『民不足，令乃辱；民苦殃，令不行。』八觀篇曰：『觀民產之有餘不足，而存亡之國可知也。』書中反覆申明斯義，亦可見其重視之度矣。

(二) 教民 至於富之之後，第二步之政策，曰在所以教之。管子首揭禮、義、廉、恥四種國民道德，以爲立國之四大支柱。牧民篇曰：『守國之度，在飾四維。』四維張，則君令行；四維不張，國乃滅亡。』又曰：『禮不逾節，義不自進，廉不蔽惡，恥不從妄。』蓋以禮義正秩序，以廉恥防淫僞，凡所以納民於軌物者也。管子既明國民道德之重要，凡所設施，皆以化民成俗爲歸。故權修篇曰：『凡牧民

者，使士無邪行，女無淫事。士無邪行，教也；女無淫事，訓也。教訓成俗而淫罰省，數也。』管子所以教民，尤重於漸靡之化。七法篇曰：『漸也、順也、靡也、久也、服也、習也，謂之化。……不明於化，而欲變俗易教，猶朝揉輪而夕欲乘車。』蓋『民爲邦本』，未有民俗窳敗而國能與立者。

(三) 治民

管子雖不如法法、明法、重令等篇所云，主張慘礪無誠悃之法治主義；然彼於教化之外，猶認所以治之之重要。關於此點，管子所以爲法家派之先河也。如權修篇曰：『見其可也，喜之有徵；見其不可也，惡之有形；賞罰信於其所見，雖其所不見，其敢爲之乎？見其可也，喜之無徵；見其不可也，惡之無形；賞罰不信於其所見，而求其所不見之外，不可得也。厚愛利足以親之，明智禮足以教之，上身服以先之，審度量以閑之，鄉置師以說道之；然後申之以憲令，勸之以慶賞，振之以刑罰。故百姓皆說爲善，而暴亂之行無由至矣。』八觀篇曰：『閑其門，塞其途，弇其迹，使民無由接於淫非之地。』乘馬篇曰：『凡將舉事，令必先出。

賞罰之所加，有不合於令之所謂者，雖有功利，則謂之專制，罪死不赦。蓋管子功利主義之政策，不專尚德，亦不專尚法，而斟酌於兩者之間。孟子「徒善不足以為法，徒法不能以自行」之語，可為此種政治之說明也。

以上所述，為管子政治思想之三大綱領。至其實施上之方策，亦均條分縷析，足以為百世之師法。嗚呼！後之學者，安可以忽之！

十四年、六月、六日、唐敬臬。

凡例

一、此編以本館影宋鐵琴銅劍樓本爲底本（此書卷首，有楊忱序；卷末，有張嶠之讀管子黃丕烈之跋；最後，有戴望之識語）。

一、此編采錄，以純正簡要，最近似管子學說者爲標準。其顯然爲後人僞託，而其思想又不足取者，悉從刪略。

一、管子書中，最多古文、古訓、錯字、錯簡，又觸目皆是，此編根據各家考證，爲之詁釋、訂正。衍文、譌字，標以「」符；增字、改字，則刊五號字右旁，並註明係據何家所說。

所根據之各家如次：

【尹說】……尹知章注（卽舊題『房玄齡』者）

〔劉說〕……………劉績增注（明花齋本）

〔趙說〕……………趙用賢校刊本

〔洪說〕……………洪頤煊管子義證八卷

〔孫說〕……………孫星衍說（載管子義證中）

〔王說〕……………王念孫讀書雜誌中管子雜誌十二卷

〔王（引）說〕……………王引之說（載讀書雜誌中）

〔俞（樾）說〕……………俞樾諸子平議中管子平議六篇

〔戴說〕……………戴望管子校正二十四卷

〔俞說〕……………俞正燮說

〔張說〕……………張文虎說

〔丁說〕……………丁士涵說

〔陳說〕……………陳奐說

〔黃說〕……………黃震說

〔宋說〕……………宋翔鳳說

【莊說】……莊述祖說

【吳說】……吳士忠說

【臧說】……臧庸說（以上九家之說，均載管子校正中）

【孫（詒）說】……孫詒讓札迻中一篇

【章說】……章炳麟管子餘義

【安說】……安井衡管子纂詁

【豬說】……豬飼彥博管子補正二卷

一、此編附註，主重文義之訓釋；岐字、僻字，於釋義外，併注音讀。

一、此編於原有段落外，視文義起訖，加分新段落。原有段落，另起前空一行；新段落，另起，不空。惟戒一篇則爲例外——每事起訖，爲一大段落，另起空一行；其間更分小段落，則惟另行，不空。

目次

牧民	一
形勢	八
權修	一五
立政	二三
乘馬	三四
七法	四六
版法	五七
五輔	六〇
八觀	六八
法禁	七八

兵法	八四
小匡	九二
問	一二〇
戒	一二九
地圖	一四〇
水地	一四二
九變	一四九
度地	一五〇
地員	一六二
海王	一七六

牧民

凡有地牧。○民者，務在四時，○守在倉廩。○國多財，則遠者來；地辟舉，則民留處。④倉廩實，則知禮節；衣食足，則知榮辱。上服度，則六親固；⑤四維⑥張，則君令行。

故省刑之要在禁文巧；④守國之度，在飾⑧四維；順民之經，在明鬼神，祇山川，敬宗廟，恭祖舊。⑨不務天時，則財不生；不務地利，則倉廩不盈；野蕪曠，則民乃

○[△]牧治理也。○^{△△△△}務在四時，謂注意於四時之農務也。○[△]穀藏曰「倉」，「米藏曰「廩」，「守在倉廩」，謂務蓄積也。④[△]辟與「關」同，開墾也。舉盡也。言開墾周徧，則民留而安處也。⑤[△]服行也。度法也。六親，父母、兄弟、妻子也。言上所行合於法度，則六親各得其所，而恩義固結也。⑥^{△△}四維，解說詳下。⑦[△]文巧，奢侈品也。文巧禁，則民返樸，故刑罰省。⑧[△]飾，修也。⑨[△]經常法也。明猶「尊」也。祇，敬也。祖舊，謂父祖舊故之人。

管；⊖上無量，⊖則民乃妄；文巧不禁，則民乃淫；不〔璋〕障兩原，⊖則刑乃繁。不明鬼神，則陋民不悟；不祇山川，則威令不聞；不敬宗廟，則民乃上校；⊖不恭祖舊，則孝悌不備。四維不張，國乃滅亡。

右國頌^⑤

國有四維^①：一維絕，則傾；二維絕，則危；三維絕，則覆；四維絕，則滅。傾，可正也；危，可安也；覆，可起也；滅，不可復錯也。^②

何謂四維？一曰『禮』；二曰『義』；三曰『廉』；四曰『恥』。禮不踰節，義

⊖蕪曠荒蕪空曠也。管爲『姦』之假借字。

⊖量猶『度』也。上無量爲前文『上服度』之反。

⊖璋

依丁說改『障』塞也。兩原謂妄之原，上無量也；淫之原，不禁文巧也。

⊖上校

爭而犯上也。不敬宗廟，

則民不知敬，故爭而犯上也。

⊖頌容也，謂陳爲國之形容。

⊖網罟之綱，曰『維』，以比人君張之，可

以立國也。⊖錯置也，立也。

不自進，廉不蔽惡，恥不從枉。故不踰節，則上位安；不自進，則民無巧詐；不蔽惡，則行自全；不從枉，則邪事不生。

右四維

政之所〔興〕行，⊖在順民心；政之所廢，在逆民心。民惡⊖憂勞，我佚樂之；民惡貧賤，我富貴之；民惡危墜，我存安之；民惡滅絕，我生育之。能佚樂之，則民爲之憂勞；能富貴之，則民爲之貧賤；能存安之，則民爲之危墜；能生育之，則民爲之滅絕。

故刑罰不足以〔畏〕恐，⊖其意，殺戮不足以服其心。⊖故刑罰繁而意不恐，則令不行矣；殺戮衆而心不服，則上位危矣。故從其四欲，⊖則遠者自親，行其四

⊖與依王說，據羣書治要，改『行』。

⊖惡，讀去聲，烏路反（×），憎之也；下同。

⊖畏，依孫說，據羣書治

要，改『恐』。

⊖唯德可以畏服之。

⊖四欲，即上文佚樂、富貴、存安、生育也。

惡，○則近者叛之。故知予之爲取者，○政之寶也。

右四順

錯國於不傾之地，積於不涸^①之倉，藏於不竭之府。下令〔於〕如流水之原，^②使民於不爭之官。明必死之路，開必得之門。不爲不可成，不求不可得，不處不可久，不行不可復。

錯國於不傾之地者，授有德^③也；積於不涸之倉者，務五穀也；藏於不竭之府者，養桑麻，育六畜也。下令〔於〕如流水之原者，令順民心也；使民於不爭之官者，使各爲其所長也。^④明必死之路者，嚴刑罰也；開必得之門者，信慶^⑤賞也。不

○四惡即上文憂勞、貧賤、危墜、絕滅也。

○予讀「與」謂與之生全，取其死難也。

○涸亦「竭」也。

○四於依孫說，據文子引，改「如」下令如流水之原，謂令行之速也。

○五授有德以政權，授之有德之人

也。^⑥隨才所長而使之，故不爭。^⑦慶亦賞也。

偷取一世也；⊖不行不可復者，不欺其民也。⊙

故授有德，則國安；務五穀，則食足；養桑麻，育六畜，則民富；令順民心，則威〔令〕⊙行；使民各爲其所長，則用備；嚴刑罰，則民遠邪；信慶賞，則民輕難；量民力，則事無不成；不彊民以其所惡，則詐僞不生；不偷取一世，則民無怨心；不欺其民，則下親其上。

右〔士〕十一經⑤

以家爲鄉，鄉不可爲也；以鄉爲國，國不可爲也；以國爲天下，天下不可爲也。也。以家爲家，以鄉爲鄉，以國爲國，以天下爲天下。

⊖彊，讀上聲，其兩切（一七），勉也。

⊖偷，苟也。謂所處必可使百代常行。

⊙一度欺民，則民不復信。

故不可復行也。

⊙令，依豬說刪。

⊙士，依顧說改『十一』經常法也。十一經，十一種爲政之常法也。

⊙爲治也。言內外大小，各有所宜；施違其宜，皆不可治也。

毋曰不同生，遠者不聽；^①毋曰不同鄉，遠者不行；毋曰不同國，遠者不從。如地如天，何私何親；如月如日，唯君之節。^②

御民之轡，在上之所貴；^③道民之門，在上之所先；^④召^⑤民之路，在上之所好惡。故君求之，則臣得之；^⑥君嗜之，則臣食之；君好之，則臣服之；君惡之，則臣匿之。

毋蔽汝惡，毋異汝度；^⑦賢者將不汝助。言室滿室，言堂滿堂，是謂聖王。^⑧
城郭溝渠不足以固守；兵甲彊力不足以應敵；博地多財，不足以有衆；唯有道者，能備患於未形也，故禍不萌。^⑨

①生與『姓』古通。謂以家爲鄉者，若因鄉人不同姓而疏遠之，則必不聽其所令。此『遠者』謂鄉人，下兩句類推。②言人君親下，當如天地，日月之無私也。以上一法。③言民從上之所貴，若馬之從轡。

④言上以身率先，則民必從之，若行之必由門矣。⑤召『詔』之段字，『詔』導也。⑥言君將求之，則臣已先索得之也。⑦汝指君言，惡讀去聲。度儀容也。異謂面與心異。⑧滿室滿堂，謂助者衆也。以

上二法。⑨以上三法。

天下不患無臣，患無君以使之；天下不患無財，患無人以分^①之。故知時者可立以爲長，無私者可置以爲政；^②審於時而察於用，而能備官者，可奉以爲君也。^③

緩者，後於事；^④吝^⑤於財者，失所親；信小人者，失士。^⑥

右六親五法^⑦

①分，即乘馬篇「聖人善分民」之「分」，言託業用之也。②置，亦立也。政，讀爲「正」，亦長也。③能備官，謂能視其所長而官之也。以上四法。④吝，吝，俗字，茲改正。⑤以上五法。⑥因六親之道寓於五法之中，故題曰「六親五法」。

形勢

山高而不崩，則祈羊至矣；淵深而不涸，則沈玉極矣。①

天不變其常，地不易其則。②春秋、冬、夏不更其節，古今一也。蛟龍得水，而神可立也；虎豹託幽，而威可載也。③風雨無鄉，而怨怒不及也。④貴有以行令，賤有以忘卑。⑤壽夭貧富，無徒歸也。⑥

銜命者，君之尊也；受辭者，名之運也。⑦上無事（則）而民自試，⑧抱（蜀）

①即史記所稱『山高』。

②祈羊用以祈祭之羊。祭川曰『沈』，『王』，古『玉』字。——左傳：『沉玉而濟』。

『極』亦至也。山高淵深，祈者必至，以喻德高道深者，人自歸向之。③則法也。④載行也。此言賢者

必處高位，而後可以威服天下。⑤鄉方也。此言至公無私，則雖或受其害，亦不怨怒之也。⑥貴者

能行其令者，從民所欲也；賤者忘其卑者，德澤加民也。⑦徒空也。無徒歸，謂非無因而至也。⑧銜

猶受也。辭，辭命也。運行也。言民之受命而不違者，以君之位尊也；辭命所加，諸侯順受之者，以聲名之

廣布也。⑨則依元刻本改『而』無事不煩擾也。試用也。

櫛不言而廟堂既〔修〕循。○鴻鵠鏘鏘，唯民○歌之。濟濟多士，殷民化之。紂之失也。○

飛蓬之間，不在所賓；燕雀之集，道行不顧。④犧牲圭璧，不足以享鬼；〔神〕主功有素，寶幣奚爲？⑤

羿之道，非射也；造父之術，非馭也；奚仲之巧，非斲削也。⑥召遠者，使無爲焉；

○抱持也。蜀依俞說改「櫛」；櫛同「櫛」，所以藏貴重之祭器者。脩，依王說改「循」。言人君但抱祭器

不言，而廟堂之中已順從也。○鏘，讀爲「踴」，千羊切（ㄑㄧㄤˋ）；「踴踴」，容貌舒揚也。言威儀可象，則民

樂而歌之。○謂殷民之化於周臣，紂之所自取也。④問，猶「譽」也。「飛蓬之間」，謂聲譽無因而至

者。賓，敬也。燕雀，小鳥也。雖集乎前，行道之人不顧之。言虛譽，細物，明主不動心也。⑤神，依吳說刪。素

平素也。言人主於平素積有功德，則鬼神自能助之，不假性玉以祈事之也。⑥羿，有窮后也。造父，周

穆王之御者。奚仲，夏之車正。謂三子以技名世，必有所以致之者，非僅在弓矢、操轡、斲削之末；以譬人

君爲政，務有功德，而不在祭饗之末也。

親近者，言無事焉；唯夜行者，獨有也。○

平〔原〕隰之〔隰〕封，奚有於高大山之隈，奚有於深○警讐○之人，勿與任大。讐〔臣〕巨者，可與遠舉；④顧憂者，⑤可與致道。其計也速，而憂在近者，往而勿召也。⑥舉長者，可遠見也；⑦裁大者，衆之所比也。⑧美人之懷，定服而勿厭也。⑨必得之事，不足賴也；必諾之言，不足信也。⑩小謹者，不大立；⑪〔警〕饕食者，

○召讀爲『招』。使疏吏切（戶），奉使之人也。夜行陰行善政也。謂陰行善政，則不招而遠者來，不言而近者親也。○平原之隰，依孫說改『平隰之封』。隰音習，低濕地也。隈山之委曲處。喻人有大失，小善不足掩之也。○警讐不供事也。讐不慧也。④讐古『謨』字。謨謀也。臣依〔王〕引說改『巨』。謂所見大者，始可與舉行遠大之事也。⑤顧憂謂慮後患也。⑥速欲速成也。往推之使去也。言求速效之小人，不可用也。⑦爲長久之舉者，歷時雖遠，其效自見。⑧裁古與『材』通。比讀爲『庇』。蔭也。言材大者，爲衆所託庇也。⑨言材大者，既爲衆所託庇，則衆懷之如美人，定服從而勿厭也。⑩貪得者無厭，輕諾者寡信，故不足信賴也。⑪拘泥於小事之人，不能成大事也。

不肥體。⊖有無棄之言者，必參之於天地也。⊖墜岸三仞人之所大難也，而猿獠飲焉，故曰：『伐矜、好專、舉事之禍也。』⊖

不行其野，不違其馬。⊗能予而無取者，天地之配也。⊘怠倦者不及，⊙〔無〕
譏廣者疑神。⊚疑神者在內，不及者在門。⊛在內者將假，在門者將待。⊜曙戒勿
怠，後穉逢殃。⊝朝忘其事，夕失其功。邪氣襲內，正色乃衰。⊞

⊖嘗，依古本改『饗』。饗音疵，嫌食也。嫌惡食物之人，不能肥其體，譬人君之惡諫也。⊖之，依古本增。
言凡所言論皆可取，一無所棄者，如有其人，必舉而任之，宰輔之職，以贊天地之化育也。⊖墜，落也。
七尺曰『仞』，謂人不能而猿獠能之，是人尙有不及猿獠處，如若伐矜，好自專，適以敗事也。⊗違，離
也。雖不行於野，亦不敢離其馬，以喻人君養民於無事時。⊘天地施生，不求所報，與而不取者，其德
足配天地也。⊙不及，失事機也。⊚無，依張說改『讎』，同上義。謂機謀廣遠者，得可驚之成功，故人
疑爲神也。⊛疑，依安說增。在內，物皆爲己有也；在門，無所得也。⊜物皆爲己有，故將假其餘以救
人，無所得焉，故將待人成事也。⊝稱，讀爲『遲』。每曙，戒勿怠倦，後遲則獲咎也。⊞邪氣襲入內經，
血氣爲之受病，顏面正色乃衰退不澤，以喻邪說中於心，必致禍亂也。

君不君，則臣不臣；父不父，則子不子。上失其位，則下踰其節；上下不和，令乃不行。衣冠不正，則賓者不肅；○進退無儀，則政令不行。且懷且威，則君道備矣。莫樂之，則莫哀之；莫生之，則莫死之。○往者不至，來者不極。○

道之所言者，一也，而用之者異。④有聞道而好爲⑤家者，一家之人也；有聞道而好爲鄉者，一鄉之人也；有聞道而好爲國者，一國之人也；有聞道而好爲天下者，天下之人也；有聞道而好定萬物者，天〔下〕地之配也。⑥道往者，其人莫往；道來者，其人莫來；道之所設，身之化也。⑦

持滿者與天，安危者與人。失天之度，雖滿必涸；上下不和，雖安必危。⑧欲王

○肅敬也。○常能樂人，及其有難，人必哀之；常能生人，及其有危，人必死之。○謂我所以往者之

情不深至，則彼其來報之意亦不極也。④道之所言，其理不二；但用之不同，其事遂異也。⑤爲治

也。⑥定萬物，鳥獸魚鼈咸若也。⑦下，依黃說改『地』；天地之配，言其德足以配天地也。⑧往，去也。道

去於身，則民亦去而不來；道集於身，則民亦來而不去；故道之所設，身必化之。⑧能持滿者，則與天

合；能安危者，則與人合。不合於天，雖滿必涸；不合於人，雖安必危。

天下而失天之道，天下不可得而王也。得天之道，其事若自然；失天之道，雖立不安。其道既得，莫知其爲之；其功既成，莫知其澤之。藏之無形，天之道也。

疑今者，察之古；不知來者，視之往。萬事之生也，異趣而同歸，古今一也。生棟覆屋，怨怒不及；弱子下瓦，慈母操箠。天道之極，遠者自親；人事之起，近親造怨。萬物之於人也，無私近也，無私遠也；巧者有餘，而拙者不足。其功順天者，天助之；其功逆天者，天圍之。天之所助，雖小必大；天之所圍，雖成必敗。順天者有其功；逆天者懷其凶，不可復振也。

鳥〔鳥〕集之〔狡〕交，雖善不親，不重之結，雖固必解。道之用也，貴其重也。

○即孟子所謂「民日遷善而不知爲之者」之意。

○澤王說，「釋」古字假借，舍也。四時遞嬗，功成即

退；王者體天而治，故爲與不爲，人皆莫知，所謂順帝之則也。

○生讀爲「箠」，細也。弱稗也。細棟覆屋

乃自然之事，故人不怨怒之；小兒投石，慈母操箠懲之者，以其有意也。

○天道，即天理，公也。人事，即

人欲，私也。

○萬物既無私於人，故巧者用之有餘，拙者用之不足。

○功事也。圍，古與「違」通，違背

也。○懷來也。振救也。

○鳥鳥之狡，依劉說，據形勢解，作「鳥集之交」。鳥交無所擇，見利則爭，故不親。

毋與不可，毋彊不能，毋告不知。與不可，彊不能，告不知，謂之勞而無功。見與之〔交〕友，幾於不親；見哀之〔役〕倭，幾於不結；見施之德，幾於不報；①四方所歸，心行者也。②獨王之國，勞而多禍；獨國之君，卑而不威；③自媒之女，醜而不信。④未之見而親焉，可以往矣；⑤久而不忘焉，可以來矣。

日月不明，天不易也；山高而不見，地不易也。⑥言而不可復者，⑦君不言也；行而不可再者，君不行也。凡言而不可復，行而不可再者，有國者之大禁也。

①見示也，謂表顯之也。交，依王說，據朱本，古本改「友」。哀與「愛」古通。役，依王說，改「倭」。與「交」同。幾，近也。德，恩也。②言惟發於中心而不事虛飾之行爲，始能得四方人民之歸服也。③獨王自用而不任人也。獨國，無與國也。王與「君」相呼成章。④謂不待聘而往仕，猶女之自媒，故人君以爲醜行而不信之也。⑤往，去也。謂素所未見者，一見而親，必係諂諛之人，故可以聽其去也。⑥日月

明矣，有時而失明，天不易置之。山高必見，有處而不見，地不易置之。言大臣雖有小過，君必包容之，所謂「故舊無大故則不棄也」。⑦復亦「再」也。不可復，不可再，謂雖悔而不可追者。

權 修

萬乘之國，兵不可以無主。①土地博大，野不可以無吏；百姓殷衆，官不可以無長；操民之命，朝不可以無政。②地博而國貧者，野不辟也；民衆而兵弱者，民無〔取〕恥也。③故末產④不禁，則野不辟；賞罰不信，則民無〔取〕恥。野不辟，民無〔取〕恥，外不可以應敵，內不可以固守。故曰：『有萬乘之號，而無千乘之用。』⑤而求權之無輕，不可得也。⑥

地辟而國貧者，舟〔輿〕車飾、臺榭廣也；⑦賞罰信而兵弱者，輕用衆、使民勞也。舟車、臺榭廣，則賦斂厚矣；輕用衆、使民勞，則民力竭矣。賦斂厚，則下怨上矣；民

①此篇論人君如何修重其權力，故曰『權修』。②主將也。③命謂死生與奪之屬。政，政卿言不可

無賢政卿也。④取依洪說改『恥』，謂廉恥心也。⑤末產指商工之業。⑥萬乘有兵車萬乘之國，

謂大國也；千乘有兵車千乘之國，小國也。⑦此句點明權之所以貴修。⑧與依下文改『車』廣，

猶『多』也。

力竭，則令不行矣。下怨上，令不行，而求敵之勿謀己，不可得也。

欲爲天下者，必重用其國；欲爲其國者，必重用其民；欲爲其民者，必重盡其〔民〕力。○無以畜之，則往○而不可止也；無以牧之，則處而不可使也；○遠人至而不去，則有以畜之也；民衆而可一，則有以牧之也。

見其可也，喜之有徵；④見其不可也，惡之有刑；⑤賞罰信於其所見，雖其所不見，其敢爲之乎？見其可也，喜之無徵；見其不可也，惡之無刑；賞罰不信於其所見，而求其所不見之爲之化，不可得也。厚愛利，足以親之；明智禮，足以教之。上身服以先之，⑥審度量以閑之，⑦鄉置師以說道之；然後申之以憲令，⑧勸之以慶賞，振⑨之以刑罰。故百姓皆說爲善，則暴亂之行，無由至矣。

○重用重盡皆謂矜惜弗輕用也。民依孫說刪。

○往亡去也。

○牧治理也。處留也。

○徵驗也。

——謂賞之也。

⑤刑古通作『形』，象也，對『徵』而言，——謂罰之也。

⑥服行也。身服謂以身作則也。

⑦度量謂制度閑防也。

⑧懸法示人，曰『憲』。

⑨振與『震』通，謂威懼之也。

地之生財有時，民之用力有倦，而人君之欲無窮。以有時與有倦，養無窮之君，而度量不生於其間，^①則上下相疾也。是以臣有弑其君，子有弑其父者矣。^②故取於民有度，用之有止，^③國雖小必安；取於民無度，用之不止，國雖大必危。

地之不辟者，非吾地也；民之不牧者，非吾民也。^④凡牧民者，以其所積者食之，^⑤不可不審也。其積多者，其食多；其積寡者，其食寡；無積者，不食。或有積而不食者，則民離上；有積多而食寡者，則民不力；有積寡而食多者，則民多詐；有無積而徒食者，則民偷幸。故離上不力，多詐偷幸，舉事不成，應敵不用。故曰：『察能授官，班祿賜予，使民之機也。』^⑥

野與市爭民，^⑦家與府爭貨，^⑧金與粟爭貴，^⑨鄉與朝爭治。^⑩故野不積草，

①謂無度量之限制也。②臣子弑君父者，多因民怨，否則人不與也。弑古直作『殺』。③止，猶『限』也。④謂有等於無也。⑤積，謂其身所積累才德，功勞皆是也。食祿也。⑥班，與『頒』通。子同『與』。

⑦市，民所聚也，而野與之爭民，謂農業盛也。⑧家，謂民家。賢君藏貨於民，故民家之貨，不讓官府。

⑨世知務本，則貴粟如金，故金與粟爭貴。⑩鄉官各盡其職，治績之成，不啻與朝臣爭勝。

農事先也；府不積貨，藏於民也；市不成肆，家用足也；朝不合衆，鄉分治也。故野不積草，府不積貨，市不成肆，朝不合衆，治之至也。

人情不二，故民〔情〕。○可得而御也。審其所好惡，則其長短可知也；觀其交游，則其賢不肖可察也。○二者不失，則民能可得而官也。○

地之守在城，城之守在兵，④兵之守在人，人之守在粟。故地不辟，則城不固。有身不治，奚待於人？⑤有人不治，奚待於家？有家不治，奚待於鄉？有鄉不治，奚待於國？有國不治，奚待於天下？天下者，國之本也；國者，鄉之本也；鄉者，家之本也；家者，人之本也；人者，身之本也；身者，治之本也。故上不好本事，⑥則末產不禁；末產不禁，則民緩於時事而輕地利。④輕地利而求田野之辟，倉廩之實，不可得。

○情依陳說刪。

○好其所長，惡其所短，賢與賢交，不肖與不肖游。此人之情，故曰「可知」也。

○二

者，謂好惡交游。民能謂民有才能者。

④兵，武器也。弓、矢、矛、戈、戟，古謂之「五兵」。

⑤待，謂將治之言。

身既不能自治，則無以治人也。

⑥本事，謂農業。

④緩，猶怠也。時事，謂四時之務，春耕、夏耘、秋收、冬

藏是也。地利，地所生之利也。

也。

商賈在朝，○則貨財上流；婦言人言事，則賞罰不信；○男女無別，則民無廉恥；貨財上流，賞罰不信，民無廉恥，而求百姓之安難，○兵士之死節，不可得也。朝庭不肅，貴賤不明，長幼不分，度量不審，衣服無等，上下凌節，而求百姓之尊主政令，不可得也。上好詐謀，〔閒欺〕臣下間欺，賦斂競得，使民偷壹，④則百姓疾怨，而求下之親上，不可得也。有地不務本事，君國不能壹民，而求宗廟社稷之無危，不可得也。上恃龜筮，好用巫鑿，則鬼神驟〔崇〕崇。⑤故功之不立，名之不章，為之患者三：有獨王者；有貧賤者；有日不足者。⑥

○商賈在朝謂在朝之臣，亦如商賈之牟利也。

○婦言人事，依洪說改「婦人言事」。婦人言事，則請

謁行，故賞罰不信。

○安難謂處患難而安之。

④間欺，臣下依宋說改「臣下間欺」。間，讀為「姦」。

〔間〕與「姦」古通，競爭也。偷苟也。壹，與下文「壹民」之「壹」同，合也。偷壹謂苟合不心服也。

⑤鑿，與

〔醫〕古通，崇依丁說改「崇」。

⑥獨王，謂無賢臣之輔弼也。國貧，則人賤之，故云「貧賤」。日不足，謂政

煩也。

一年之計，莫如樹穀；十年之計，莫如樹木；終身之計，莫如樹人。○一樹一穫者，穀也；一樹十穫者，木也；一樹百穫者，人也。我苟種之，如神用之。○舉事如神，唯王之門。④

凡牧民者，使士無邪行，女無淫事。士無邪行，教也；女無淫事，訓也。教訓成俗，而刑罰省，數也。⑤凡牧民者，欲民之正也。欲民之正，則微邪不可不禁也。微邪者，大邪之所生也；微邪不禁，而求大邪之無傷國，不可得也。凡牧民者，欲民之有禮也。欲民之有禮，則小禮不可不謹也。小禮不謹於國，而求百姓之行大禮，⑥不可得也。凡牧民者，欲民之有義也。欲民之有義，則小義不可不行；小義不行於國，而求百姓之行大義，不可得也。凡牧民者，欲民之有廉也。欲民之有廉，則小廉不可

○樹植也。樹人，謂舉賢才而任之也。

○百穫，言所得多也。十百，皆舉成數而言。

○苟與「亟」通。如

神，謂樹人爲效之巨，如神力之所爲也。

④唯王之門，謂唯王者能之也。

⑤數，謂自然之理也。

⑥

大禮，謂禮之大節。

不修也；小廉不修於國，而求百姓之行大廉，不可得也。凡牧民者，欲民之有恥也。欲民之有恥，則小恥不可不飾也。⊖小恥不飾於國，而求百姓之行大恥，不可得也。凡牧民者，欲民之修小禮，行小義，飾小廉，謹小恥，禁微邪，此厲⊖民之道也。民之修小禮，行小義，飾小廉，謹小恥，禁微邪，治之本也。

凡牧民者，欲民之可御也。欲民之可御，則法不可不〔審〕重。⊖法者，將立朝廷⊗者也。將立朝廷者，則爵服不可不貴也。爵服加於不義，則民賤其爵服；民賤其爵服，則人主不尊；人主不尊，則令不行矣。法者，將用民力者也。將用民力者，則祿賞不可不重也。祿賞加於無功，則民輕其祿賞；民輕其祿賞，則上無以勸民；上無以勸民，則令不行矣。法者，將用民能者也。將用民能者，則授官不可不審也。授官不審，則民間⊗其治；民間其治，則理不上通；⊗理不上通，則下怨其上；下怨其

⊖飾亦修也。

⊖厲與『勵』同，謂勸勉之也。

⊖審，依王說，據北堂書鈔、太平御覽引，改『重』。

⊗立

△朝廷謂所以支持朝廷之綱紀。

⊗間，謂非之也。

⊗民所執之理，不上通於君也。

上，則令不行矣。法者，將用民之死命者也。用民之死命者，則刑罰不可不審也。刑
○罰不審，則有辟就；○有辟就，則殺不辜，而赦有罪；殺不辜而赦有罪，則國不免
於賊臣矣。故夫爵服賤，祿賞輕，民間其治，賊臣首難，○此謂敗國之教也。

○也，依元刻本增。

○辟，同「避」。謂親貴則避而赦之，疏賤則就而殺之也。

○首難，為首作亂也。

立政

國之所以治亂者三，^①殺戮、刑罰不足用也；國之所以安危者四，^②城郭險阻不足守也；國之所以富貧者五，^③輕稅、租、薄賦、歛不足恃也。治國有三本，而安國有四固，而富國有五事，五經也。^④

君之所審者三：一曰，德不當其位；二曰，功不當其祿；三曰，能不當其官。此三本者，治亂之原也。故國有德義未明於朝者，則不可加於尊位；功力未見於國者，則不可授與重祿；臨事不信於民者，則不可使任大官。故德厚而位卑者，謂之過；德薄而位尊者，謂之失。^⑤寧過於君子，而毋失於小人。過於君子，其爲怨淺；失於小人，其爲禍深。是故，國有德義未明於朝而處尊位者，則良臣不進；有功力未見

①三謂三本。

②四謂四固。

③五謂五事。

④經，常法也。

⑤五經，謂五種富國之常法。以上爲一篇之

綱領。

⑤過失皆誤也。

——無心者曰『過』，『失』則有意焉。

於國，而有重祿者，則勞臣①不勸；有臨事不信於民而任大官者，則材臣不用。②三本者審，則下不敢求；③三本者不審，則邪臣上通而便辟制威。④如此則明塞於上，而治壅於下；正道捐棄，而邪事日長。三本者審，則便辟無威於國，道塗無行禽，疏遠無蔽獄，孤寡無隱治。⑤故曰：⑥刑省治寡，朝不合衆。

右三本

君之所慎者四：一曰，大〔德〕位⑦不至仁，不可以授國柄；二曰，見賢不能讓，不可與尊位。三曰，罰避親貴，不可使主兵；四曰，不好本事，不務地利，而輕賦斂，不可與都邑。⑧此四務者，安危之本也。故曰，卿相不得衆，國之危也；大臣不和同，國

○勞臣謂有功勞之人。

①不用謂不爲上用。

②不敢求謂不敢妄求。

③便平聲；辟，婢亦反。文二

謂使佞邪僻之人制威行其威勢也。

④禽猶「囚」也。蔽獄，掩蔽其情，不使自申隱治私治之，不使上

聞均謂虐無告之人也。

⑤曰，依安說刪。

⑥德，依孫說，據羣書治要及長短經引，改「位」。

⑦輕易

也。謂輕易賦斂於民者，不可與都邑使治之也。

之危也；兵主不足畏，國之危也；民不懷其產，國之危也。故大德至仁，則操國得衆；見賢能讓，則大臣和同；罰不避親貴，則威行於鄰敵；好本事，務地利，重賦斂，則民懷其產。

右四固

君之所務者五：一曰，山澤不〔救〕敬於火，草木不得殖成，○國之貧也；二曰，溝瀆不遂於隘，鄣水不安其藏，國之貧也；○三曰，桑麻不殖於野，五穀不宜其地，國之貧也；四曰，六畜不育於家，瓜瓠葷菜百果不備具，國之貧也；五曰，工事競於刻鏤，女事繁於文章，⑤國之貧也。故曰，山澤〔救〕敬於火，草木殖成，國之富也；

○重謂鄭重而不輕取。○救，依孫說改「敬」敬，古通「倣」。殖，依諸本增。謂倣戒山澤，毋傷於火，則草木殖成。○溝瀆，田間小水。遂，進也。鄣，障通，障障也。溝瀆不進於夾隘之地，則灌溉不周，障障之水不安其居，必漂田廬，傷禾稼，皆足以貧國也。○葷，音薰，臭菜也，爲椿、韭、葱、蒜之屬。○木曰「刻」；金

曰「鏤」。『文章』，謂錦繡纂組也。

溝瀆遂於隘，障水安其藏，國之富也；桑麻殖於野，五穀宜其地，國之富也；六畜育於家，瓜瓠、葷菜、百果備具，國之富也；工事無刻鏤，女事無文章，國之富也。

右五事

分國以為五鄉，鄉為之〔師〕；帥分鄉以為五州，州為之長；分州以為十里，里為之尉；分里以為十游，游為之宗。○十家為什，五家為伍，什伍皆有長焉。

築障，塞匿，一道路，博出入，審閭閉，慎筦鍵。○筦藏於里尉，置閭有司。○以時開閉閭。有司觀出入者，以復于里尉。○凡出入不時，衣服不中，圈屬羣徒，不順於常者，閭有司見之，復無時。○若在長家子弟、臣妾、屬役、賓客，則里尉以譙於游宗，游宗以譙於什伍，什伍以譙於長家。○譙敬。○而勿復，一再則宥，三則不赦。

○帥，依安說改『帥』、『帥』、『長』、『尉』、『宗』，皆為其區劃之長官。○匿，謂邪徑旁出者，博當為『搏』，古

文『專』字也。閭，閉里門也。籥，牝曰『筦』，牡曰鍵。○閭，有司掌開閉里門者。○復，白也。○不中，謂

不衷於禮。圈，亦『屬』也。圈，屬羣徒，謂朋黨結聚之人，順循也。復無時，隨時白於里尉也。○長家，家長

也。○譙，責讓也。敬，同『儆』，戒也。

凡孝悌、忠信、賢良、雋材，若在長家子弟、臣妾、屬役、賓客，則什伍以復於游宗，游宗以復於里尉，里尉以復於州長，州長以計於鄉〔師〕，鄉〔師〕以著於士師。凡過黨其在家屬，及於長家，其在長家，及於什伍之長，其在什伍之長，及於游宗，其在游宗，及於里尉，其在里尉，及於州長，其在州長，及於鄉〔師〕，其在鄉〔師〕，帥及於士師。三月一復，六月一計，十二月一著。凡上賢，不過等；使能，不兼官；罰有罪，不獨及；賞有功，不專與。^④

孟春之朝，君自聽朝，論爵賞，校官，終五日。季冬之夕，君自聽朝，論罰罪，刑殺，亦終五日。正月之朔，百吏在朝，君乃出令，布憲^⑤於國。五鄉之〔師〕，帥五屬大夫，皆受憲於太史。大朝之日，五鄉之〔師〕，帥五屬大夫，皆身習憲於君前。太史既

①師，依安說及藝文類聚引，改「帥」下。同。著，著其名於賢簿，以待收用也。②過黨，犯罪過之徒黨，及坐及也。③上舉而用之也。④不獨及，謂不止罪其身，必有所連坐。不專與，謂兼賞舉賢之人。⑤

懸法令示人曰「憲」。^⑥五屬大夫，掌治郊外之官吏。

布憲，入籍於太府，憲籍分於君前。⊖

五鄉之〔師〕帥出朝，遂於〔鄉〕官，致〔于〕鄉屬及〔于〕游宗，皆受憲。⊖ 憲既布，乃反致令焉。⊖ 然後敢就舍。憲未布，令未致，不敢就舍。就舍謂之「留令」。死罪不赦。五屬大夫皆以行車朝。⊗ 出朝，不敢就舍，遂行。至都之日，遂於廟致。⊕ 屬吏皆受憲。憲既布，乃發使者致令，以布憲之日蚤晏之時。⊕ 憲既布，使者以⊗ 發，然後敢就舍。憲未布，使者未發，不敢就舍。就舍謂之「留令」。死罪不赦。憲既布，有不行憲者，謂之「不從令」。罪死不赦。〔考〕布⊕ 憲而有不合於太府之籍者，

⊖ 籍，憲之副本也。必兩陳之者，防其錯誤也。既而憲頒於鄉，籍藏於府，故曰「分於君前」也。⊖ 鄉，依

俞說刪。官，古「館」字。兩于字，皆依俞說刪。言五鄉之帥既出朝，遂于館舍之中，致鄉屬及游宗而受

憲焉。⊖ 致令，復命於君也。⊗ 行車，行旅之車也。⊕ 邑，有先君之廟，曰「都」。五屬大夫各居其都，

其鄉帥則居國，猶周官鄉大夫然。致憲於廟，重之也。⊕ 布憲蚤，則蚤發使；布憲晏，則晏發使，不敢遲

一刻也。⊗ 以與「已」古通。⊕ 考，依陳說改「布」。

〔日〕侈曰○『專制』不足曰『虧令』罪死不赦。首憲既布，然後可以布憲。○
右首憲

凡將舉事，令必先出，曰『事將爲』。○其賞罰之數，必先明之。立○事者，謹守令以行賞罰；計事致令，復賞罰之所加。○不合於令之所謂者，雖有功利，則謂之專制，罪死不赦。首事既布，然後可以舉事。

右首事

修火憲，敬○山澤，林藪積草，〔夫〕天財之所出，以時禁發焉，使民足於宮室。

○侈多也。曰依諸本移『侈』下。○首憲君所頒也。首憲既頒，鄉帥以下然後可以布憲也。○凡將舉行事，必先出令，曰『將爲某事』。○立掌也。○計算也。致反也。復白也。謂事既成，則掌事者，計算其功，反致前所受之令於君，白賞罰之所當加也。○修火憲立失火之法律也。敬同『儆』戒也。

之用，○薪蒸之所積，虞師之事也。○決水潦，通溝瀆，修障防，安水藏，使時水雖過度，無害於五穀。○歲雖凶旱，有所粉穫。○司空之事也。相高下，視肥瘠，觀地宜，明詔期，前後農夫，以時均修焉。○使五穀桑麻皆安其處，由田。○之事也。行鄉里，視宮室，觀樹執簡。○六畜，以時鈞修焉，勸勉百姓，使力作毋偷。○懷樂家室，重去鄉里，鄉師之事也。論百工，審時事，辯功苦，上完利，監壹五鄉。○以時鈞修焉，使刻鏤文采，毋敢造於鄉，工師之事也。

○夫依丁說改『天』。天財天然之產物也。以時禁發，依定時，開採伐發掘之禁也。足依戴說增。○蒸，細薪也。虞師，掌山澤之官。○安，水藏，修貯水之所，令不泛溢也。時，水謂大雨川漲。過度，過常度也。○四粉，音汾，亦獲也。○五瘠，瘠薄也。詔告也。明詔期，以耕期明告農夫也。前後，率導也。○由田，主農之官也。○七簡閱也。○八偷苟且也。○九審時事，謂審時人所好尚之事，奢則禁之，功堅牢，苦脆弱，辯功苦，謂辨別製品之堅實與否。上完利，謂尊崇完全而有利之製品也。監壹五鄉，謂監視五鄉而同一之。

右省官⊖

度⊖爵而制服，量祿而用財。飲食有量，衣服有制，宮室有度，六畜人徒有數，舟車陳器有禁。〔修〕⊖生則有軒冕，服位，穀祿，田宅之分；⊖死則有棺槨，絞衾，壙壟之度。⊖雖有賢身貴體，毋⊕其爵，不敢服其服；雖有富家多資，毋其祿，不敢用其財。天子服〔文〕有文章，⊕而夫人不敢以燕，以饗廟。⊖將軍大夫⊕以朝，官吏以命，士止於帶緣。⊕散民⊕不敢服雜采；百工商賈，不得服長鬢。⊕貂；刑餘戮民，

⊖省察也。

⊖度，讀入聲。

⊖陳器，陳設之器具。有禁，有奢侈者，則禁之也。修，依王說刪。

⊖分，名

分〕之〔分〕。

⊕絞，音交；絞衾，包死體之單被也。壙，葬穴也。壟，墳也。

⊕毋，同〔無〕。

⊕服文有章

依春秋繁露，故『服有文章』。⊖謂此種文繡之服，夫人僅於祭祀宗廟時服之，不敢服之以燕樂。

⊖將軍大夫，大夫而為將軍者，乃上大夫也。

⊕以命，謂從命數而服之。士止於帶緣，謂士不衣文繡

之服，僅飾帶緣而已。

⊕散民，謂不仕之民。

⊕鬢，音拳，分髮為鬢也。

不敢服統，不敢畜連乘車。⊖

右服制

寢⊖兵之說勝，則險阻不守；兼愛之說勝，則士卒不戰；全生之說勝，則廉恥不立；⊖私議自貴之說勝，則上令不行；羣徒比周之說勝，則賢不肖不分；⊖金玉貨財之說勝，則爵服下流；觀樂玩好之說勝，則姦民在上位；請謁任舉之說勝，則繩墨不正；⊖諂諛飾過之說勝，則巧佞者用。

右九敗

期而致，⊕使而往，百姓舍己，以上爲心者，教之所期也。始於不足見，終於不

⊖統，一作『絲』。連古通『輦』。乘車牛馬所拽之車。⊖寢，猶偃也。⊖全生，謂軍將敗歸，不加刑戮，全

其生命也。廉稜也。⊖比周，狼狽相助也。分猶明也。⊖繩墨，謂法度也。⊖致，至也；『期而致』，應於

所約之期而至也。

可及，一人服之，萬人從之，訓之所期也。⊖未之令而爲，未之使而往，上不加勉而民自盡竭，俗⊖之所期也。好惡形於心，百姓化於下，罰未行而民畏恐，賞未加而民勸勉，誠信之所期也。爲而無害，成而不議，得而莫之能爭，天道之所期也。⊕爲之而成，求之而得，上之所欲，小大必舉，事之所期也。令則行，禁則止，憲之所及，俗之所被，⊗如百體之從心，政之所期也。

右七〔觀〕期^⑤

⊖服[△]行也。訓誨之效遲而巨，其始不足見，及其成也，非政令所能及也。⊕勉[△]勸也。俗[△]民所習也。⊕爲焉而無所害，成焉而無可議，唯道與天合者能之。⊗憲俗之所被及，謂邦內。⊕觀[△]依[△]丁說改
『期』

乘馬

凡立國都，非於大山之下，必於廣川之上。高毋近旱，而水用足；下毋近水，而溝防省。因天材，就地利，故城郭不必中規矩，道路不必中準繩。

右立國

無爲者帝，爲而無以爲者王，爲而不貴者霸，不自以爲所貴者則君道也；貴而不過度，則臣道也。

右大數

○此篇乃本於稅制，述一國之體制者。四馬爲『乘』；當時軍稅主馬，計國之大小，皆以此爲標準，故名『乘馬』。○過高則水少，故曰『旱』。○天材，謂天生之材。○化民以德，自然而治也。○雖設制度，文物，而若無所用之也。○爲而不自以爲貴，言不伐也。○不自以已爲人所貴，卑以自牧也。

地者，政之本^①也；朝者，義之理^②也；市者，貨之準^③也；黃金者，用之量^④也；諸侯之地，千乘之國者，器之制^⑤也。五者其理可知也，爲之有道：——

地者，政之本也，是故地可以正政也。^⑥地不平均和調，^⑦則政不可正也；政不正，則事不可理也。

春秋冬夏，陰陽之推移也；^⑧時之短長，陰陽之利用也；^⑨日夜之易，陰陽之化也。^⑩然則陰陽正矣，雖不正，有餘不可損，不足不可益也。天地莫之能損益也。然則可以正政者，地也，故不可不正〔也〕地。^⑪正地者，其實必正；長亦正，短亦正，

①地生萬物，政因物而立，故曰『政之本』也。②理，治也。事各有義，治之在朝。③準，則也；貨之貴

賤，市爲之準則。④量，度也；以黃金多少，度制國用。⑤千乘之國，方三百六十里有奇，其所生有定

數，猶器受物，有定限，故曰『器之制』也。⑥正政者，必先正地；地正，然後政可得而正矣。⑦平均，經

界正也；和調，土化耕耘，得其法也。⑧夏秋推陽以生陰，冬春推陰以生陽。⑨時，十二時也。晝長則

陽盛，晝短則陰盛，以生成萬生，所謂利用也。⑩晝夜變易，陰陽之所以化成萬物也。⑪也，依丁說

改『地』。

小亦正，大亦正，——長短小大盡正。⊖〔正〕地不正，則官不理；⊖官不理，則事不治；事不治，則貨不多。是故何以知貨之多也？曰：事治，何以知事之治也？曰：貨多。貨多，事治，則所求於天下者寡矣。爲⊖之有道。

右陰陽

朝者，義之理^④也。是故，爵位正而民不怨，民不怨則不亂，然後義可理。〔理〕不正^⑤，則不可以治，而不可不理也。故一國之人，不可以皆貴；皆貴，則事不成，^⑥而國不利也。爲事之不成，國之不利也。使無貴者，則民不能自理也。是故辨於爵

○實謂收穫。正地者，非謂方正其形；雖地有長短，大小之殊，其所穫必同，乃所謂正也。⊖正，依王說

改「地」地不正，則官不理，即上文所云「地不平均調和，則政不可正也」。⊖爲之有道之「爲」，讀

「謂」，「爲」謂「古通」，下做此。④理，治也。⑤理，據丁說刪。不正，謂爵位不正。⑥農工絲麻之事，

皆賤者執之，故云。

列之尊卑，則知先後之序，貴賤之義矣。爲之有道。

右爵位

市者，貨之準也。是故百貨賤，則百利〔不〕得；百利〔不〕得，則百事治；百事治，則百用節矣。是故事者，生於慮，成於務，失於傲。○不慮則不生，不務則不成，不傲則不失。故曰：市者，可以知治亂，可以知多寡，而不能爲多寡。○爲之有道。

右務市事

黃金者，用之量也。辨於黃金之理，則知侈儉；知侈儉，則百用節矣。④故儉則

○不依王說，據太平御覽引，刪下同。

○思有所圖，曰「慮」。『務』專力也。『傲』慢也；怠慢，則事

不成。○百貨陳於市，世所尚則多，所賤則寡，而制之在上，市人不能自爲多寡也。④謂辨於黃金

所以貴賤之理，則可以知侈儉——侈則金貴，儉則金賤。侈則禁之，儉則導之以禮，故百用皆得其節矣。

傷事，侈則傷貨。儉則金賤，金賤則事不成，故傷事；侈則金貴，金貴則貨賤，故傷貨。○貨盡而後知不足，是不知量也；事已而後知貨之有餘，是不知節也。不知量，不知節，不可謂之有道。○

天下乘馬、服牛，而任之輕重有制；有壹宿之行，道之遠近有數矣。○是知諸侯之地，千乘之國者，所以知〔地〕器④之小大也，所以知任之輕重也。重而後損之，是不知任也；輕而後益之，是不知器也。不知任，不知器，不可謂之有道。⑤

地之不可食者，⑥山之無木者，百而當一；⑦涸澤，百而當一；地之無草木者，

○始爲曰『事』，旣成曰『貨』。金賤則貨貴，貨貴則買之者少，而貨有餘；爲之雖勤，而商賈不肯居之，故傷事。金貴則貨賤，貨賤則買之者多，而貨不足以應其求，故傷貨。○此節釋上文『黃金者，用之量也』，以上文例之，當署『右黃金之量』五字，別爲一章。○任輕則牛馬能致遠，任重則不能，故必任之有制，而後能定壹宿之程；程旣定，則道之遠近，有確數矣。④地，依王說改『器』。⑤此段釋上文『諸侯之地，千乘之國，器之制也』。⑥平地不生穀者。⑦謂當穀土百分之一。

百而當一；樊棘雜處，民不得入焉，百而當一；藪，鎌，纏，得入焉，九而當一；蔓山，其木可以爲材，可以爲軸，斤斧得入焉，九而當一；汎山，其木可以爲棺，可以爲車，斤斧得入焉，十而當一；流水，網罟得入焉，五而當一；林，其木可以爲棺，可以爲車，斤斧得入焉，五而當一；澤，網罟得入焉，五而當一；命之曰『地均』，以實數。⑤

方六里，命之曰『暴』；五暴，命之曰『部』；⑥五部，命之曰『聚』——聚者有市，無市則民乏；——五聚，命之曰『某鄉』；四鄉，命之曰『方』，官制也。官成而立邑。⑦五家而伍，十家而連，五連而暴，五暴而長，命之曰『某鄉』；四鄉，命之曰『都』，邑制也。邑

○樊，籬也；棘，刺也；樊棘謂荆棘稠密如籬處，猶生也。

○鎌，刈割器；纏，音墨，繩索也；——三股者曰『徽』，兩股

者曰『纏』。鎌，纏皆入藪採薪者之所用。

○蔓，山山之支蔓近邑里者。④汎，廣也；汎山謂大山遠邑

里者。

⑤命，猶名也；下同。地均，地員也。以實數計其所收之實，以定里數也。

⑥暴，顯也。方六里，政教

始顯著，故名之曰『暴』。部，統也，各有所統屬。

⑦命之曰『方』者，蓋一方之治，故名焉。官制也者，言方六

里以下，皆置官府之制也。凡治國之法，先立其官；官制既立，置邑使民，可坐而定矣。

成而制事。四聚爲一離，五離爲一制，五制爲一田，二田爲一夫，三夫爲一家，事制也。事成而制器。方六里，^①爲一乘之地也。一乘者，四馬也。一馬，其甲七，其蔽^②五。
〔四〕一^③乘，其甲二十有八，其蔽二十；白徒三十人，奉車兩。^④器制也。

方六里，一乘之地也；方一里，九夫之田也；黃金一鎰百乘一宿之盡也。^⑤無金，則用其絹；季絹三十三制，當一鎰。^⑥無絹，則用其布；經暴布百兩，^⑦當一鎰。一鎰之金，食百乘之一宿；則所市之地，六步一斗，命之曰『中歲』。^⑧有市無市，則民不乏矣。

○方六里，三十六井也；出戎車一乘，馬四匹，甲士二十八人，牌兵二十人，白徒三十人。^①蔽所以防護車馬之牌兵。^②依丁說改。^③白徒，不持武器，隨行，助車之運行者。兩同『輛』。^④二十兩爲

『鎰』。盡讀爲『贖』；會費曰『贖』。^⑤季，小也，猶言細；季絹，謂絹質細緻者。制，一丈八尺也。^⑥暴步卜

反(父父)，同曝；經暴布，謂已經曬曝之布。兩匹也。^⑦斗，俗『斗』字。六步一斗，則一畝收一斛六斗六升

六合六勺六撮六不盡。中歲，普通之歲也。

方六里，名之曰『社』，有邑焉，名之曰『央』，亦關市之賦。○黃金百鎰爲一篋，其〔其〕貨一穀籠，爲十篋。○其商〔苟〕在市者三十人，其正月、十二月黃金一鎰，命之曰正。○分春曰『書比』，立夏曰『月程』，秋曰『大稽』，與民數得亡。④

三歲修封，五歲修界，十歲更制，經正也。⑤〔十〕一仞見水，不大潦；五尺見水，不大旱。⑥〔十〕一仞見水，輕征十分去二三；二則去三四；四則去四五；五則去半，比

○央[△]，中也；一央之民，耕一社之田，地偏則不便於耕，故名曰『央』。亦關市之賦，謂除租稅外，亦有關市之賦。○貨盈一穀籠，名爲『十篋』，與黃金一篋，皆賦黃金一鎰。不徒云『一穀籠』，而必言『十篋』者，

蓋以篋數定賦。是二者，皆關稅也。○苟[△]，依丁說刪。商在市者三十人，淹留一月，其正月及十二月，貨

最多售，相與納黃金一鎰：此關市賦之正法也。④分春[△]，春分也。書比[△]，書物價貴賤之比例也。程準也；

『月程』，漢曰『月平』，一月之定價也。大稽[△]，春夏秋三期之總調查也。與與『舉』通[△]，與民數得亡[△]，依上項

調查，覈核人民之損益，以定賦稅之輕重也。此節所述徵關市稅之法，與上節調度軍費之法，爲並行

之制度。⑤封界[△]，皆謂田境；十歲則更制之，恐大壞也。正當爲『制』，言此正經界之制也。⑥七尺曰

『仞』，十依俞說改『一』。距平地一仞見水，其地較高，故不大潦；五尺見水，其地較卑，故不大旱。

之於山。五尺見水，十分去一；四則去^(二)；三則去^(二)；二則去^(一)；一尺而見水，比之於澤。

距國門以外，窮四竟之內，丈夫二犁，童五尺一犁，以爲三日之功。⊖正月，令農始作服。⊙於公田。農耕及雪釋，耕始焉，芸卒焉。士聞見博，學意察，而不爲君臣者，與功而不與分焉。⊗賈知賈^⑤之貴賤，日至於市而不爲官賈者，與功而不與分焉。工治容貌功能，⊕日至於市而不爲官工者，與功而不與分焉。不可使而爲工，則視貸離之實，而出夫粟。⊕

⊖[△]征[△]稅也。一仞見水之地，早時，輕稅十分之二三；二仞，則去十分之三四；下倣此。四數字，均依俞說改。

⊙[△]竟[△]同[△]『境』。犁[△]耕田之定額。五尺十五歲也。以爲三日之功，人各爲官治田三日也。⊙[△]服[△]事也。⊗[△]

學[△]意[△]察[△]，學而明知其意也。不爲君臣，不仕也。與功而不與分，與三日之功，而不受一夫之分，所以罰之也。⊕[△]知[△]賈[△]之[△]賈[△]同[△]『價』。⊕[△]容[△]貌[△]器[△]之[△]形[△]也；功[△]能[△]其[△]用[△]也。⊕[△]不[△]可[△]使[△]而[△]爲[△]工[△]言[△]技[△]拙[△]不[△]可[△]使[△]用[△]，而

自爲工者，貸離猶言『差貸』。夫粟，一夫所受百畝應貢之粟額也。

是故智者知之愚者不知不可以教民巧者能之拙者不能不可以教民。非一令而民服之也，不可以爲大善；非夫人能之也，不可以爲大功。是故非誠賈，不得食於賈；非誠工，不得食於工；非誠農，不得食於農；非信，士不得立於朝。是故官虛而〔其〕莫敢爲之請；君有珍車珍甲，而莫之敢有；君舉事，臣不敢誣其所不能。君知臣，臣亦知君，知己也，故臣莫敢不竭力，俱操其誠以來道。

曰：均地，分力，使民知時也。民乃知時，日之蚤晏，日月之不足，飢寒之至於身也；是故夜寢蚤起，父子兄弟不忘其功，爲而不倦，民不憚勞苦。故不均之爲惡也。地利不可竭，民力不可殫，不告之以時，而民不知，不道之以事，而民不爲。與之分貨，則民知得正矣。審其分，則民盡力矣。是故不使而父子兄弟不忘其

○此言教人，當使智愚皆知，巧拙皆能。○夫人能之，猶言盡人皆能也。○誠純也。士曰「信」者，所以別於三民也。○虛缺也。○誣其所不能，妄以不能爲能也。○道言也。○均地，田百畝，萊二百畝之屬。分力，使民各盡力耕其田。○功事也。○道，讀爲「導」。○民貢什一，而各私其餘，若分貨然；如此，則家給戶足，民之智慮得其正矣。

功。

右士農工商①

聖人之所以爲聖人者，善分民②也。聖人不能分民，則猶百姓也；於已不足，安得名聖；是故，有事則用，無事則歸之於民，唯聖人爲善託業③於民。

民之生也，辟則愚，閉則類。④上爲一，下爲二。⑤

右聖人⑥

時之處事精矣，不可藏而舍也。⑦故曰：今日不爲，明日亡貨。⑧昔之日已往

○此段言均地、立制、定賦之法，率民盡地力，終之以人君出令之事；末又言均地、分力，使民知時，爲下三節之綱。此等小題，大抵後人妄加，多於義未合。①善分貨於民，言不重斂也。②業，產業也。③生，讀爲性。辟，與『僻』同，淫僻也。閉，當爲『閑』，正也。類，善也。④謂上有好者，下必甚焉。⑤此節釋上分力，非言聖人。⑥時者日往而不留，不可蓄藏而止舍之也。⑦亡，失也。貨，生於爲，不爲，故亡之。

而不來矣！

右失時 ⊖

上地方八十里，萬室之國一，千室之都 ⊖；中地方百里，萬室之國一，千室之都四；下地方百二十里，萬室之國一，千室之都四。以上地方八十里，與下地方百二十里，通於中地方百里。

右地里 ⊖

⊖ 此節釋上使民知時。

⊖ 國謂城中都下邑也。

⊖ 此節釋上均地。

七法

言是而不能立，言非而不能廢；^①有功而不能賞，有罪而不能誅；若是而能治民者，未之有也。是必立，非必廢，有功必賞，有罪必誅，若是安治矣？未也。是何也？曰：形勢器械未具，猶之不治也。形勢器械具，四者備，^②治矣。不能治其民而能彊其兵者，未之有也；能治其民矣，而不明於爲兵之數，^③猶之不可。不能彊其兵，而能必勝敵國者，未之有也；能彊其兵，而不明於勝敵國之理，猶之不勝也。兵不必勝敵國，而能正天下者，未之有也；兵必勝敵國矣，而不明正天下之分，^④猶之不可。故曰：治民有器，爲兵有數，勝敵國有理，正天下有分。^⑤

① 七法謂則、象、法、化、決塞、心術、計數。

② 立猶用也。以其言爲是，而不能用之；以其言爲非，而不能廢

之。③ 四者備謂立是、廢非、賞功、誅罪。

④ 爲治也。數猶法也。

⑤ 分，劑也。正天下自有分劑，不明於

此，天下不可得而正焉。

⑥ 器，數理分即指下之七法。

則象、法、化、決、塞、心術、計數——○根天地之氣、寒暑之和、水土之性、人民鳥獸、草木之生、○物雖不甚多、皆均有焉、而未嘗變也、謂之『則』。○義也、名也、時也、似也、類也、比也、狀也、謂之『象』。○尺寸也、繩墨也、規矩也、衡石也、斗斛也、角量也、謂之『法』。○漸也、順也、靡也、久也、服也、習也、謂之『化』。○予奪也、險易也、利害也、難易也、開閉也、殺生也、謂之決塞。○實也、誠也、厚也、施也、度也、恕也、謂之心術。○

○此爲七法之目。

○此言人民、鳥獸、草木、根天地之氣、寒暑之和、水土之性以生、乃倒裝句法也。

○物指人民、鳥獸、草木。言其生也、各有所宜、雖或有不甚多之地、天下皆同有焉、古今未嘗變也。一定不變、曰『則』。○似肖也、類種也、比讀如『上比下比』之『比』、擬也。狀事之形狀也。此六者、有象而無

物、像而行之、各得其宜、故名『象』耳。○百二十斤曰『石』。角同『鞞』、平量之器、量度也。○漸、不速

之名、順不逆之稱。靡切也。——荀子曰：『身日進於仁義而不自知也者、靡使然也。』——服行之不違、

如衣服之在身也。化者、非一旦所能致、必行此六者、然後可語化矣。○險危也、易平也。開閉猶行止。

決讀如『決汝漢』之『決』、通也。十二事相反、或通之、或塞之、凡以利民。○術、道也、君相之心、當以此

六者爲道。

剛柔也，輕重也，大小也，實虛也，遠近也，多少也，謂之計數。⊖

不明於則，而欲〔出號令〕錯儀畫制，⊖ 猶立朝夕於運均之上，〔檐〕搖竿而欲定其末。⊖ 不明於象，而欲論材審用，猶絕長以爲短，續短以爲長。⊖ 不明於法，而欲治民，一衆，猶左書而右息之。⊖ 不明於化，而欲變俗，易教，猶朝揉輪而夕欲乘車。不明於決塞，而欲歐衆，移民，猶使水逆流。不明於心術，而欲行令於人，猶倍招而必拘之。⊖ 不明於計數，而欲舉大事，猶無舟楫而欲經於水險也。故曰：錯儀畫制，不知則不可；論材，審用，不知象不可；和民，一衆，不知法不可；變俗，易教，不知化不可；歐衆，移民，不知決塞不可；布令必行，不知心術不可；舉事必成，不知計數不可。

⊖ 此六者，所以料敵也。

⊖ 依丁說改。錯儀畫制，設定禮儀制度也。

⊖ 朝夕，所以測日景之器。運轉

也。均，陶者之輪也。檐，依王〔引〕說改。〔檐〕古搖字。立朝夕於運均之上，欲以測日景，搖竿而欲

令其末不動，皆不可得也。

⊖ 不明於象，用違其材，不唯無益，又從而害之。

⊖ 息，止也。左手爲書，右

百匿傷上威，○姦吏傷官法，姦民傷俗教，賊盜傷國衆。〔衆〕威傷，則重在下；
○法傷，則貨上流；○教傷，則從令者不輯；○衆傷，則百姓不安其居。重在下，則令
不行；貨上流，則官徒毀；○從令者不輯，則百事無功；百姓不安其居，則輕民處而
重民散。輕民處，重民散，○則地不辟；○地不辟，則六畜不育；六畜不育，則國貧而
用不足；國貧而用不足，則兵弱而士不厲；兵弱而士不厲，則戰不勝而守不固；戰
不勝而守不固，則國不安矣。

故曰常令不審，則百匿勝；官爵不審，則姦吏勝；○符籍不審，則姦民勝；○刑

○匿與『隱』通；百，隱衆惡也。

○君威傷，則上輕而下重。

○政以賄成，故貨流於上。

○輯，和也。

○賄賂公行，則小吏犯賊者衆，故官屬毀壞。

○輕民，謂遊手無恆業者；爲盜所用，故處重民，謂務農

有恆產者；懼爲盜劫，故散。

○辟，同『闕』。

○不能審賢能而官爵之，則姦猾爭進。

○符，通行證也。

籍，戶籍也。二者不審，則姦民往來任心，而爲惡於閭里之間。

法不審，則盜賊勝。國之四經敗，人君〔泄〕見危。○人君泄，則言實之士不進；○言實之士不進，則國之情○偽不竭於上。

世主所貴者，〔實〕實也；所親者，戚也；○所愛者，民也；所重者，爵祿也。〔亡〕明君則不然：致所貴，非〔實〕實也；致所親，非戚也；致所愛，非民也；致所重，非爵祿也。故不為○重寶虧其命，故曰『令貴於寶』；不為愛親危其社稷，故曰『社稷戚於親』；不為愛人枉其法，故曰『法愛於人』；不為重爵祿分其威，○故曰『威重於爵祿』；不通此四者，則反於無有。○

故曰：治人如治水潦，○養人如養六畜，○用人如用草木，○居身論道行理，

○常令、官爵、符籙、刑法四者，為政之經。泄，依安說刪。○人君泄謀，則忠直之士畏禍不敢言。○情

實也。○世主謂庸主也。實，依王說改『寶』；『寶』，謂金銀珠玉。戚，謂親戚。○亡，依安說改『明』。○

為讀去聲。○分威，謂與人以政刑之權也。○反於無有，謂亡也。○治水潦，或疏通之，或隄防之；

則羣臣服教，百吏嚴斷，莫敢開私焉。○論功計勞，未嘗失法律也；便辟左右，大族尊貴大臣，不得增其功焉；疏遠卑賤，隱不知之人，不忘其勞。故有罪者不怨上，〔愛〕受○賞者無貪心，則列陳之士，皆輕其死，而安難以要上事。○本兵之極○也。

右百匿

爲兵之數，存⑤乎聚財，而財無敵；存乎論工，而工無敵；存乎制器，而器無敵；存乎選士，而士無敵；存乎政教，⑥而政教無敵；存乎服習，⑦而服習無敵；存乎徧知天下，⑧而徧知天下無敵；存乎明於機數，⑨而明於機數無敵；故兵未出境而

- 人君居身於論道行禮之中，則羣臣服其教，百吏亦嚴正斷事，不敢開私枉法。○依陳說改。○
要求也。上事謂賞。○四爲兵之本，其極要在於明賞罰也。○五數計也。存在也。○六政教軍中號令也。
七服習練習武藝也。○八徧知天下之地形險易，將卒勇怯也。○九機事機數計也。

無敵者八。是以欲正天下，財不蓋天下，不能正天下；財蓋天下，而工不蓋天下，不能正天下；工蓋天下，而器不蓋天下，不能正天下；器蓋天下，而士不蓋天下，不能正天下；士蓋天下，而教不蓋天下，不能正天下；教蓋天下，而習不蓋天下，不能正天下；習蓋天下，而不徧知天下，不能正天下；徧知天下，而不明於機數，不能正天下。故明於機數者，用兵之勢也。大者時也，小者計也。⊖

王道非廢也，而天下莫敢窺者，王者之正也。⊖衡庫者，天子之禮也。⊖

是故，器成卒選，則士知勝矣。徧知天下，審御機數，則獨行^④而無敵矣。所愛之國而獨利之，所惡之國而獨害之，則令行禁止。是以聖王貴之。勝一而服百，則

⊖成大功者，在得天時，如湯武是也；小功者，計謀亦能成之，不必在天時也。⊖王者之道，布在方策，

非有廢也；然天下知其道而莫敢覬覦者，以當時王者之政正也。⊖衡者，所以平輕重；庫者，所以藏

寶物，不令外知者也。言王者用心，常當準平天下。既知輕重，審用於心，無令長耳目者所得。此則天子

之禮然也。⊖獨行人不敢拒，如入無人之境也。

天下畏之矣；立少而觀多，則天下懷之矣；罰有罪，賞有功，則天下從之矣。故聚天下之精〔財〕材，論百工之銳器。春秋角試以練，精銳爲右。成器不課，不用不試不臧。收天下之豪傑，有天下之駿雄。故舉之如飛鳥，動之如雷電，發之如風雨。莫當其前，莫害其後；獨出獨入，莫敢禁圍。

成功立事，必順於理義。故不理，不勝天下；不義，不勝人。故賢知之君，必立於勝地，故正天下而莫之敢御也。

右爲兵之數

若夫曲制時舉，不失天時，毋墮地利。其數多少，其要必出於計數。故凡

- ①立少觀多，謂興亡國雖少，然天下共觀之，而感其高義，如桓公救邢遷衛，是也。②依王說改。③角較也。右上也。④兵器雖成，未經課試，則不用不臧。⑤駿與「俊」古通。⑥圍「禦」也。⑦御古通作「禦」。⑧曲委曲，猶綿密也。舉行也。墮與「曠」通，空也。謂詳定制度，從時宜而行之，上不失天時，下毋廢地利也。⑨數，兵卒器械錢穀之數。計數若孫子七計，是也。

攻伐之爲道也，計必先定於內，然後兵出乎境。計未定於內而兵出乎境，是則戰之自〔勝〕敗，①攻之自毀也。是故張軍而不能戰，圍邑而不能攻，得地而不能實三者見一焉，則可破毀也。故不明于敵人之政，不能加也；②不明於敵人之情，不可約也；③不明于敵人之將，不先軍也；④不明于敵人之士，不先陣也。是故以衆擊寡，以治擊亂，以富擊貧，以能擊不能，以教卒練士，擊敵衆，白徒，⑤故十戰十勝，百戰百勝。

故事無備，兵無主，則不蚤知敵；⑥野不辟，地無吏，則無蓄積；官無常，下怨上，而器械不功；⑦朝無政，則賞罰不明；賞罰不明，則民幸生。⑧故蚤知敵人，如獨行；有蓄積，則久而不匱；器械功，則伐而不費；賞罰明，則人不幸；人不幸，則勇士勸之。

①依丁說改。

②加加兵也。

③不可與之約誓，恐見欺也。

④軍讀如「多鼓鈞聲，以夜軍之」之

「軍」，謂衝入陣中也。

⑤敵衆驅之爲兵者，白徒，不練之卒。

⑥依丁說增。

⑦功與「工」古通；「工」

精巧也。

⑧幸生，僥倖不肯致死也。

故兵也者，審於地圖，謀十官，①日量蓄積，齊勇士，徧知天下，審御機數，兵主之事也。〔故〕有風雨之行，故能不遠道里矣；有飛鳥之舉，故能不險山河矣；②有雷電之戰，故能獨行而無敵矣；有水旱之功，故能攻國〔救〕拔邑矣；③有金城之守，故能定宗廟，育男女矣；有一體之治，故能出號令，明憲法矣。

風雨之行者，速也；飛鳥之舉者，輕也；雷電之戰者，士不齊也；④水旱之功者，野不收，耕不穫也；⑤金城之守者，用貨財，設耳目也；⑥一體之治者，去奇說，禁雕俗也。⑦不遠道里，故能威絕域之民；不險山河，故能服恃固⑧之國；獨行無敵，故令行而禁止。〔故〕攻國救邑，不恃權與之國，⑨故所指必聽。定宗廟，育男女，天下

①地圖所以知險易遠近。十官，什長也。

②兵主將帥也。

③不以道里爲遠，不以山河爲險也。

④

救，依豬說改『拔』矣。據戴說增。

⑤疾如雷電，敵兵不及齊列也。

⑥穫麥蹂苗，使敵不得收穫，功與

水旱同。

⑦用貨財於人，以爲耳目也。

⑧雕，弊也。

⑨恃固，有險固可恃也。

⑩故，依王說刪。權與

之國有權力而爲與國者。

莫之能傷，然後可以有國。制儀法，出號令，莫不嚮應，然後可以治民一衆矣。

右選陳

版 法

凡將立事，正彼天〔植〕。①風雨無違，遠近高下，各得其嗣。②三經既飭，③君乃有國。喜無以賞，怒無以殺。喜以賞，怒以殺，怨乃起，令乃廢。驟令不行，民心乃外；外之有徒，禍乃始牙。④衆之所忿，〔置〕寡⑤不能圖。

舉所美，必觀其所終；廢所惡，必計其所窮。⑥慶勉敦敬以顯之，〔富祿〕祿富
有功以勸之，爵貴有名以休之。⑦

兼愛無遺，謂君必先順教，萬民鄉風。⑧且暮利之，衆乃勝任。⑨取人以己，成

○選擇政要，載之於版，以爲常法也。此篇述爲政之要，故名。○立事，立經國之事也。植，依俞說，改

『惠』。①惠，古『德』字；天德，謂心也。②嗣，讀爲『司』。③三經，指前文天惠、風雨、遠近高下，飭，整備也。

④驟，數也。外，疏也。遠也。牙，讀爲『芽』，萌也。⑤依劉說，據解改。⑥窮，極也，猶言『終』。愛惡發於情，易

失其實，故必觀察計度，其言行所終極也。⑦慶，勉，賞而勸之也。富祿，依丁說，改『祿富』，休，美也。⑧

順和也。教命也。鄉同『嚮』。⑨利之使富，則力厚而勝任也。

事以質。○審用財力，慎施報，察稱量。○故用財不可以嗇，用力不可以苦。用財嗇，則費；○用力苦，則勞。民不足，令乃辱；民苦殃，令不行。施報不得，禍乃始昌；○禍昌不寤，民乃自圖。○

正法，直度，罪殺不赦。○殺僂必信，民畏而懼；武威既明，令不再行。○頓卒怠倦以辱之，○罰罪〔宥〕有過以懲之，○殺僂犯禁以振之。○〔植〕惠固不動，倚邪乃恐。○倚革邪化，令往民移。○

○取人以己恕也。成事以質不失其量也。○力依丁說增稱所以知輕重量所以知多少。○費讀

爲「悴」逆也。○得中也。施報不中，則民怨；禍乃始盛。○知上之不足恃，故各爲自圖也。○法度

正直，有罪者殺不赦也。○一令即聽，不待再行也。○頓挫也。卒讀爲「悴」困也。謂怠倦者，挫困之

也。○宥依王說改「有」罰罪有過，謂有過者則罰罪之也。○振與「震」通，威懾也。○惠即「天

惠」心也。言君心堅固，不爲物動，則倚曲邪枉之人，乃畏恐而不敢爲非矣。○倚邪革化，則風俗歸

正；故令纔往，民即移而從之。

法天合德，象地無親。⊖參於日月，佐於四時。⊖四悅在愛施。⊖有衆在廢私。

④ 召遠在修近，閉禍在除怨。〔修〕備長在乎任賢。⑤ 安高在乎同利。⑥

⊖法天合德，徧施恩澤也。象地無親，無所私親也。⊖參於日月，貞明也。佐於四時，先生長而後殺，優

也。③ 四愛，據臧說增。四悅，悅君臣、悅朋友、悅兄弟、悅父子也。④ 謂無私則衆服也。⑤ 修，依王說

改『備』，謂備長久之道，在乎任賢也。⑥ 謂安居高位之道，在與民同利也。

五輔

古之聖王，所以取明名廣譽，厚功大業，顯於天下，不忘於後世，非得人者，未之嘗聞；暴王之所以失國家，危社稷，覆宗廟，滅於天下，非失人者，未之嘗聞。今有土之君，皆處欲安，動欲威，戰欲勝，守欲固，大者欲王天下，小者欲霸諸侯，而不務得人，是以小者兵挫而地削，大者身死而國亡。故曰：人不可不務也。——此天下之極也。

曰：然則得入之道，莫如利之；利之之道，莫如教之。〔以政〕故善為政者，田疇墾而國邑實，朝廷閒而官府治，公法行而私曲止，倉廩實而囷圉空，賢人進

○謂六興、七體、八經、五輔、三度五者，可以輔弼國政也。○得人謂得人心也。○滅沒也，謂湮沒不

聞也。○謂不可不務行所以得人心之道也。○謂此乃得天下之極務也。○以政依羣書治要

引刪。○麻田曰『疇』

而奸民退。其君子，上中正而下諂諛，其士民，貴武勇而賤得利。其庶人，好耕農而惡飲食。於是財用足而〔飲〕，食飲薪，菜饒。是故上必寬裕而有解舍，下必聽從而疾怨，上下和同而有禮義。故處安而動威，戰勝而守固，是以一戰而正諸侯。

不能爲政者，田疇荒而國邑虛，朝廷兇而官府亂，公法廢而私曲行，倉廩虛而囹圄實，賢人退而姦民進。其君子，上諛諂而下中正，其士民，貴得利而賤武勇；其庶人，好飲食而惡耕農。於是財用匱而食飲薪菜乏，上彌殘〔苟〕，苟而無解舍，下愈覆鷲而不聽從，上下交引而不和同。故處不安而動不威，戰不勝而守不固。是以小者兵挫而地削，大者身死而國亡。故以此觀之，則政不可不慎也。

德有六〔興〕，典義有七體，禮有八經，法有五務，權有三度。所謂『六〔興〕』

○得謂貪也。

○惡飲食之妄費。

○飲食依陳說及治要引，改『食飲』。

○解放也；舍免也。

○兇

擾恐也。

○苟依劉說王說，改『苛』。覆古通『愎』，交引謂交爭利也。

○興依戴說，改『典』。典法也，常

也。下同。

典一者何曰辟田疇，〔利〕制壇宅，一修樹藝，勸士民，勉稼穡，修牆屋——此謂厚其生；二發伏利，三輸帶積，四修道途，便關市，慎將宿——五此謂輸之以財；六導水潦，利陂溝，決潘渚，七潰八泥滯，通鬱閉，九慎津梁——此謂遺之以利；十薄徵斂，輕征賦，十一弛刑罰，赦罪戾，宥小過——此謂寬其政；養長老，慈幼孤，恤鰥寡，問疾病，弔禍喪——此謂匡十二其急；衣凍寒，食飢渴，匡貧窶，賑罷露，十三資乏絕——此謂賑其窮；凡此六者，德之〔興〕行也。六者既布，則民之所欲，無不得矣。夫民必得其所欲，然後聽上；聽上，然後政可善為也。故曰：德不可不興也。

一利，依王說改「制」。壇，與「塵」古通。二生，產也。三伏利，謂人所未發之利。四輸，運也。帶，同「滯」。

五將行也。宿，止也。慎，是二者，則無寇盜之患。六商旅願出其途而藏其市，是使運天下之財以致於己也，故曰「輸之以財」。

七水之溢洄，曰「潘」。渚，遮也，遮水使旁洄也。決，潘渚而通之，則下地可藝。

八潰，猶「決」也。九鬱，閉淤塞也。十水患既除，則樹藝必蕃，是貽之以利也。十一徵力役也。斂，雜稅也。征田稅也。賦，依口率出錢。

十二匡，救也。十三罷，疲也。露，羸也。罷露，謂室家疲敝也。

曰民知德矣，而未知義；然後明行以導之義。義有七體。七體者何？曰：孝悌慈惠，以養親戚；○恭敬忠信，以事君上；中正比宜○以行禮節；整齊撙詘，以辟刑僇；○纖嗇○省用，以備飢饉；敦懷純○固，以備禍亂；和協輯睦，以備寇戎。凡此七者，義之體也。夫民必知義，然後中正；中正，然後和調；和調，乃能處安；處安，然後動威；動威，乃可以戰勝而守固。故曰：義不可不行也。

曰：民知義矣，而未知禮；然後飾○入經以導之禮。所謂『入經』者何？曰：上下有義，貴賤有分，長幼有等，貧富有度；○凡此八者，禮之經也。故上下無義，則亂；貴賤無分，則爭；長幼無等，則倍；○貧富無度，則失。○上下亂，貴賤爭，長幼倍，貧富失，

○親謂父，戚謂母。——大戴記曾子疾病篇『親戚既沒，雖欲孝，誰爲孝？』昭二十年左傳『楚子執伍

奢，使召其二子，曰：『來，吾免而父。』棠君尚謂其弟員曰：『親戚爲戮，不可以莫之報。』皆是也。○比，親

也。宜，讀如『宜兄宜弟』之『宜』。○撙，挹損也。詘，下也。辟，通『避』。○四，纖猶『儉』也。嗇，愛也。○五，懷

愍也。純，不雜也。○六，飾，修也。○七，分，名分也。等，差也。度，法制也。○八，倍，與『背』同。○九，富失於驕奢，貧

失於卑諂。

而國不亂者，未之嘗聞也。是故，聖王飭此八禮，以導其民。八者各得其義，則爲人君者，中正而無私；爲人臣者，忠信而不黨；爲人父者，慈惠以教；爲人子者，孝弟以肅；爲人兄者，寬裕以誨；爲人弟者，比^①順以敬；爲人夫者，敦懔以固；爲人妻者，勸勉以貞。夫然，則下不倍上，臣不殺君，賤不踰貴，少不陵長，遠不間親，新不間舊，小不加^②大，淫不破義。凡此八者，禮之經也。夫人必知禮，然后恭敬，恭敬，然后尊讓；尊讓，然后少長貴賤不相踰越；少長貴賤不相踰越，故亂不生而患不作。故曰：禮不可不謹也。

曰：民知禮矣，而未知〔務〕法^③，然后布法以任力。任力有五務。『五務』者何？曰：君擇臣而任官，大夫任官辯事，^④官長任事守職，士修身功材，^⑤庶人耕農樹執。君擇臣而任官，則事不煩亂；大夫任官辯事，則舉措時；^⑥官長任事守職，則動

① 比[△]，親也。

② 加[△]，亦『陵』也。

③ 務[△]，依丁說改『法』下同。

④ 辯[△]，治也；——如昭元年左傳曰：『主齊

盟者，誰能辯焉？』

⑤ 功[△]，成也，謂修身成材也。

⑥ 人[△]，皆盡其材，故舉指不失時。

作和；士修身功材，則賢良發；庶人耕農樹藝，則財用足。故曰：凡此五者，力之務也。夫民必知務，然后心一心一，然后意專；心一而意專，然后功足觀也。故曰：「力」法不可不務也。

曰：民知「務」法矣，而未知權；然后考三度以動之。所謂「三度」者何？曰：上度之天祥，下度之地宜，中度之人順。此所謂三度。故曰：天時不祥，則有水旱；地道不宜，則有飢饉；人道不順，則有禍亂。此三者之來也。政召之曰：審時以舉事，以事動民，以民動國，以國動天下；天下動，然后功名可成也。故民必知權，然后舉錯得；舉錯得，則民和輯；民和輯，則功名立矣。故曰：權不可不度也。

〔故曰〕○五經既布，然后逐姦民，詰詐僞，屏讒慝，而毋聽淫辭，毋作淫巧。若民有淫行邪性，樹爲淫辭，作爲淫巧，以上諂君上而下惑百姓，移國動衆，○以害民務者，其刑死。流。故曰：凡人君之所以內失百姓，外失諸侯，兵挫而地削，名卑而

○發興也。

○故曰：依孫說刪。

○移國移國俗也。動衆動衆心也。

國虧社稷滅覆，身體危殆，非生於諂淫者，未之嘗聞也。何以知其然也？曰：淫聲諂耳，淫觀諂目，耳目之所好，諂心，心之所好，傷民，民傷而身不危者，未之嘗聞也。

曰：實墮虛，墾田疇，修牆屋，則國家富；節飲食，撙衣服，則財用足；舉賢良，務功勞，布德惠，則賢人進；逐奸人，詰詐偽，去讒慝，則奸人止。〔修〕備。○飢饉，救災害，賑罷露，則國家定。

明王之務，在於強本事，去無用，○然後民可使富；論賢人，用有能，而民可使治；藉稅斂，毋〔苟〕苛。○於民，待以忠愛，而民可使親。三者，霸王之事也。事有本，而仁義其要也。

今工以⑤巧矣，而民不足於備用者，其悅在玩好；農以勞矣，而天下飢者，其悅在珍怪；〔方丈陳於前〕⑥女以巧矣，而天下寒者，其悅在文繡。是故，博帶梨，⑦

○墮同「曠」實墮虛謂空曠之地，移民以實之也。○修，依俞說改「備」。○強勉也。本事謂農商。無

用遊手也。④苟，依戴說改「苛」。⑤以與「已」同，下「農以」「女以」做此。⑥依丁說刪。⑦梨，

「務」之段借，務，劃也。

大袂列，○文繡染，○刻鏤削，○雕琢〔采〕平。④關幾而不征，市〔鄜〕麇而不稅。⑤古之良工，不勞其知巧以爲玩好，故無用之物，守法者不〔失〕先。⑥

○列古『裂』字。

○染謂染文繡而滅之。

○木曰『刻』，金曰『鏤』，削之，除其文也。

④采，依王引。

說改『平』，謂磨雕琢而平之也。

⑤幾，察也。鄜，依古本改。『麇』，麇而不稅，唯征其麇而不稅其物也。

⑥失，依王說改。『先』，先猶尙也；言守法之人，不尙此無用之物也。

八 觀

大城不可以不完，郭周不可以外通；里域不可以橫通，閭閻不可以毋闔；宮垣關閉，不可以不修。⊖故大城不完，則亂賊之人謀；郭周外通，則姦遁踰越者作；里域橫通，則攘奪竊盜者不止；閭閻無闔，外內交通，則男女無別；宮垣不備，關閉不固，雖有良貨，不能守也。

故形勢不得為非，則姦邪之人慙愿；禁罰威嚴，則簡慢之人整齊；憲令著明，則蠻夷之人不敢犯；賞慶⊖信必，則有功者勸；教訓習俗者衆，則〔君〕⊗民化變，而不自知也。是故明君在上位，刑省罰寡，非可刑而不刑，非可罪而不罪也；明君者，閉其門，塞其塗，弇其迹，⊗使民毋由接於淫非之地。是以民之道正，⊗行善也。

⊖由耕耘、桑麻、習俗等八項觀察，以知其國之盛衰也。⊗郭周、郭之周圍也。橫通猶旁通也。閭閻，里

門也。宮環也。宮垣，垣之環遶宅者。⊖慶，亦賞也。⊗依俞說刪。⊗三「其」字，指淫非、弇蓋也。迹，行

事可見者。⊗道，由也。

若性然；故罪罰寡，而民以治矣。⊖

行其田野，視其耕芸，計其農事，而飢飽之國可以知也。其耕之不深，芸之不謹，地宜不任，⊖草田多穢，耕者不必肥，荒者不必饒。⊖以人猥計其^④野。草田多而辟^⑤田少者，雖不水旱，飢國之野也。若是而民寡，則不足以守其地；若是而民衆，則國貧，民飢；以此遇水旱，則衆散而不收。彼民不足以守者，其城不固。民飢者，不可以使戰。衆散而不收，則國爲丘墟。故曰：『有地君國，而不務耕芸，寄生之君^⑥也。』故曰『行其田野，視其耕耘，計其農事，而飢飽之國可知也。』

行其山澤，觀其桑麻，計其六畜之產，而貧富之國，可知也。夫山澤廣大，則草

⊖先自治其國，使人不能窺我隙，然後可以觀他邦之虛實，故以此節冠八觀。⊖謹與『勤』古通。地

宜不任不視地性之宜否耕植也。⊖所耕耘之田不必肥美，所荒廢之地不必墮墮，言地失其宜。⊖

猥猶『總』也。以人之多少，總計其野之廣狹也。⊖辟，古文『闢』。寄託也。寄託生命於人，言至危也。

木易多也；壤地肥饒，則桑麻易殖也；薦草多衍，則六畜易繁也。山澤雖廣，草木毋禁，壤地雖肥，桑麻毋數，薦草雖多，六畜有征，閉貨之門也。故曰：『時貨不遂，金玉雖多，謂之貧國也。』故曰：『行其山澤，觀其桑麻，計其六畜之產，而貧富之國可知也。』

入國邑，觀視宮室，觀車馬衣服，而侈儉之國可知也。夫國〔城〕地大而田野淺〔狹〕者，其野不足以養其民；城域大而人民寡者，其民不足以守其城；宮營大而室屋寡者，其室不足以實其宮；室屋衆而人徒寡者，其人不足以處其室；困倉寡而臺榭繁者，其藏不足以共其費。故曰：『主上無積而宮室美，氓家

①薦，茂草也。衍，亦多也。

②毋禁，謂任民濫伐，毋數，謂其數不多，征，謂徵收賦稅，閉貨之門，謂無貨可

出，若閉門然。

③時貨，謂依時而成之貨物，遂成也。

④國邑，國都也。

⑤城，依丁說改，地狹，依丁

說刪，淺猶狹也。

⑥周垣曰宮，營亦域也。

⑦共與供同，謂困倉所藏，不足以供臺榭之費。

⑧氓家，謂民家也。

無積而衣服修；乘車者飾觀望，步行者雜文采；○本資少而末用多者，○侈國之俗也。『國侈則用費，用費則民貧，民貧則姦智生，姦智生則邪巧作。故姦邪之所生，生於匱不足；匱不足之所生，生於侈；侈之所生，生於毋度。故曰：『審度量，節衣服，儉財用，禁侈泰，爲國之急也。』不通於若計者，不可使用國。○故曰：『入國邑，視宮室，觀車馬，衣服，而侈儉之國可知也。』

課④兇饑，計師役，觀臺榭，量國費，而實虛之國可知也。凡田野，萬家之衆，可食之地方五十里，可以爲足矣。萬家以〔下〕上，則就山澤可矣；萬家以〔上〕下，則去山澤可矣。⑤彼野悉辟而民無積者，國地小而食地淺也；⑥田半墾而民有餘

○飾觀望，務爲美觀也。雜猶「飾」也。

○本資，謂穀帛。末用，謂奢侈品。

○若如此也；指審度量以下。

用國，謂執國政。

④課，亦「計」也。

⑤上下，依俞說互改。此謂萬家以上，則宅地必須就山澤爲之，五

十里之地方能足用；萬家以下，則僅平地已足，不必山澤也。

⑥食地，謂產生五穀之土。淺，狹也。

食，而粟米多者，國地大而食地博也。國地大而野不辟者，君好貨而臣好利者也；
○辟地廣而民不足者，上賦重，流其藏者也。○故曰：粟行於三百里，則國毋〔一〕
二年之積；粟行於四百里，則國毋〔二〕一年之積；○粟行於五百里，則衆有飢色。
其稼亡三之一者，命曰『小凶』。小凶三年而大凶；○大凶，則衆有〔大〕遺苞矣。○
什一之師，什三毋事，則稼亡三之一。○稼亡三之一，而非有故蓋積也，則道有
〔損〕捐瘠矣。○什一之師，三年不解，非有餘食也，則民有鬻子矣。

○君臣好貨利，則民趨末而不務農，故野不闢。○流猶移也。上賦重，則民賣穀以供之，故其所藏蓄

流移於他邦也。○一、二，依戴說互改。此謂粟行益遠，則所亡益多。○大凶，盡亡其稼；小凶，三年，則

其害正與大凶同。○大依洪說刪，苞讀爲『殍』，平表切。○餓死人也。遺棄也。○什一之師，

十人中取一人爲兵也；其役於運輸薪芻者，又居十之二，是十人中有三人不事農業也，故稼亦亡三

分之一。○損，依王說改『捐』，捐，棄也。瘠，讀爲『掩骼埋胔』之『胔』，捐胔，猶云遺殍。謂稼亡三分之一，

非有舊蓋藏積蓄，則死亡載道矣。

〔故曰〕①山林雖近，草木雖美，宮室必有度，禁發②必有時。是何也？曰：大木不可獨伐也，大木不可獨舉也，大木不可獨運也，大木不可加之薄牆之上。③故曰：『山林雖廣，草木雖美，禁發必有時；國雖充盈，金玉雖多，宮室必有度；江海雖廣，池澤雖博，魚鼈雖多，罔罟必有正。』④舩網不可一財而成也。⑤非私草木，愛魚鼈也，惡廢民於生穀也。故曰：『先王之禁山澤之作者，博民於生穀也。』⑥彼民非穀不食，穀非地不生，地非民不動，⑦民非作力，毋以致財。天〔下〕財⑧之所生，生於用力〔用〕⑨力之所生，生於勞身。是故，主上用財毋已，是民用力毋休也。故曰：『臺榭相望者，其上下相怨也。』⑩

民毋餘積者，其禁不必止；衆有遺苞者，其戰不必勝；道有〔損〕捐瘠者，其守

① 依安說刪。

② 發，開禁也。

③ 室小則牆薄；既得大木，必將大其室而厚其牆；不止伐與舉運之費

也。

④ 罔，古『網』字，正多少大小之正則。

⑤ 財，謂爲『材』。

⑥ 作爲也，猶言『業』。博當爲『搏』，古

『專』字。

⑦ 動，謂耕發之。

⑧ 依劉說改。

⑨ 依戴說刪。

⑩ 上怨下不供，下怨上多稅。

不必固。故令不必行，禁不必止，戰不必勝，守不必固，則危亡隨其後矣。故曰「課凶飢，計師役，觀臺榭，量國費，而實虛之國可知也。」

入州里，觀習俗，聽民之所以化其上，而治亂之國可知也。州里不鬲，^①閭閻不設，出入毋時，早晏^②不禁，則攘奪、竊盜、攻擊、殘賊之民，毋自勝矣。^③食谷水，巷鑿井，^④場圃接，樹木茂，宮牆^⑤毀壞，門戶不閉，外內交通，則男女之別，毋自正矣。鄉毋長游，^⑥里毋士舍，^⑦時無會同，^⑧喪蒸不聚，^⑨禁罰不嚴，則齒長^⑩輯睦，毋自生矣。故昏禮不謹，則民不修廉；^⑪論賢不鄉舉，則士不^⑫服行；^⑬貨^⑭財行於

① 依安說增。

② 鬲，[△]高與「隔」通。

③ 早，[△]晨行；[△]晏，[△]宵行也。

④ 毋，[△]自勝；[△]無從制伏之也。

⑤ 鄰里聚汲，易

生淫蕩。

⑥ 宮牆環宅之牆也。

⑦ 長，[△]什長；[△]游，[△]游宗。

⑧ 士舍，[△]士所居，學校也。

⑨ 會同，[△]會合也。

如鄉飲酒，黨正飲酒之屬，——皆依時爲之。

⑩ 冬祭曰「蒸」。古者喪祭相助，[△]不聚，[△]不助也。

長，相齒以敬長者也。

⑪ 不修廉恥之行。

⑫ 鄉舉，[△]行鄉飲酒之禮而舉之也。及依[△]偷說改「服」，[△]服行

修品行也。

國，則法令毀於官；請謁得於上，則黨與成於下；鄉官毋法制，百姓羣徒。○不從：此亡國、弑君之所自生也。故曰：『入州里，觀習俗，聽民之所以化其上者，而治亂之國可知也。』

入朝廷，觀左右本〔求〕朝之臣，○論上下之所貴賤者，而彊弱之國可知。○也。功多爲上，祿賞爲下，則積勞之臣不務盡力；○治行爲上，爵列爲下，則豪桀材臣不務竭能。便辟左右，不論功能而有爵祿，則百姓疾怨，非上，賤爵、輕祿、金玉、貨財、商賈之人，不論志行而在爵祿，則上令輕，法制毀；○權重之人，不論才能而得尊位，則民倍本行而求外勢。○彼積勞之人不務盡力，則兵士不戰矣；豪桀材人

○羣徒、皂隸之屬。

○求依王說刪。本朝，卽朝廷也。

○所貴者賢，所賤者不肖，則其國強；反之則弱。

○戰功曰『多』，論其功多，則居於衆上；及行祿賞，則翻在衆下，故不務盡力也。

○金玉貨財商賈之

人，謂有金玉貨財者及爲商賈之人。志行，依戴說增。此謂人主貴貨利而賤志行，則人輕上令，而法制

亦從而毀矣。

○本行，謂孝、悌、忠、信。背是四行，而求外邦有權勢者，與之交也。

不務竭能，則內治不別矣。○百姓疾怨，非上賤爵輕祿，則上毋以勸衆矣。上令輕，法制毀，則君毋以使臣，臣毋以事君矣。民倍本行而求外勢，則國之情僞竭。○在敵國矣。故曰：『入朝廷，觀左右本朝之臣，論上下之所貴賤者，而彊弱之國可知也。』

置法、出令、臨衆、用民，計其威嚴寬惠，而○行於其民與不行於其民可知也。法虛立而害疏遠，○令一布而不聽者存，賤爵祿而毋功者富。然則衆必輕令而上位危。故曰：『良田不在戰士，○三年而〔兵〕○弱；賞罰不信，五年而破；上賣官爵，十年而亡；倍人倫而禽獸行，○十年而滅。』戰不勝，弱也；地四削，入諸侯，破也；離本國，徙都邑，亡也；有者異姓，○滅也。故曰：『置法、出令、臨衆、用民，計其威嚴寬惠，

○內治不別者，謂成敗得失，無所辨別也。

○竭，盡也。

○依戴說增。

○謂其立法，但能害疏遠，而

不行於親近。

○不以良田，賞有戰功之士也。

○依俞說刪。

○倍，背也。禽獸行，行同禽獸也。

曲禮曰：『夫唯禽獸無禮，故父子聚麀。』

○有者異姓，國爲異姓之人所有也。

而行於其民與。○不行於其民，可知也。』

計敵與，量上意，察國本，○觀民產之所有餘，不足，而存亡之國可知也。敵國疆而與國弱，諛臣死而諛臣尊，私情行而公法毀。然則，與國不恃其親，而敵國不畏其疆；豪桀不安其位，而積勞之人不懷。○其祿。悅商販而不務本貨，則民偷處而不事積聚。④豪桀不安其位，則良臣出；積勞之人不懷其祿，則兵士不用；民偷處而不事積聚，則困倉空虛。如是，而君不爲變，⑤然則攘奪、竊盜、殘賊、進取之人起矣。內者，廷無良臣，兵士不用，困倉空虛，而外有疆敵之憂，則國居而自毀矣。⑥故曰：『計敵與，量上意，察國本，觀民產之所有餘不足，而存亡之國可知也。』

故以此八者，觀人主之國，而人主毋所匿其情矣。

○依安說增。

○敵與敵國與交親之國也。上意，君意所在也。國本，民俗也。

○懷，猶戀也。

④朝資

夕賣，曰『販』。

本貨，穀帛也。偷處，苟且處事也。此察國本。

⑤不變其所爲，言無所改悔也。

⑥古讀

『坐』爲『居』，居而自毀，猶云『坐而自毀』。

法禁

法制不議，^①則民不相私；刑殺毋赦，則民不偷。^②於爲善，爵祿毋假，則下不亂其上。^③三者藏於官，則爲法；施於國，則成俗；其餘不彊而治矣。^④君壹置其儀，^⑤則百官守其法；上明陳其制，則下皆會其度。^⑥矣。君之置其儀也，不一；則下之倍法而立私理者，必多矣。是以人用其私，廢上之制，而道其所聞。^⑦故下與官列法，而上與君分威。^⑧國家之危，必自此始矣。

昔者聖王之治其民也，不然；廢上之法制者，必負以恥。^⑨〔財〕厚財博惠，以

①言法制衡平，無可訾議也。

②偷，薄也。

③假，與非其人也。亂，猶犯也。

④爲法成俗，治本既立矣。

故其餘事不待勉強而治也。

⑤置，立也。儀，標準也。

⑥會，合也。謂下皆求合於上所陳之度也。

⑦

用其私，用下所立之私理也。道，言也。

⑧列，古『裂』字。言此用私之人，自立一法；是下分官之法，上分

君之威也。

⑨負，猶被也。廢法制者，必被之以恥辱也。

私親於民者，正經而自正矣。⊖亂國之道，易國之常，賜賞恣於己者，聖王之禁⊖也。聖王既歿，受之者衰；君人而不能知立君之道以爲國本，則大臣之贅下而射人心者，必多矣。⊕君不能審立其法以爲下制，則百姓之立私理，而徑於利者，必衆矣。⊗

昔者聖王之治人也，不貴其人博學也，欲其人之和同以聽令也。泰誓⊕曰：「紂有臣億萬人，亦有億萬之心。」武王有臣三千而一心。故紂以億萬之心亡，武王以一心存。故有國之君，苟不能同人心，一國威齊士義，通上之治以爲下法，則雖有廣地，衆民，猶不能以爲安也。君失其道，則大臣比權重以相舉於國；小臣必

⊖財厚，依王說改「厚財」。厚，猶豐也。經法也。言臣有以多財施惠，私收民心者，君若正法以待之，則其人自畏法而入正道也。⊕賜賞者，人君所獨用也；臣爲君事，故須禁之也。⊕贅，以物質錢也；與人以物，使之歸己，猶物質錢，故曰「贅下」。射，取也。⊗爲下制，爲下民之制度也。徑，謂邪行以趣疾也。

⊕泰誓，尙書篇名。

循利以相就也。⊖故舉國之士以爲〔亡〕己。⊖黨行公道以爲私惠，進則相推於君，退則相譽於民，各便其身而忘社稷，以廣其居。⊖聚徒〔威〕成。⊖羣上以蔽君，下以索民。⊖此皆弱君亂國之道也。

故國之危也。⊕擅國權以深索於民者，聖王之禁也。其身毋任⊕於上者，聖王之禁也。進則受祿於君，退則藏祿於室。⊖毋事治職，但力事屬。⊖私王官，私君事〔去〕法，非其人而人私行者，⊕聖王之禁也。

修行，則不以親爲本；⊕治事，則不以官爲主；⊕舉毋能，進毋功者，⊕聖王之

⊖大臣比合權重者，相與薦舉於國中，小臣則慕利而阿附大臣。⊖依王說改。⊖推[△]進之也。廣其居，務多廣與，使人不敢迫已也。⊖依洪說改。⊖索[△]民，求民附己也。⊖謂下文聖王之禁，皆危國之道也。⊖任[△]事也。⊖謂但知富其家，不肯施也。⊖事[△]屬之『事』，讀爲『傳』，傳[△]，側吏切，音緇〔尸〕立也。謂不以治其職爲事，但竭力俸立其私屬也。⊖去[△]，依俞說改『法』，言法本非其所宜行，而人私行之也。⊖謂不務孝敬。⊖謂專營私利。⊖毋[△]，同『無』。

禁也。交人則以爲己賜，舉人則以爲己勞，仕人則與分其祿者，聖王之禁也。交於利通，而獲於貧窮，⊖輕取於其民，而重致於其君，⊖削上以附下，枉法以求於民者，⊖聖王之禁也。用不稱其人，家富於其列，⊖其祿甚寡而資財甚多，⊖者，聖王之禁也。拂世以爲行，非上以爲名，常反上之法制，以成羣於國者，聖王之禁也。飾於貧窮，而發於勤勞，權於貧賤，⊖身無職事，家無常姓，⊖列上下之間，議言爲民者，⊖聖王之禁也。壹士以爲〔亡〕己資，〔脩〕備田以爲〔亡〕己本，⊖貧則生之，養私不死，⊖然後〔失〕夭矯，以深與上爲市者，⊖聖王之禁也。審飾小節以示民，時

⊖通達也。謂交於利達之人，假其勢，以獲財於貧窮之人也。⊖輕猶易也；重猶難也。⊖削上以附下，削取上財，以附益臣下也。求於民，求民之稱譽也。⊖列，等也。謂用財過於其人之身分，富過於其同等之家。⊖祿寡財多，非賂則賊。⊖發，讀爲『廢』，古字通用。謂以貧窮自飾，而廢其勤勞之事；復不自安其居，以爭權於貧賤也。⊖姓，古與『生』，通常生恆產也。⊖議，爲『訛』之假借字。議言爲民，謂以訛言疑惑民心。⊖三字均依王說改。壹聚也。資，用也。備，置備也。⊖貧，依安說增。養私不死，養私黨，助之以生計也。⊖失，依豬說改。『夭』夭矯，勢力盛貌。爲市，謂求利。

言大事以動上，遠交以踰羣，^①假爵以臨朝者，^②聖王之禁也。卑身雜處，隱行辟倚，^③側入迎遠，^④遁上而遁民者，^⑤聖王之禁也。詭俗異禮，大言法行，難其所爲，而高自錯者，^⑥聖王之禁也。守委閒居，博^⑦分以致衆，勤身遂行，說人以貨財，^⑧濟人以買譽，其身甚靜而使人求者，聖王之禁也。行僻而堅，言詭而辯，術非而博，順惡而澤者，^⑨聖王之禁也。以朋黨爲友，^⑩以蔽惡爲仁，以數變爲智，以重斂爲忠，以遂忿爲勇者，聖王之禁也。固國之本，其身務往於上，深附於諸侯者，^⑪聖王之禁也。

① 遠交四隣，得其薦，以踰等輩之位。

② 假，因也。謂無才德而獨特其爵。

③ 辟倚，皆邪也。隱行辟倚，

謂隱爲邪行也。

④ 利至，則側身以入之；其遠者，則迎而致之。

⑤ 遁，欺也。

⑥ 詭，達也。錯，置也。其言

誇大，其行足以爲法務行人所難爲，而高自標置也。

⑦ 委，積也。守委閒居，席豐履厚，過安逸之生活

也。⑧ 遂，成也。說讀爲『悅』。

⑨ 順惡而澤，爲惡事而善於文飾也。

⑩ 以相與朋黨爲友道也。⑪

固讀爲『鋼』，塞也。本農桑也。往於上，阿上之所好也。

聖王之身，治世之時，德行必有所是，道義必有所明。故士莫敢詭俗異禮，以自見於國，莫敢布惠緩行，修上下之交，以〔和〕私親於民；〔故〕莫敢超等踰官，漁利蘇功，以取順其君。

聖王之治民也，進則使無由得其所利，退則使無由避其所害；必使反乎安其位，樂其羣，務其職，○〔榮〕營其名，○而后止矣。故踰其官而離其羣者，必使有害；不能其事而失其職者，必使有恥。是故聖王之教民也，以仁錯之，以恥使之；修其能，致其所成而止。故曰『絕而定，○靜而治，安而尊，舉錯而不變者，聖王之道也。』

○緩行不以躬行爲急也。○和〔依王說改〕私。○故〔依王說刪〕蘇取也。○榮〔依朱本改〕營；營治也。名猶『分』也。治其分猶上言『務其職』也。○絕下民利害之意，而人心自定也。

兵法

明一者皇，察道者帝，通德者王，^①謀得兵勝^②者霸。故夫兵，雖非備道至德也；然而所以輔王，成霸。^③

今代之用兵者不然，不知兵權^④者也。故舉兵之日而境內貧，戰不必勝，勝〔則〕而多死，^⑤得地而國敗；此四者，用兵之禍者也。四禍〔其〕具，而國〔而〕無不危矣。^⑥

大度之書^⑦曰：『舉兵之日，而境內不貧，戰而必勝，勝而不死，得地而國不

① 一元之氣，陰陽之本，所以生成萬物也；故謂好生之道爲「一」。道人所由而行也。中庸曰：『率性之謂道。』德，得也；禮樂得身，謂之「德」。② 所謀必得，用兵必勝。③ 兵者不祥之器，不得已而用之；

致於道則未備，於德則未至。然用之上可以輔王，下可以成霸。④ 權，猶謀也。⑤ 則依丁說改「而」

謂雖勝而死者已多也。⑥ 依俞說改。⑦ 謂大陳法度之書。

敗爲此四者若何舉兵之日而境內不貧者，計數得也；
戰而必勝者，法度審也；
勝而不死者，教器備利，而敵不敢校也；
得地而國不敗者，因其民也；
因其民，則號制有發也；
教器備利，則有制也；
法度審，則有守也；
計數得，則有明也。
治衆有數，勝敵有理。察數而知理，審器而識勝，明理而勝敵。
定宗廟，遂男女官四分，則可以定威德；制法儀，出號令，然後可以一衆治民。

兵無主，則不蚤知敵；野無吏，則無蓄積；官無常，則下怨上；器械不巧，則朝

○計算正確，軍無妄費也。○教備器利，故敵不敢角也。○得國不改其俗，謂之『因其民』發動也；

如此，則號令、制度，有能動之也。○教備器利，則有能制人也。○法度詳審，則兵有所守也。○計

數得其道，則有以明知用財之數也。○數猶法也。○察彼我治衆之法，而知勝敗之理；審彼我所

用之器械，而識可以勝之道；既明勝敗之理，而後出兵以勝敵。○寇賊既平，故能安定宗廟，使男女

各遂其生也。○謂官吏分守四方。○主謂將。

無定；^①賞罰不明，則民輕其產。^②故曰：「早知敵，而獨行；^③有蓄積，則久而不匱；器械巧，則伐而不費；賞罰明，則勇士勸也。」

三官不繆，五教不亂，九章著明，則危危而無害，窮窮而無難。^④故能致遠以數，縱彊以制。^⑤

三官：一曰鼓，——鼓所以任也，所以起也，^⑥所以進也。二曰金，——金所以坐也。所以退也，所以免也。^⑦三曰旗，——旗所以立兵也，所以利兵也，所以偃兵也。^⑧此之謂「三官」；有三令，而兵法治也。

①器械不巧，則人恐不勝，故朝議不定。

②古者取兵於農，此「民」亦謂兵，故下文云「勇士勸」。賞罰

不明，則良田不必在戰士，故民輕其產也。

③敵不敢校，如獨行然。

④危者危之，窮者窮之，則人忌

其強，害難我者必至；而今無之者，以三官、五教、九章，皆得其道也。

⑤縱，讀爲「從」。從猶「服」也。謂能

以術數致遠人，以制度服強國也。

⑥士卒以戰爲任，鼓以戰之，是任之也。起，「作」也。

⑦免，止也。止

不復戰。

⑧兵，五兵也，將令則立之。牧誓曰：「稱爾戈，比爾干，立爾矛，余其誓。」利兵，令之利也。

五教：一曰，教其目以形色之旗；○二曰，教其〔身〕耳以號令之數；○三曰，教其足以進退之度；四曰，教其手以長短之利；○五曰，教其心以賞罰之誠。④五教各習，而士負以勇矣。⑤

九章：一曰，舉日章，則晝行；二曰，舉月章，則夜行；三曰，舉龍章，則行水；四曰，舉虎章，則行林；五曰，舉〔鳥〕鳥章，⑥則行陂；六曰，舉蛇章，則行澤；七曰，舉鵠章，則行陸；八曰，舉狼章，則行山；九曰，舉韞章，則載食而駕。⑦九章既定，而動靜不過。

三官、五教、九章，始乎無端，卒乎無窮。⑧始乎無端者，道也；卒乎無窮者，德也。

○色隨形而殊，故云「形色之旗」；若周禮春官大常所掌，及下文九章是也。○軍中禁令有數條，如左攻左，右攻右，及不得離部亂行，大聲疾走之屬，皆是也。身依洪說改「耳」。○長兵、短兵，各有所利；遠用長，近用短也。④誠信也。⑤負恃也。恃其便習而勇也。⑥依安說改。⑦韞，同「囊」，弓衣也。韞章，畫韞弓之狀也。戰止則韞弓；今舉此旗，知戰止將還也，故載食而駕。⑧三官、五教、九章、物也，未可以全勝，所以運用之，則在乎道德。道不可量，故謂之「無端」；德不可說，故謂之「無窮」。凡征敵國，奉辭以討罪，是以道始也；敵服，撫以安之，是以德卒之也。

○道不可量，德不可數也。故不可量，則衆彊；○不能圖，不可數，則僞詐不敢嚮。兩者○備施，則動靜有功。

徑乎不知，發乎不意。徑④乎不知，故莫之能禦也；發乎不意，故莫之能應也。故全勝而無害，因便而教，准利而行。教無常，行無常。⑤兩乃備施，動乃有功。器成，教施，追亡，逐遁，若飄風，擊刺若雷電。絕地不守，恃固不拔。⑥中處而無敵，令行而不留。⑦器成，教施，散之無方，聚之不可計。⑧教器備利，進退若雷電，而無所疑。⑨一氣專〔定〕意，⑩則傍通而不疑；厲士利械，則涉難而不匱。進無所疑，退無所

○道先天地生，始乎無端，與之相類；盛德至善，百世之下不能諼，卒乎無窮，與之相類。兵既與道德相類，則不當離道德而用之，下因極言其效也。○兵衆且強，謂大國。○兩者指道德。○徑音經，行過也。○因便與利而施之，故無常。○絕地，地勢陷絕，不可踰越之地也；而敵不能守者，以我兵疾若飄風，擊若雷電也。恃固負嶮也。不拔，當作必拔。○四鄰不敢校，故中處而無敵；諸侯服從，故令行而不留。○分兵而散之，無有常方；合而聚之，不可計度；若肩之使臂，臂之使指，是也。○疑置，止也。

⑩依丁說改。

匱，敵乃爲用。⊖ 凌山阬，不待鈎梯；歷水谷，不須舟楫。⊖ 徑於絕地，攻於恃固，獨出獨入，而莫之能止。〔寶〕實不獨入，而莫之能止；〔寶〕實不獨〔見〕出，故莫之能斂。⊖ 無名之至盡，盡而不意，故〔不〕能疑神。⊖

畜之以道，則民和；養之以德，則民合。和合故能諧，諧故能輯；諧輯以悉，莫之能傷。⊕ 定一至，行二要，縱三權，施四教，發五機，設六行，論七數，守八應，審九器，章十號，故能全勝。大勝無守也，故能守勝。⊕

數戰則士罷，數勝則君驕；夫以驕君使罷民，則國安得無危。故至善不戰，其次一之。⊕ 破大勝彊，一之至也。⊕ 亂之不以變，乘之不以詭，勝之不以詐，一之實

⊖ 敵反爲我用也。

⊖ 凌，亦歷也。鈎梯，繫鈎於繩端，投懸於樹根，巖罅，援之以上者。不待鈎梯舟楫者，

以敵爲我用也。

⊖ 寶，依劉說改「實」。見依丁說改「出」。

⊖ 依俞說刪。疑神，猶「如神」；言用兵妙如

神也。

⊕ 輯，睦也。悉，詳盡也。詳盡諧輯之道，故莫之能傷害也。

⊕ 無守，猶言「無恃」；謂不敢自矜恃

其勝以輕敵，故能常守其勝。

⊕ 一戰服敵，不戰之次也。

⊕ 破大勝強，則弱小咸服，是一戰服敵之

至上者也。

也。○近則用實，遠則施號，○力不可量，彊不可度，氣不可極，德不可測，一之原也。
○衆若時雨，「寡」寔若飄，○風，一之終也。

利適，器之至也；用適，教之盡也。⑤不能致器者，不能利適；不能盡教者，不能
用敵。不能用敵者，窮，不能致器者，困。遠用兵，而可以必勝。⑥出入異塗，⑦則傷其
敵。深入危之，則士自脩。⑧士自修，則同心同力。

善者之爲兵也，使敵若據虛，若搏景，無設無形焉，無不可以成也。⑨無形無

○變，權變。不用權變詭詐，一戰服敵之實效也。○號，號令也。近國以實力制之，遠國以虛聲服之。

○此四不可者，一戰服敵之所由也。○寡，依丁說改「寔」。寔，速也。○適，古「敵」字。利敵猶言「勝

敵」。至古「綴」字。用敵教之盡，謂盡教化之道，則敵人化之，而爲我用也。○遠道用兵，絕士卒返顧

之心，人各奮進，故能勝敵也。④出入異途，所謂多方以誤之也。⑧深入危之，所謂「置之死地」，故

士各自奮以求生也。⑨無所設施，無形可見，敵不能因，故我所欲爲，無不可以成也。

爲焉，無不可以化也。⊖此之謂道矣。若亡而存，若後而先，〔威〕我不足以命之。⊖

⊖既無定形，又無所爲，故我所欲行，無不可以變化也。

⊖威[△]依丁說改『我』命與『名』通用。言其道

存亡先後，不可端倪，我無能名之——不能以言語形容之——也。

小匡

桓公自莒反于齊，使鮑叔牙爲宰。鮑叔辭曰：「臣，君之庸臣也。君有加惠於其臣，使臣不凍飢，則是君之賜也；若必治國家，則非臣之所能也。其唯管夷吾乎！臣之所不如管夷吾者五：寬惠愛民，臣不如也；治國不失秉，臣不如也；忠信可結於諸侯，臣不如也；制禮義，可法於四方，臣不如也；介冑執枹，立於軍門，使百姓皆加勇，臣不如也。夫管仲，民之父母也，將欲治其子，不可棄其父母。」

公曰：「管夷吾親射寡人，中鈞，殆於死，今乃用之，可乎？」鮑叔曰：「彼爲其君動也。君若宥而反之，其爲君，亦猶是也。」公曰：「然則爲之柰何？」鮑叔曰：「君使人請之魯。」公曰：「施伯，魯之謀臣也。彼知吾將用之，必不吾予也。」鮑叔

○此篇記治國之法，其事最精細，故名『小匡』。
○乘同『柄』，謂權柄。
○枹，音夫，擊鼓槌也。
○殆，幾也。

曰：「君詔使者曰：『寡君有不令之臣，在君之國，願請之，以戮於羣臣。』」○魯君必諾。且施伯之知夷吾之才，必將致魯之政。夷吾受之，則魯能弱齊矣；夷吾不受，彼知其將反於齊，必殺之。」公曰：「然則夷吾受乎？」鮑叔曰：「不受也。夷吾事君無二心。」公曰：「其於寡人，猶如是乎？」對曰：「非爲君也；爲先君與社稷之故。君若欲定宗廟，則亟請之；不然，無及也。」

公乃使鮑叔行成。○曰：「公子糾親也，請君討之。」魯人爲殺公子糾。又曰：「管仲讎也，請受而甘心焉。」魯君許諾。

施伯謂魯侯曰：「勿予！非戮之也，將用其政也。」○管仲者，天下之賢人也，大器也。在楚，則楚得意於天下；在晉，則晉得意於天下；在狄，則狄得意於天下。今齊求而得之，則必長爲魯國憂。君何不殺而〔受〕授^④之其屍？」魯君曰：諾！

○於依國語及左傳疏引，增謂戮之於羣臣之前也。

○行成[△]，言歸於好也。

○用之使爲政也。

④

依左氏正義引，改。

將殺管仲，鮑叔進曰：「殺之齊，是戮齊也；殺之魯，是戮魯也。弊邑寡君願生得之，以徇於國，爲羣臣僇。」若不生得，是君與寡君之。○賊比也，非弊邑之君所〔謂〕請也。○使臣不能受命。」

於是魯君乃不殺。遂生束縛而桎^④以予齊。鮑叔受而哭之，三舉^⑤施伯從而笑之。謂大夫曰：「管仲必不死。夫鮑叔之忍，不僇賢人，其智稱賢以自成也。○鮑叔相公子小白，先入得國。管仲召忽奉公子糾，後入，〔與〕以魯〔以〕與戰，能^⑥使魯敗。功足以得天，與失天，其人事一也。○今魯懼，殺公子糾，召忽，囚管仲以予齊。鮑叔知無後事，必將〔勤〕勸管仲以勞其君。○願以顯其功，衆必予之有得。○

○僇，同「戮」，戮之以誠羣臣也。

○依左氏正義引，增。

○依左氏正義引，改。

○桎，檻也。

○三舉

其聲，僞哀其將死也。

○忍，義同「仁」。稱舉也。謂舉賢以成己功。

○與，以二字，依俞說互改。能讀爲

「乃」。○謂鮑叔之先入得國，與管仲之以魯師與齊戰，乃使魯敗，均是天意，若以人事論，則一而已

矣。○勤，依安說改「勸」。言糾，忽既死，鮑叔知管仲後必無復爭齊之事，必將勸管仲勤勞齊君之事

也。○得，讀爲「德」。謂鮑叔舉管仲，使顯其功績，衆人必與之以有德者之名也。

力死之功，猶尙可加也；顯生之功，將何〔如〕加？^①是昭德以貳君也，鮑叔之知，不是失也。^②』

至於堂阜^③之上，鮑叔祓^④而浴之。三桓公親迎之郊，管仲詘纓捷衽，使人操斧而立其後。^⑤公辭斧三，然後退之。^⑥公曰：『垂纓下衽，寡人將見。』管仲再拜稽首曰：『應公之賜，殺之黃泉，死且不朽。』^⑦

公遂與歸，禮之於廟，三酌而問爲政焉。曰：『昔先君襄公，高臺廣池，湛樂飲酒，田獵畢弋，^⑧不聽國政，卑聖侮士，唯女是崇，九妃六嬪，陳妾數千，食必梁肉，衣

○如[△]，依張說改「加」。謂勉力死事之功，猶尙可加；尊顯生者之功，將何以加之。○言昭管仲之德，以

爲君之副貳，以鮑叔之智，足以知之。○堂阜，齊地，與魯境相接。○祓[△]，音拂，潔除也。○捷古「插」

字，詘纓插衽，使人操斧而立其後，以罪人自待，示將就戮也。○退操斧者。○應，受也。○湛[△]，與

「湛」同，音耽，樂也。畢[△]，同「畢」，兔網也。弋[△]，繳射也。

必文繡，而戎士凍飢。戎〔馬〕車待游車之弊。①戎士待陳妾之餘。②倡優侏儒在前，而賢士大夫在後。是以國家不日益，不月長。吾恐宗廟之不掃除，社稷之不血食；敢問爲之柰何？管子對曰：『昔吾先王周昭王、穆王，世法文武之遠迹，以成其名。合羣〔國〕叟，比校民之有道者，設象以爲民紀。③式美以相應，比綴以書。④原本窮末，勸之以慶賞，糾之以刑罰。⑤〔糞除〕班序，其顛旄，⑥賜予以鎮撫之，以爲民終始。』

公曰：『爲之柰何？』管子對曰：『昔者聖王之治其民也，參其國，而伍其⑦

①馬，依王說改「車」。謂游車弊，然後以爲戎車也。②陳妾，最卑者，取其食餘以食戎士，言崇女甚也。

③國，依齊語改「叟」。合羣叟者，問治國所當先也。比校民之有道者，將舉以爲官也。設象以爲民紀，立法以爲民之紀律也。④式，用美事，言行相應者，則次比、緝綴，以書之策。⑤謂必於其事之本來，詳

悉調查，然後從之以賞罰也。⑥糞除，依齊語作「班序」。旄，與「毛」古通。班序，其顛旄，以頂髮之色列

序之，謂依年齒爲先後也。⑦國，謂關以內，鄙謂郊關以外。參伍區劃爲三、爲五也。

鄙。定民之居，成民之事，以爲民紀。謹用其六乘。○如是而民情可得，而百姓可御。』

桓公曰：『六乘者，何也？』管子曰：『殺生、貴賤、貧富，此六乘也。』

桓公曰：『參國柰何？』管子對曰：『制國以爲二十一鄉：商工之鄉六，士農之鄉十五。公帥十一鄉，高子帥五鄉，國子帥五鄉。○參國，故爲三軍。公立三官之臣：○市立三鄉，工立三族，澤立三虞，山立三衡。○制五家爲軌，○軌有長，十軌爲里，○里有司，四里爲連，○連有長，十連爲鄉，鄉有良人，五鄉一帥。』^⑧

桓公曰：『五鄙柰何？』管子對曰：『制五家爲軌，軌有長，六軌爲邑，邑有司，

○乘同『柄』，謂權柄。

○高子、國子，皆齊世卿。

○官，謂官府。分國爲三，各置官府而治之，下三鄉、三

族、三虞、三衡皆然。

○鄉，猶邑也。族，聚也。周官掌山澤者曰『虞』，虞，度也；掌川林者曰『衡』，衡，平也。

○軌，法也。相與守法，故名軌。

○里，止也。人所止居也。

○連，相連屬，不令分離也。

○鄉，二千家。五

鄉萬家，家出一人，爲萬人，合爲一軍，置帥率之。

十邑爲〔率率〕卒，卒有長；十〔率〕卒爲鄉，鄉有良人；三鄉爲屬，屬有〔帥〕大夫；五屬〔一〕五大夫。○武政聽屬，文政聽鄉。各保而聽，○毋有淫泆者。』

桓公曰：『定民之居，成民之事，柰何？』管子對曰：『士、農、工、商四民者，國之〔石〕正。○民也，不可使雜處；雜處，則其言咙，○其事亂。是故聖王之處士，必於閒燕；○處農，必就田墾；○處工，必就官府；○處商，必就市井。』

『〔今〕令夫士羣萃而州處；○閒燕，則父與父言義，子與子言孝，其事君者言敬，長者言愛，幼者言弟。且昔○從事於此，以教其子弟，少而習焉，其心安焉，不見異物而遷焉。○是故，其父兄之教，不肅○而成；其子弟之學，不勞而能。夫是故，

○五字均依王說改。 ○保安也。各安其民而聽其政也。 ○依孫說改。 ○咙，雜語也。四民雜處，則

士而語賈，農而語工，故其言咙。 ○閒燕，猶言清淨。 ○墾，古『野』字。 ○當時工業官營，故云。 ○

今依齊語改『令』下同。州，疇也。疇，處謂與疇類同處。 ○昔同『夕』。 ○異物謂異事，非其所當習者。

○肅，嚴也。

士之子常爲七。

『〔今〕令夫農羣萃而州處，審其四時，權節〔具〕其用，備其械器，〔用〕』○比耒耜，〔殺芟〕耒、芟。○及寒，擊彙除田，以待時。○〔乃〕及耕，深耕均種，疾耨。○先雨芸耨，以待時雨；時雨既至，挾其槍、刈、耨、鋤。○以且暮從事於田，櫛稅衣就功。○別苗、莠、列、疏、遯。○首戴苧蒲，○身服襜褕，○沾體塗足，暴其髮膚，盡其四支之力，以〔疾〕○從事於田野。少而習焉，其心安焉，不見異物而遷焉。是故，其父兄之教，不肅而成，其子弟之學，不勞而能。是故，農之子常爲農，樸野而不慝，其秀才之能

○依劉說改。

○殺芟，依齊語改『耒芟』，耒，拂也，所以擊草。芟，大鎌也。

○彙，當爲『彙』，謂禾根在田

者；以耒擊壞之，乃更耕以種之也。

○〔四〕乃，依齊語改『及』，耨，覆種也。

○槍，椿也。刈，鎌也。耨，狀如鎗，柄

長三尺，刃廣二寸，以刺地除草。鋤，鋤類。

○稅，脫也。功，事也。

○苗，黍苗也。莠，狗尾草也。葉實皆與黍

相類。遯，音肅，猶密也。

○苧，音柱，麻類。絞，苧以爲繩，編蒲以爲笠。

○襜褕，音撥，音釋，蓑衣也。

○支，同『肢』，疾，依丁說刪。

爲士者，則足賴也。○故以耕則多粟，以仕則多賢，是以聖王敬「畏」農戚農。「有司見之而不以告其罪，五有司已於事而竣。」○

「〔今〕令夫工，羣萃而州處，相良材，審其四時，○辨其功苦，○權節其用，論比計制。○〔斷〕斷器尙完利。○相語以事，相示以功，相陳以巧，相高以知事。○且昔從事於此，以教其子弟，少而習焉，其心安焉，不見異物而遷焉。是故其父兄之教，不肅而成；其子弟之學，不勞而能。夫是故工之子，常爲工。」

「〔今〕令夫商，羣萃而州處，觀凶飢，審國變，察其四時，○而監其鄉之貨，以

○言爲農者質樸鄙野，不至爲邪慝之事；其秀而爲士者，亦足以依賴。○畏，依王說改「農」戚親也。

依他本刪。○爲工業材料之材木土石，皆依氣候變化，故須審四時。○功，謂堅美。苦，讀爲「監」，謂

濫惡。○論評比較，以計度制作之得失。○斷，依安說改「斷」，謂斷削材木爲器，以完利爲主也。

○謂以能知制器之事相高。○凶，饑則穀貴，國有變異，物從而貴賤；寒暑、冷暖之候，雨暘、風雪之度，皆可以預知物價貴賤，而資居化，故必審之，觀之，察之也。

知其市之賈。①負任、擔荷，服牛〔輅〕，②以周四方。料多少，計貴賤以其所有，易其所無，買賤、鬻貴。是以羽旄不求而至，竹箭有餘於國。③奇怪時來，珍異〔物〕總聚。④且昔從事於此，以教其子弟。相語以利，相示以時。⑤相陳以知賈。⑥少而習焉，其心安焉，不見異物而遷焉。是故其父兄之教，不肅而成；其子弟之學，不勞而能。夫是故商之子，常爲商。

〔相地而衰其政，則民不移。〕〔矣〕⑦〔正〕政旅舊，則民不〔惰〕。⑧山澤各以其時至，則民不苟。⑨陵陸、丘井、田疇均，則民不惑。⑩無奪民時，則百姓富；犧牲

①監視也。賈同「價」。②輅，依齊語改「輅」。輅，小車駕馬者。③羽旄，竹箭，爲齊所無，故特言之。④

依儉說改。⑤物價從時而低昂，良賈逐之以收贏，故相指示也。⑥更相陳說，以知物價之法也。

⑦衰，音催，等也。政與「征」通。矣，依戴說刪。言相地肥瘠而差等其征，則民不去瘠土而移沃壤矣。⑧

正，依洪說改「政」。旅，陳也。惰，依劉改「儉」。謂陳其舊政，則民情醇厚。⑨禁發以時，則民知不可妄入，

不敢苟且從事。⑩高平曰「陸」。陵，陸謂葬地。十六井爲「邱」。井，九百畝疇。麻田也。

不勞，^①則牛馬育。

桓公又問曰：『寡人欲修政以干時於天下，其可乎？』^②管子對曰：『可。』

公曰：『安始而可？』管子對曰：『始於愛民。』

公曰：『愛民之道奈何？』管子對曰：『公修公族，家修家族，使相連以事，相及以祿，則民相親矣。^③放舊罪，修舊宗，立無後，則民殖矣。^④省刑罰，薄賦斂，則民富矣。鄉建賢士，使教於國，則民有禮矣。出令不改，則民正矣。此愛民之道也。』

公曰：『民富而以親，則可以使之乎？』管子對曰：『舉財、長工，以^⑤止足民^⑥用；^⑦陳力、尚賢，以勸民知；^⑧加刑無苛，以濟百姓。行之無私，則足以容衆矣；出言

○勞，讀爲『撈』，沈取曰『撈』。上之取於下，猶撈水中之物，故曰撈。○干，求也。干時於天下，謂經營天下，以試得天時與否。

○此宗法也。事則同爲之，祿則與分之，以同族爲一家，故相親也。○放，免也。

修舊宗，謂糾合舊宗族，立無後，謂無後嗣者，立嗣以繼之。殖，蕃也。○舉財，謂開財源。長工，謂興工業。

止，依王說改『足』。○陳說勤力，貴尚賢哲，以勸勉民進知能。

必信，則令不窮矣。此使民之道也。」

桓公曰：「民居定矣，事已成矣，吾欲從事於天下諸侯，其可乎？」管子對曰：「未可！民心未〔吾〕○安。」

公曰：「安之奈何？」管子對曰：「修舊法，擇其善者，舉而嚴用之；○慈於民，予無財，寬政役，敬百姓，則國富而民安矣。」

公曰：「民安矣，其可乎？」管仲對曰：「未可！君若欲正卒伍，修甲兵，則大國亦將正卒伍，修甲兵。君有征戰之事，則小國諸侯之臣，有守圉之備矣。然則，難以速得意於天下。公欲速得意於天下諸侯，則事有所隱，而政有所寓。」

公曰：「爲之奈何？」管子對曰：「作內政，而寓軍令焉。爲高子之里，爲國子之里，爲公里，三分齊國，以爲三軍。擇其賢民，使爲里君。鄉有行伍，卒長則其制令。○

○依安說刪。○民安所習，故擇於舊法。○則節也。卒，二百人。鄉居既有行伍，置卒長，以裁節其制度號令也。

且以田獵，因以賞罰。○則百姓通於軍事矣。』桓公曰：『善！』

於是乎，管子乃制五家以爲軌，軌爲之長；十軌爲里，里有司；四里爲連，連爲之長；十連爲鄉，鄉有良人，以爲軍令。○〔是故〕五家爲軌，故⑤五人爲伍，軌長率之。十軌爲里，故五十人爲小戎，里有司率之。四里爲連，故二百人爲卒，連長率之。十連爲鄉，故二千人爲旅，鄉良人率之。五鄉一師，故萬人爲一軍，五鄉之〔師〕帥④率之。三軍，故有中軍之鼓，有高子之鼓，有國子之鼓。春以田，曰『蒐』，振旅；⑤秋以田，曰『獮』，⑥治兵。是故，卒伍政定於里，軍旅政定於郊。⑦內教既成，令不得遷徙。故卒伍之人，人與人相保，家與家相〔愛〕，受；⑧少相居，長相游，祭祀相福，死喪相恤，禍〔福〕災⑨相憂，居處相樂，行作相和，哭泣相哀。是故，夜戰其聲相聞，足以

○且以此法田獵，以習戰法，因田獵，以施賞罰。○取治法以爲軍令。⑤是故，依戴說，本齊語刪。故

依戴說增。④依通典引及齊語增改。⑤蒐，搜也，搜取不孕者，振整也。⑥獮，殺也。⑦卒伍編於

家，故定於里。軍政習於田，故定於郊。⑧愛，依丁說改。受，宅舍有故，相受寄託也。⑨依齊語改。

無亂，晝戰其目相見，足以相識；驩欣，足以相〔死〕助。○是故，以守則固，以戰則勝。君有此教士三萬人，以橫行於天下；誅無道，以定周室，天下大國之君莫之能圉也。

正月之朝，鄉長復事。○公親問焉。曰：『於子之鄉，有居處爲義、好學、聰明、質仁、慈孝於父母、長弟〔聞〕。○於鄉里者，有則以告。』有而不以告，謂之蔽賢，其罪五。有司已於事而竣。○公又問焉，曰：『於子之鄉，有拳勇股肱之力，筋骨秀出於衆者，有則以告。』有而不以告，謂之蔽才，其罪五。有司已於事而竣。公又問焉，曰：『於子之鄉，有不慈孝於父母，不長弟於鄉里，驕躁淫暴，不用上令者，有則以告。』有而不以告，謂之下比。○其罪五。有司已於事而竣。

於是乎，鄉長退而修德，進賢明。公親見之，遂使役之官。公令官長，期而書伐。

○依戴說，本鷩冠子改。

○復白也。

○質仁，質樸而仁也。慈愛也。長善導少者也。弟，善事長者也。聞。

依王說刪。

○已畢也。竣，退立也。

○下與有罪者比周。

以告；○且令選官之賢者，而復之。曰：『有人居我官，有功休德，維順端慤，以待時，〔使〕○使民恭敬以勸，其稱秉言，則足以補官之不善政。』○公宣問其鄉里，而有考驗；乃召而與之坐，省相其質，以參其成功。成事。○可立而〔時〕授。○設問國家之患而不〔肉〕疾。○退而察問其鄉里，以觀其所能，而無大過；登以爲上卿之佐，名之曰『三選』。○高子、國子退而修鄉，鄉退而修連。○連退而修里，里退而修軌，軌退而修家。是故，匹夫有善，〔故〕○可得而舉也；匹夫有不善，可得而誅也。

政既成，鄉不越長，朝不越爵，罷士無伍，罷女無家。○士三出妻，逐於境外；女

○期周歲也。伐功也。

○順與『慎』通。待時待可用之時也。使依王說，本齊語刪。

○勸悅從也。秉持

也。秉言猶言持論。

○省相視也。質猶性也。謂視其性質，以參考其所成之功與事。

○時依王說，本

齊語改『授』。謂可立以爲官，而授之以政事也。

○肉依王說改『疾』。疾之本字。不宥，謂綽有餘

裕也。

○三選，謂鄉長、官長及君主三人之所選也。

○鄉退，鄉吏退也。連退，里退軌退，皆謂其吏退。

○依王說刪。

○罷病也，謂無行者。無伍，人不與交也。無家人，不敢娶也。

三嫁，入於春穀。⊖是故，民皆勉爲善。士與其爲善於鄉，不如爲善於里；與其爲善於里，不如爲善於家。⊖是故，士莫敢言一朝之便，皆有終歲之計，莫敢以終歲爲議，皆有終身之功。⊖

正月之朝，五屬大夫復事於公。擇其寡功者而譙之，曰：『列^④地分民者，若一，何故獨寡功？何以不及人？』教訓不善，政事^⑤不治，一再則宥，三則不赦。公又問焉，曰：『於子之屬，有居處爲義、好學、聰明、賢仁、慈孝於父母、長弟聞於鄉里者，有則以告，有而不以告，謂之蔽賢，其罪五。』有司已事而竣，公又問焉，曰：『於子之屬，有拳勇股肱之力，秀出於衆者，有則以告，有而不以告，謂之蔽才，其罪五。』

⊖罰之使春官穀也。⊖無道之世，吏不稱善，不出爲善於外，人不知之。今政成法良，爲善於家，軌長必知，而白之里有司；里有司白之連長，遞上以達於君。其出爲善於鄉里，亦必質之軌長。故爲善於外，不如爲之內。所以風俗日美而不自知也。⊖功，謂事業。⊖列，與『裂』古通，亦分也。⊖依戴說，據

册府元龜引，刪。

有司已事而竣。公又問焉，曰：『於子之屬，有不慈孝於父母，不長弟於鄉里，驕躁淫暴，不用上令者？有則以告。有而不以告者，謂之下比，其罪五。』有司已事而竣，於是乎，五屬大夫退而修屬，屬退而修連，連退而修鄉，鄉退而修卒，卒退而修邑，邑退而修家。是故，匹夫有善，可得而舉；匹夫有不善，可得而誅。政成，國安。以守則固，以戰則彊。封內治，百姓親，可以出征四方，立一霸王矣。①

桓公曰：『卒伍定矣，事已成矣，吾欲從事於諸侯，其可乎？』管子對曰：『未可！若軍令，則吾既寄諸內政矣。夫齊國寡甲兵，吾欲輕〔重〕。②罪而移之於甲兵。』公曰：『爲之柰何？』管子對曰：『制重罪，入以兵甲、犀脅、二戟，輕罪入蘭、盾、鞞革、二戟。③小罪入以金鈞。④分宥、薄罪，入以半鈞。⑤無坐抑而訟獄者，正三禁。』

①謂立一霸王之功也。

②依丁說，據元刻本刪。

③制，創建制度也。脅，脅盾，以犀皮製之。蘭，卽所謂

『蘭錡』兵架也。鞞革，重革，當心著之，可以禦矢。

④金謂銅，三十斤曰鈞。

⑤分宥，謂從坐者，別於

主犯而寬宥之。

之，而不直，則入一束矢以罰之。○美金以鑄戈、劍、矛、戟，試諸狗馬；惡金以鑄斤、斧、鉏、夷、鋸、擣，試諸木土。○

桓公曰：『甲兵大足矣，吾欲從事於諸侯，可乎？』管仲對曰：『未可！治內者，未具也，爲外者未備也。故使鮑叔、東郭牙爲大諫，王子城父爲將，弦子旗爲理，寧戚爲田，隰朋爲行，曹宿、孫宿處楚，商容處宋，季勞、友處魯，徐、衛開封，方處衛，偃、尚處燕，審、友處晉。又游士八千，十人，奉之以車馬，衣裘，多其資糧，財幣足之，使出周游於四方，以號召收求天下之賢士，飾玩好，使出周游於四方，鬻之諸侯，以觀其上下之所貴好，擇其沈亂者而先政之。』^①

○坐讀爲「挫」。禁，止也。言無挫折屈抑而訟獄者，正禁止之者三，而其人直，則罰之，使入一束五十

矢。○鉏，鋤屬。夷，芟也。蓋謂鎌。擣，當作「擣」，斲斤柄。○依王說改。○理，理獄官。田，農官。行，謂「行

人」，掌賓客之禮。○依戴說，據劉本、朱本改。○依宋說改。○依王說，孫說改。○千，依王引

說，據齊語改「十」，又讀爲「有」。○沈，古通「淫」。政，古通「征」。

公曰：『外內定矣，可乎？』管子對曰：『未可！鄰國未吾親也。』公曰：『親之奈何？』管子對曰：『審吾疆（場）場，反其侵地，正其封界，毋受其貨財，而美爲皮幣，以極聘覲於諸侯，○以安四鄰，則鄰國親我矣。』

桓公曰：『甲兵大足矣，吾欲南伐，何主？』管子對曰：『以魯爲主。反其侵地常，潛使海於有弊，渠彌於有渚，（綱）纒山於有牢。○』

桓公曰：『吾欲西伐，何主？』管子對曰：『以衛爲主。反其侵地（吉）○臺、原、姑與柴里，使海於有弊，渠彌於有渚，（綱）纒山於有牢。』

桓公曰：『吾欲北伐，何主？』管子對曰：『以燕爲主。反其侵地柴夫、吠狗，使海於有弊，渠彌於有渚，（綱）纒山於有牢。』

○極音戟，與「亟」同。衆來曰「規」，寡來曰「聘」。

○於爰也。弊讀爲「蔽」，彌讀爲「瀾」，渠瀾謂河渠水。

盛綱依王說，據齊語改「纒」纒同「環」。牢，谷也。言反侵地於魯，使防渚敵國，如海爰有障蔽，以止狂瀾。渠瀾爰有堤階，以防汎溢，環山爰有磎谷，以殺其勢。○依王說增。

四鄰大親，既反其侵地，正其封疆。地南至于岱陰，西至於濟，北至於海，東至于紀〔隨〕。鄗：○地方三百六十里。三歲治定，四歲教成，五歲兵出，有教士三萬人，革車八百乘。

諸侯多沈亂，不服於天子。於是乎，桓公東救徐州，分吳半；○存魯蔡陵，割越地。南據宋、鄭，征伐楚，濟汝水，踰方〔地〕城；○望文山，使貢絲于周室；成周反，胙於隆嶽；④荆州諸侯莫不來服。中救晉公，禽狄王，敗胡貉，破屠何，而騎寇始服。⑤北伐山戎，〔制〕 剗⑥冷支，斬孤竹，而九夷始聽。海濱諸侯莫不來服。西征攘白狄之地，遂至于西河；方舟投楫，乘浮濟河，至于石沈；⑦縣車束馬，踰大行與卑耳之

○隨，依安說，據齊語改『鄗』。○分吳半，謂分有吳地之半。○依王說，據齊語刪。④隆嶽，指衡山。

胙，祭肉。楚本有致祭於衡山之神之義務，乃背王命不祭；今桓公征服之，更以王命奉胙，使祭之也。

⑤胡貉屠何，皆北狄族名。北狄用騎兵，故曰『騎寇』。⑥制，依俞說，據齊語改『剗』；剗，擊也。⑦楫，音

敷，通作『桴』。浮亦桴也。石沈，齊語作『石枕』。

〔貉〕貉，拘〔秦〕秦夏，○西服流沙，西虞，而秦戎始從。故兵一出而大功十二。故東夷、西戎、南蠻、北狄、中國諸侯，莫不賓服。

與諸侯飾牲，爲載書，以誓要于上下〔薦〕庶○神。然後率天下，定周室，大朝諸侯於陽穀。故兵車之會六，乘車之會三，九合諸侯，一匡天下。甲不解〔壘〕壘，兵不解翳；弋無弓，服無矢；○寢武事，行文道，以朝天子。

葵丘之會，天子使大夫宰孔，致胙於桓公，曰：『余一人〔之〕命，有事於文，武，使宰孔致胙。』且有後命，曰：『以爾自卑勞，實謂爾伯舅，毋下拜。』○桓公召管仲而謀。管仲對曰：『爲君不君，爲臣不臣，亂之本也。』

○卑耳山名。貉依王說，據齊語改「貉」。秦依丁說改「秦」。秦同「大」。大夏國名。拘者，謂係累其君以歸也。○載書，盟書也。要約也。薦，依劉說。王說，據齊語，改「庶」。庶，衆也。○壘，大索也。翳，爲「醫」之假字。醫，藏弓弩矢器也。弋，弓衣服，所以盛矢也。○余一人，天子自稱之命。依丁說，刪有事於文武，有祭事於文王、武王之廟也。○伯舅，天子對異姓諸侯之尊稱。下拜，下堂拜而受胙也。

桓公曰：『余乘車之會三，兵車之會六，九合諸侯，一匡天下。北至於孤竹、山戎、穢貉，拘〔秦〕、夏、西至流沙、西虞，南至吳、越、巴、牂柯，颺不庾，雕題、黑齒。荆夷之國，莫違寡人之命，而中國卑我。昔三代之受命者，其異於此乎！』^①

管子對曰：『夫鳳皇、鸞鳥不降，而鷹、隼、鷓、鴒、臯、豐；^②庶神不格；^③守龜不兆，握粟而筮者屢中；^④時雨、甘露不降，飄風、暴雨數臻；五穀不蕃，六畜不育，而蓬蒿、藜藿並興。夫鳳皇之文，前德義，後〔日〕明昌；^⑤昔人之受命者，龍龜假，河出圖，雒出書，地出乘黃。^⑥今三祥未見有者，雖曰受命，無乃失諸乎！』

① 巴、牂、柯並近蜀。雕題，交趾也。黑齒者，嶺南之人食檳榔，其齒變黑，因以名其國耳。荆夷，荊州之夷。

② 三代夏、商、周受命受天命，爲天子也。③ 豐多也。④ 庶衆也。格至也。⑤ 不兆，不告吉凶也。筮

「筮」字古書。謂國之守龜，不如民間以粟使人卜筮者之尙多靈驗也。⑥ 籒同「藎」，徒弔反。方一也，音掉，似藜而赤。

⑦ 德主春，其色青；義主秋，其色白；前德義，青白毛在前也。日依丁說改「明」。明者天事，昌者地事，後半身毛色，象天地而光盛也。喻先有德義，乃可以昌明也。⑧ 龜，神龜。假至也。乘黃，神

馬之名——「乘」四匹黃，其色也。

桓公懼，出見客曰：『天威不遠，顏咫尺。小白承天子之命而毋「不」下拜，恐顛蹶於下，以爲天子羞。』遂下拜，登受賞服，大路、龍旗、九游、渠門、赤旂。○天子致胙於桓公而「不」下受。○天下諸侯稱順焉。

桓公憂天下諸侯。魯有夫人，慶父之亂，而二君弑死。○國絕無後。桓公聞之，使高子存之。男女不淫，馬牛選具。○執玉以見，請爲關內之侯，而桓公不使也。狄人攻邢，桓公築夷儀以封之。男女不淫，馬牛選具。執玉以見，請爲關內之侯，而桓公不使也。狄人攻衛，衛人出旅於曹，桓公城楚丘封之。其畜以散亡，故桓公予之繫馬三百匹。○天下諸侯稱仁焉。於是天下之諸侯，知桓公之爲己勤也，是以諸侯之歸之也，譬若市人。

○賞服所賞賜之服，謂袞冕。大路，諸侯朝服之車。九游，九旒也。渠門，轅門也。○不，依陳說改「下」。

受，下拜登受也。○慶父，通莊公夫人姜氏，弑子般，又弑閔公。○淫，亂雜也。選，數也。數具，無所放矣。

○繫馬，在閑廐繫養之馬，謂良馬也。

桓公知諸侯之歸己也，故使輕其幣而重其禮。○故使天下諸侯以疲馬、犬、羊爲幣，齊以良馬報；諸侯以〔縷〕縷帛〔布〕○鹿皮四〔分〕个以爲幣，齊以文錦、虎豹皮報。諸侯之使垂囊而入，〔櫛〕櫛載而歸。○故〔鈞〕鈞○之以愛，致之以利，結之以信，示之以武。是故天下小國諸侯，旣服桓公，莫〔敢〕之敢倍而歸之；喜其愛而貪其利，信其仁而畏其武。

桓公知天下小國諸侯之多與己也，於是又大施忠焉。可爲憂者爲之憂，可爲謀者爲之謀，可爲動者爲之動。伐譚、萊而不有也，諸侯稱仁焉。通齊國之魚鹽于東萊。○使關市幾而不正，壙而不稅，○以爲諸侯之利，諸侯稱寬焉。築蔡、鄆、陵。

○輕諸侯之幣，而齊重禮以待之。

○縷，依王說改『縷』，縷，繪無文也。布，依王說刪。分，依王〔引〕說，據

齊語改『个』，个，枚也。

○垂囊，言其空也。櫛，依俞說改『櫛』，櫛，同『稱』，滿也。

○鈞，依安說，據古本改

『鈞』。

○于，依劉本及齊語增。使東萊致齊國所用之魚鹽也。

○幾，察也。正，古通。『征』，幾而不征者，

謂察其姦非而不征稅也。壙，『塵』之俗字。塵，市舍也。塵而不稅者，稅其舍而不稅其物也。

培夏、靈父丘，以衛戎狄之地，所以禁暴於諸侯也。築五鹿、中牟、鄴，蓋與〔社〕杜丘，以衛諸夏之地，所以示〔勸〕權於中國也。⊖

教大成，是故天下之於桓公，遠國之民望如父母，近國之民從如流水。故行地茲遠，得人彌衆。是何也？懷其文而畏其武，故殺無道，定周室，天下莫之能圉，武事立也；定三革，偃五兵。⊖朝服以濟河，⊕而無怵惕焉，文事勝也。是故大國之君慚媿，小國諸侯附比。是故大國之君事如臣僕，小國諸侯驩如父母。夫然，故大國之君不尊，小國諸侯不卑。是故大國之君不驕，小國諸侯不懾。於是，列⊖廣地以益狹地，損有財以與無財。周其君子，不失成功；周其小人，不失成命。⊕夫如是，居處則順，出則有成功，不稱動甲兵之事，以遂文武之〔近〕迹於天下。⊕

⊖社依王說改『杜』勸依齊語改『權』

⊕定止也。三革，甲、冑、盾也。五兵，戈、戟、矢、會、矛、夷、矛也。⊖朝

服濟河，以與西諸侯盟也。

⊖列讀爲『裂』

⊕君子小人以位言。

⊕稱舉也。近依諸本改『迹』文

武之迹，文王、武王之治迹也。

桓公能假其羣臣之謀，以益其智也。其相曰夷吾，大夫曰寧戚，隰朋、賓胥無、鮑叔牙，用此五子者何功。○度義、光德，繼法、紹終，○以遺後嗣，貽孝昭穆，大霸天下，名聲廣裕，不可掩也。則唯有明君在上，察相在下也。

初桓公郊迎管子而問焉。管仲辭讓，然後對以參國、伍鄙，立五鄉以崇化，建五屬以厲武，寄兵於政，因罰備器械，加兵無道諸侯，以事周室。桓公大說。於是齋戒十日，將相管仲。管仲曰：「斧鉞之人也，幸以獲生，以屬其嚮，領臣之祿也。若知國政，非臣之任也。」○公曰：「子大夫受政，寡人勝任；子大夫不受政，寡人恐崩。」○管仲許諾，再拜而受相。

三日，公曰：「寡人有大邪三，其猶尙可以爲國乎？」對曰：「臣未得聞。」公

○何讀如「擔荷」之「荷」。言用此五子者，擔荷而成其功也。○光大也。終猶絕也；紹終繼既絕之制也。○屬連也。祿福也。知猶「主」也。○勝任勝爲人君之任，恐崩恐不能保其位也。

曰：寡人不幸而好田，晦夜而至禽側，〔田〕日莫不見禽而後反。○諸使使者無所致，百官有司無所復。○對曰：『惡則惡矣！然非其急者也。』公曰：『寡人不幸而好酒，日夜相繼，諸侯使者無所致，百官有司無所復。』對曰：『惡則惡矣！然非其急者也。』公曰：『寡人有汙行，不幸而好色，而姑姑有不嫁者。』對曰：『惡則惡矣！然非其急者也。』公作色曰：『此三者且可，則惡有不可者矣！』對曰：『人君唯優與不敏爲不可，優則亡衆，○不敏不及事。』

公曰：『善！吾子就舍，異日請與吾子圖之。』對曰：『時可，○將與夷吾，何待異日乎？』公曰：『柰何？』對曰：『公子舉爲人，博聞而知禮，好學而辭遜，請使游於魯，以結交焉。公子開方爲人巧轉而兌利，○請使游於衛，以結交焉。曹孫宿，其

○田依俞說改『日』莫古『暮』字。言好獵之極，天尚未曉，卽至禽所居處，直至日暮不見禽時，始反。

○所依諸本增致致命也復白也。○優隱也。人君自隱其情，使不可知，則人不附之。○此時可卽

圖之也。○兌與『銳』古通。謂才鋒銳利也。

爲人也，小廉而荷怙，[⊖]足恭而辭〔結〕給，[⊖]正荆之則也，[⊖]請使往游，以結交焉。遂立行三使者而後退。

相三月，請論百官。公曰：『諾。』管仲曰：『升降揖讓，進退閑習，辨辭之剛柔，臣不如隰朋，請立爲大行。』[⊖]墾草入邑，[⊖]辟土聚粟，多衆盡地之利，臣不如寧戚，請立爲大司田。平原廣牧，車不結轍，士不旋踵，鼓之而三軍之士視死如歸，臣不如王子城父，請立爲大司馬。決獄折中，不殺不辜，不誣無罪，臣不如〔賓胥無〕弦章，請立爲大司理。犯君顏色，進諫必忠，不辟死亡，不撓富貴，臣不如東郭牙，請立爲大諫之官。此五子者，夷吾一不如；然而以易夷吾，夷吾不爲也。[⊖]君若欲治國彊兵，則五子者存矣；若欲霸王，夷吾在此。』桓公曰：『善！』

○荷與『苛』古通，瑣細也。怙音逝，習也；言多所慣習也。

○結，依劉說改『給』。

○荆，楚也。則，品式也。

言曹孫宿爲人，正合楚人之品式。

○閑，亦習也。辭，賓之辭命也。大行，即大行人。

○入，進也；墾，治草

野，進爲村邑也。

⊖依王說改。

⊖以五子所能，欲以易夷吾之才，夷吾不肯爲也。

問①

凡立朝廷，問有本紀。①爵授有德，則大臣興義；祿予有功，則士輕死。〔節〕②上帥士以人之所戴，則上下和；③授事以能，則人上功；審刑當罪，則人不易訟；④無亂社稷宗廟，則人有所宗；⑤毋遺老忘親，則大臣不怨；⑥舉知人急，則衆不亂。⑦行此道也，國有常經，人知終始，此霸王之術也。

然後問事。事先大功，政自小始。⑧問，死事之孤，其未有田宅者，有乎？⑨問，少

①謂爲國所當察問者。

②立[△]猶位也。將問於下，自有根本綱紀，先能行之，然後始問之。

③輕死[△]謂

不惜死也。節[△]依[△]丁說刪。

④人之所仰戴，忠、信、廉、直之屬也；以此率士，則風俗自正，故上下和。

⑤易[△]

猶輕也。刑當其罪，故人不敢輕訟。

⑥凡人生於祖，居於土，食於穀，三者，人之本也。人主不亂所以事

之之禮，則民亦傲之，各有所宗本焉。

⑦大臣非國老，則君親，今不遺忘，故不怨。

⑧知人所急而舉

行之，則各得所欲，故不爲亂。

⑨功大者不可不速賞，故先問之。利害之小者，人情所易忽，故政自小

始。

⑩未有，則給與之。死事孤[△]，謂死國事之子孫。

〔仕〕壯而未勝甲兵者，幾何人？○問死事之寡，其餼廩何如？○問國之有功大者，何官之吏也？○問州之大夫〔也〕，何里之士也？今吏亦何以明之矣？○問刑論有常以行，不可改也；今其事之久留也，何〔若〕居？○問五官有度制，官都其有常斷，今事之稽也何待？○問獨夫寡婦，孤寡疾病者，幾何人也？問國之棄人，何族之子弟也？○問鄉之良家，其所〔牧〕收養者，幾何人矣？○問邑之貧人，債而食者，幾何家？○問理園圃而食者，幾何家人之開田而耕者，幾何家士之身耕者，幾何家？○

○仕[△]依諸本改『壯』。少者待壯而任之。壯而未勝甲兵者，蓋有疾病也，亦當識其數。○此謂無子者。

腥曰『餼』廩[△]俸米也。○問何官之吏，欲知其材之所當。○問治州之大夫曰：『汝所薦舉，何里之

士也；今用爲吏，亦何以明其才能也？』○若依丁說改『居』何居，怪之之詞，猶言『何故』也。此謂九

刑之論，有常法以行之，不可改易；今獨久留其事，其意果何居也。○五官[△]五屬大夫也。都總也。言事

皆有制度常斷，今乃稽留其事，將何待乎。○古者有宗法以收其族，而今棄之，將知其罪所在而治

之也。○牧[△]依豬說改『收』。良家有田祿者，人不能自存，良家收養之，問其數，將賞之也。○債[△]而食

謂從富者出息以供食。○開田[△]墾闢草野也。理園圃，細民也；開田，無世業者也；士之身耕，貧不能學

者也；皆將有所賑恤焉。

問鄉之貧人，何族之別也？○問宗子之〔牧〕收昆弟者，以貧從昆弟者，幾何家？○
餘子仕而有田邑，今入者，幾何人？○子弟以孝聞於鄉里者，幾何人？餘子父母存，
不養而出離者，幾何人？士之有田而不使者，幾何人？吏惡何事？○士之有田而不
耕者，幾何人？身何事？○〔君〕羣臣○有位而未有田者，幾何人？外人之來〔從〕徒
○而未有田宅者，幾何家？國子弟之游于外者，幾何人？貧士之受責○於大夫者，
幾何人？官賤行書○身士，以家臣自代者，○幾何人？官承吏○之無田餼，而徒理
事者，幾何人？羣臣有位事，官大夫者，○幾何人？外人來游，在大夫之家者，幾何人？

○將使其宗收恤之也。

○牧，依陳說改。〔收〕收，收養之也。宗子之收養昆弟者，與以貧而依於昆弟

者。○餘子仕受田邑，既而嫡子死，入繼本宗者，幾何人？當收其田邑，故問之。○此士爲何事，而吏

惡之，不使也。○學則獎之，嬉則懲之，故問身所爲何事。○依戴說改。○依王〔引〕說改。○責，

古〔債〕字。○官賤行書，庶人在官者，爲他人作文書，以收其賃也。○身爲士而不能書，以家臣自

代者。○承吏，謂攝官。○羣臣，列位職事於朝，而又私官於大夫者。

鄉子弟力田，爲人率者，幾何人？國子弟之無上事，衣食不節，率子弟不田，弋獵者，幾何人？男女不整齊，亂鄉子弟者，有乎？問人之貸粟米，有別券者，幾何家？問國之伏利，其可應人之急者，幾何所也？人之所害於鄉里者，何物也？問士之有田宅，身在陳列者，幾何人？餘子之勝甲兵，有行伍者，幾何人？問男女有巧伎能，利備用者，幾何人？處女操工事者，幾何人？「冗」問國所開口而食者，幾何人？問一民有幾年之食也？問兵車之計，幾何乘也？牽家馬，輓家車者，幾何乘？處士修行，足以教人，可使帥衆，莅百姓者，幾何人？士之急難，可使者，幾何人？工之

○無上事，不共使令也。十邑爲『率』。不田弋獵，不力田而徒事弋獵也。○不整齊，謂不以禮交者。此

失禮之尤甚者，故不言『幾何人』而云『有乎』。○別傳別券契也，皆所以爲稱貸之憑。○伏利，謂

利之潛伏而未爲人用者。○陳列軍之行列也。○巧技能，謂善紡績、組織及百工之事。備器也，用

貸也。○冗，依丁說改『問』。開口而食，言不農作，仰食於人也。○家猶私也。馬言『牽』以馱物也。輓

駕也。○莅，臨也。

巧，出足以利軍伍，處可以修城郭，補守備者，幾何人？城粟、軍糧，其可以行幾何年也？
 ① 吏之急難可使者，幾何人？大夫疏器、甲兵、兵車、旌旗、鼓鏡、帷幕、帥車之載，幾何乘？
 ②

〔疏〕藏疏器，③ 弓弩之張，④ 衣夾鋏，⑤ 鈎弦之造，⑥ 戈戟之〔緊〕，⑦ 其厲何若？其宜修而不修者，〔故〕何故？
 ⑧ 視而造修之官，出器處器之具，宜起而未起者，何待？
 ⑨ 鄉師車輜造修之具，其繕何若？
 ⑩

① 行猶「經」也。城粟謂守城之粟。軍糧謂出軍之糧。② 疏器食器也。饒小鉦也。在旁曰「帷」，在上曰

「幕」。帥車出軍所率之車也。③ 以下至「戈戟之緊」，卽下文所謂處器，藏以備缺壞者。④ 弓弩之

可以張者。⑤ 刀身、劍鋒曰「鋏」。衣夾謂有鞞以藏之者。⑥ 鈎弦決也，所以挽弦。造與「筵」通，副也；

藏而未用，故曰「筵」。⑦ 緊，依安說改「緊」。緊音啓，戟衣也。⑧ 依丁說改。⑨ 出器出軍之器，處器

藏以待缺乏者起與也，謂興造之。⑩ 上謂官物，此論民間所作。師車、兵車、輜牛車、繕補也。

工尹伐材用，毋於三時。⊖羣材乃植，而造器定冬，〔鳧〕完良，備用必足。⊖人有餘兵，詭陳之行，以慎國常。⊖時簡稽帥馬牛之肥腴，其老而死者，皆舉之。⊖其就山藪林澤食薦者，幾何？出入死生之會，幾何？⊖若夫，城郭之厚薄，溝壑之淺深，門閭之尊卑，宜修而不修者，上必幾之。⊖守備之伍，器物不失其具，淫雨而各有處藏。⊖問兵官之吏，國之豪士，其急難足以先後者，幾何人？⊖夫兵事者，危物也；不時而勝，不義而得，未爲福也。失謀而敗，國之危也；慎謀，乃保國。⊖

⊖工尹，工官之長。三時，謂春、夏、秋。此時木方生植不堅，故不可伐材；其伐材，必以冬也。⊖凡器定於冬造之，則其器完良。備用，謂造器所須者；冬物盡成，故備用必充足。⊖詭，責也。謂人有餘兵，則責其

陳之於行伍，不得私匿，所以慎國之常法也。⊖簡，閱也。稽，計也。帥，謂出軍所帥者。舉之，謂書之籍。

⊖澤無水，曰「藪」。薦，草之美者。此謂放牧者，出出廐往牧也。入自牧入廐也。歲，計曰「會」。⊖幾，察也，謂君必察知之。⊖守備之伍，謂守城郭、門閭之屬者，亦以伍法編之，故曰「伍」耳。器物，守備之具也。天淫雨，有地以處藏，不致腐敗。⊖先後，猶輔佐也。⊖上文專論兵事，故以此結之。

天問所以教選人者，何事？問執官都者，其位。滋事幾何年矣？所辟草萊，有益於家邑者，幾何矣？所封表以益人之生利者，何物也？所築城郭，修牆垣，閉絕通道，阨門闕，深防溝防，以益人之地守者，何所也？所捕盜賊，除人害者，幾何矣？

制地：君曰，理國之道，地德爲首。君臣之禮，父子之親，覆育萬人，官府之藏，疆兵保國，城郭之險，外應四極，具取之地。而市者，天地之財具也。而萬人之所和而利也。正是道也，民荒無苛。人盡地之職，一保其國，各主異位，毋使

○執官都謂執官事於都邑。位依丁說改。『濫』濫音麗，臨也。○家，卿大夫之采地；邑，公邑也。○封起土界也。表，標也。凡有利民者，標而示之。生，謂產業。○上均依陳說改。○此皆問執官都者也。先問滋事幾何年，然後歷問其功，將以爲黜陟之地也。○近而市，中而關，遠而邊，皆所以制地也。○君下，疑脫『子』字。生萬物以養人，地之德也。○四極，四裔也。言外應四裔之求也。具與『俱』同。○人攜其所有，以售於市，故天地之財，具足於市也。○和，謂交易，萬人因市交易而得利也。○四穀不熟，謂之『荒』。苛，擾也。言正爲市之道，財穀爭聚，歲雖凶荒，而民不擾亂也。

讒人亂。○普而德營，九軍之親。○關者，諸侯之陬隧也，而外財之門戶也。○萬人之道行也；④明道以重告之。⑤征於關者，勿征於市；征於市者，勿征於關。虛車勿索，徒負勿入。⑥以來遠人。十六道同。⑦身外事謹，則聽其名，「視其名」視其色，是其事，稽其德，以觀其外；⑧則無敦於權人，以困「貌」完德。⑨國則不惑，行之職

○凡地各有主而異其位，當使之隨其宜而盡其利，毋使讒人亂之，不能盡其才焉。

○普，徧也。德，地

德也。軍，圍也；九軍，猶詩言「九圍」九州也。言能普營地德，貨財充盈，九洲諸侯自親之也。

○陬，隧，謂

陬，隅之道也。他國之財，由關而入，故曰「門戶」。

④道，由也；言萬人皆由此行也。

⑤明，顯也；道，音

「導」。顯，導，謂以節傳出納之。重，告，申告禁令也。

⑥車不載物，不求其征。徒步負物者，爲貨既少，故亦

免入征税。

⑦齊國凡有十六道，皆置關，並同此令。

⑧視其名，依王（引）說，刪是正也。身外事，謹謂

所裝載，無侈靡禁止之物，則於法當達之；於是又聽其名，視其色，正其所來之事，稽考其德，以觀察其

見於外者也。

⑨貌，依戴說，改「完」完德，全德也。謂校察如此，則無敦厚於權詐之人，以困有德行之

人之過也。

也。○問於邊吏曰：『小利害信，小怒傷義，〔邊〕信傷德厚，和構四國，以順〔貌〕完德。○后鄉四極。』○令守法之官〔日〕曰：『行度必明，無失經常。』○

○入關者皆正人，則國中不惑，此掌行旅者之職也。○問當作『戒』。邊，依俞說改『誓』，即今『箋』字，猶小也。構，讀爲『講』，亦和也。四國，四鄰之國也。○后，同『後』。鄉，同『嚮』。言四鄰既和，然後向四裔而撫綏之。○日，依王說改『日』。無，依王說增。度，法度也。

戒[⊖]

桓公將東游，問於管仲曰：「我游猶〔軸〕由轉〔斛〕，南至於琅邪。」[⊖]司馬曰：「亦先王之游已。」[⊙]何謂也？管仲對曰：「先王之游也，春出，原農事之不本者，謂之「游」；[⊙]秋出，補人之不足者，謂之「夕」；[⊕]夫師行而糧食，其民者，謂之「亡」；[⊖]從樂而不反者，謂之「荒」。先王有游夕之業於人，無荒亡之行於身。」

桓公退，再拜命曰：「寶法也！」

⊖戒，所以陳戒桓公。

⊙猶讀爲「欲」；猶「欲」古通。軸，依王（引）說改。由，斛，依丁杰說。王（引）說改。

〔斛〕轉斛，山名。言我之遊也，欲由轉斛之山，南至於琅邪。⊙言此游，當以先王之遊爲法。⊕原古

〔源〕字。不本者，謂無資本者。言農事之無資本者，賜錢穀以爲之源，民得以勉其業，故謂之「游」。——

言優游足以終歲也。⊕夕，白帖引作「豫」；夕爲「豫」之假字，豫亦「游」也。

管仲復於桓公曰：『無翼而飛者，聲也；①無根而固者，情也；②無方而富者，生也。③公亦固情謹聲，以嚴尊生，④此謂道之榮。』⑤

桓公退，再拜請若⑥此言。

管仲復於桓公曰：『任之重者，莫如身；⑦塗之畏者，莫如口；⑧期〔而〕之遠者，莫如年。⑨以重任，行畏塗，至遠期，唯君子乃能矣。』

桓公退，再拜之曰：『夫子數以此言者，教寡人。』⑩

①聲，言也。君子出言而善，千里之外應之，是『無翼而飛』也。②恩情相結，民至死不移，是無根而固。

也。③方，有也——詩云『維鷓有巢，惟鳩方之。』人生，物從所勉而聚，死則萬事皆休，是無所有而富。

也。④嚴與『儼』同，謂儼然正禮以尊保生命。桓公淫於酒色，故管子動以保生戒之。⑤謂此皆道。

之榮華，發於外者也。⑥若順也。⑦萬事非身不舉，故曰『任重』。⑧禍福榮辱，由口而出，故可畏。

也。⑨而依羣書治要引，改『之』。凡事死而後已，是期之遠也。⑩謂願數以如此言者，教寡人也。

管仲對曰：『滋味、動靜、生之養也；○好惡、喜怒、哀樂、生之變也；○聰明當物，生之德也。○是故，聖人齊○滋味而時動靜，御正六氣之變，○禁止聲色之淫。○邪行亡乎體，違言○不存口，靜然○定生，聖也。仁從中出，義從外作。○仁故不以天下爲利，義故不以天下爲名。仁故不代王，義故七十而致政。是故，聖人上德而大功，尊道而載物。○道德當身，故不以物惑。是故，身在草茅之中而無懼○意，南面聽天下而無驕色；如此而后可以爲天下王。

『所（以）』○謂德者，不動而疾，不（相）○告而知，不爲而成，不召而至；是德

○滋味以供內，動靜以節外，所以養生也。

○六情之動，生失其常也。

○物事也。德得也。聞見不失

事理之當，生之所得也。

○齊，不多食也。

○御，治也。六氣，卽好惡、喜怒、哀樂。

○淫，過也。

○違言，

謂違道之言。

○然，猶『乃』也。

○仁，自心生，故曰『中出』；義因事斷，故曰『外作』。

○物，爵祿貨財

之屬。

○懾，失氣也。

○以，依豬說刪。

○相，依王說刪。

也。故天不動，四時云〔下〕而萬物化；○君不動，政令陳下而萬〔功〕物成；○心不動，使四枝耳目而萬物情。○寡交多親，謂之知人；寡事成功，謂之知用；聞一言以貫萬物，謂之知道。○多言而不當，不如其寡也；博學而不自反，必有邪。○孝弟者，仁之祖也；忠信者，交之慶也。內不考孝弟，外不正忠信，澤其四經而誦學者，是亡其身者也。○

桓公明日，弋在廩，管仲、隰朋朝。公望二子，弛弓脫釭^⑦而迎之，曰：『今夫鴻鵠，春北而秋南，而不失其時，夫唯有羽翼以通其意於天下乎？今孤之不得意於

○云讀爲『運』。下依王〔引〕說刪。言四時運行而萬物化也。○功依丁說改『物』。○萬物情謂各

得其所欲也。○以其知人，故能交寡而親多；以其知用，故能事寡而功成；唯其知道，故能推演一言

以貫通萬事也。○博學而不反求 myself，見聞日廣而自修益疏，故必陷於邪曲也。○考成也。正釐

也。澤古『釋』字，猶『舍』也。經常也。四經即孝弟忠信。○釭讀爲『駮』。駮音翰，射糶也。

天下，非皆二子之憂也！』^①

桓公再言，二子不對。桓公曰：『孤既言矣，二子何不對乎？』管仲對曰：『今夫人患勞，而上使不時；人患飢，而上重斂焉；人患死，而上急刑焉。如此，而又近有色而遠有德，雖鴻鵠之有翼〔濟大水之有舟楫〕^②也，其將若君何！』^③

桓公蹴然遂遁。^④管仲曰：『昔先王之理人也，蓋人〔有〕^⑤患勞，而上使之以時，則人不患勞也；人患飢，而上薄斂焉，則人不患飢矣；人患死，而上寬刑焉，則人不患死矣。如此，而近有德而遠有色，則四封^⑥之內，視君其猶父母邪！四方之外，歸君其猶流水乎！』

公輟射，援綏^⑦而乘，自御，管仲爲左，隰朋參乘。〔朔〕三月〔二〕朔日進二子

①言鴻鵠有羽翼以縱橫天下，已有二子，亦當縱橫天下，今不能，然此亦已所當憂，非皆二子之憂也。
蓋反言以責之。 ②依王說，據御覽治道部引，刪。 ③言君德不修，雖有輔佐之者，亦不能若何也。

④蹙然不安貌。遁，『巡』同，『遂巡』卻退也。 ⑤依張說刪。 ⑥四封，四境也。 ⑦綏，車中把也。

於〔里官〕釐宮。○再拜頓首曰：『孤之聞二子之言也，耳加聰而視加明；於孤不敢獨聽之，薦之先祖。』管仲、隰朋再拜頓首曰：『如君之王也。』○此非臣之言也，君之教也。』○

於是，管仲與桓公盟誓，爲令曰：『老弱勿刑，參宥而后弊。』○關幾而不正，市正而不布。』○山林梁澤，以時禁發，而不正也。草封澤鹽者之歸之也，譬若市人。』○六年教人，四年選賢以爲長，五年始興〔車〕軍踐乘。』○遂南伐楚，〔門〕傅〔施〕方城。』○北伐山戎，出冬葱與戎〔叔〕菽，布之天下。』○果三匡天子，而九合諸侯。

○朔月三日依洪說改『三月朔日。』里官依豬說改『釐宮。』釐，『僖』同。釐宮，桓公父僖公之廟也。○

如君之所爲，可以王也。』言公聽納如流，又從而尊敬之。曩者所陳，君實誘之令言，乃君之教，非臣

之言也。』○弊，治也。言三宥而後治其罪也。周禮『三宥』一曰不識，二曰過誤，三曰悖辜。』○五，正。』征

古通用。布，徧也。量多少而征之，不徧征也。』○草封者，刈草積之如封土也。澤鹽者，煮鹽於澤中者也。

山澤禁發而不征，故刈草煮鹽者之歸之，如市人也。』○車，依安說改『軍。』踐，乘整頓車乘也。』○八，門

依丁說刪。施，依洪說改『方。』○九，叔，依古本改『菽。』戎，菽豆類。

桓公外舍而不鼎饋。⊖中婦諸子⊖謂宮人：『盍不出從乎？君將有行。』宮人皆出從，公怒曰：『孰謂我有行者？』宮人曰：『賤妾聞之中婦諸子。』公召中婦諸子曰：『女焉聞吾有行也？』對曰：『妾人⊖聞之，君外舍而不鼎饋，非有內憂，必有外患。今君外舍而不鼎饋，君非有內憂也，妾是以知君之將有行也。』

公曰：『善！此非吾所與女及也，而言乃至焉，吾是以語女。⊗吾欲致諸侯而不至，爲之奈何？』中婦諸子曰：『自妾之身之不爲人持接也，未嘗得人之布織也；意者，更容不審邪？』⊘

明日，管仲朝，公告之。管仲曰：『此聖人之言也，君必行也。』

⊖外舍不入內寢，舍於朝也。饋食必以鼎；不鼎饋，謂不饋食。

⊖中婦諸子，掌教宮女之官。

⊖人猶

『身』也。

⊗而亦『女』也。言此事非我所當與女謀及也，然女言乃至此，故我以語女也。

⊘爲猶

『與』也。織音志，染絲織之，曰『織』。言己不事人，未嘗得人布帛，猶君不禮遇諸侯，故諸侯不至。意者，或有不審致諸侯之道邪？

管仲寢疾，桓公往問之，曰：「仲父之疾甚矣！若不可諱也，不幸而不起，此疾彼政，我將安移之？」管仲未對。桓公曰：「鮑叔之爲人何如？」管仲對曰：「鮑叔，君子也；千乘之國，不以其道予之，不受也；雖然，不可以爲政。其爲人也，好善而惡惡已甚，——見一惡，終身不忘。」

桓公曰：「然則孰可？」管仲對曰：「隰朋可。朋之爲人，好上識而下問。臣聞之，以德予人者，謂之仁；以財予人者，謂之良。以善勝人者，未有能服人者也；以善養人者，未有不服人者也。於國有所不知政，於家有所不知事，必則朋乎！且朋之爲人也，居其家，不忘公門；居公門，不忘其家；事君不二其心，亦不忘其身。④舉齊國之幣，握路家五十室，其人不知也。⑤大仁也哉！其朋乎！」

○識音志；上識多識，前言往行以蓄其德也。○以善勝人，銜其才者也；以善養人，務崇其德者也；故其效如是。○則猶『是』也。④不忘家與身，人之情也；情厚者，必忠；故求忠臣，必於孝子之門。若

管仲者，可謂精觀人之法已矣。⑤舉用也。握古通『幄』，路古通『露』，露家謂露處之家。言幄覆露處

者五十家，而不使其人知之。⑥謂可移政者，其朋乎。

公又問曰：『不幸而失仲父也，二三大夫者，其猶能以國寧乎？』管仲對曰：『君請，〔矍〕獲已乎？』○鮑叔牙之爲人也，好直；賓胥無之爲人也，好善；寧戚之爲人也，能事；孫在之爲人也，善言。』

公曰：『此四子者，其孰能一人之上也？寡人并而臣之，則其不以國寧，何也？』○對曰：鮑叔之爲人也，好直而不能以國誦；○賓胥無之爲人也，好善而不能以國〔拙〕；○寧戚之爲人，能事而不能以足息；○孫在之爲人，善言而不能以信默。○臣聞之，消息盈虛，與百姓誦信，然后能以國寧。勿己者，朋其可乎！朋之爲人也，動必量力，舉必量技。』

○請猶『問』也。○矍，依俞說改『獲』。言君有所問，不獲已而爲此對也。○上『尚』同，言人不能加也。今

并而臣之，則國固當安；而管仲不爲安，何也？管仲不舉四子執政，故怪而問之也。○也，依古本增。不

能以國誦，謂不能爲國屈其直也。○〔拙〕，依安說改『拙』。好善，謂好善其事，拙，正其反也。○謂不能

知足而息也。○謂其所陳言，既見信用，尙不能默也。

言終，喟然而歎曰：『天之生朋，以爲夷吾舌也；其身死，舌焉得生哉！』

管仲曰：『夫江、黃之國，近於楚，爲臣死乎？君必歸之楚而寄之。』君不歸，楚必私之。○私之而不救也，則不可救之，則亂自此始矣。』桓公曰：『諾！』

管仲又言曰：『東郭有狗噬噬，且暮欲齧我，〔猥〕枷而不使也。』○今夫易牙，子之不能愛，將安能愛君？君必去之。』○公曰：『諾！』管子又言曰：『北郭有狗噬噬，且暮欲齧我，〔猥〕枷而不使也。今夫豎刁，其身之不愛，焉能愛君？』○君必去之。』公曰：『諾！』管子又言曰：『西郭有狗噬噬，且暮欲齧我，〔猥〕枷而不使也。今

○爲猶『如』也。言如臣死，君必歸江、黃於楚也。

○謂伐之爲私有也。

○噬通作『唯』，魚佳切。二五，

狗欲齧也。猥，依王（引）說改『枷』。枷，繫木於頸也。枷而不使，謂枷繫之，不使進而齧人也。○桓公欲

人肉，易牙烹其子以進，是不能愛其子也。凡不近人情者，鮮不爲奸慝，管子其知之矣。○桓公病後

宮不治，豎刁自宮以進，是不愛其身也。

夫衛公子開方，去其千乘之太子而臣事君，是所願〔也〕得於君者，〔是〕○將欲過其千乘也；○君必去之。桓公曰：「諾！」管子遂卒。卒十月，隰朋亦卒。

桓公去易牙、豎刁、衛公子開方。五味不至，○於是乎復反易牙；官中亂，復反豎刁；利言卑辭不在側，復反衛公子開方。桓公內不量力，外不量交，而力伐四鄰。公薨，六子皆求立，易牙與衛公子內與豎刁，因共殺羣吏而立公子無虧。故公死，七日不斂，九月不葬。孝公犇宋。宋襄公率諸侯以伐齊，戰于鹹，大敗齊師，殺公子無虧，立孝公而還。

襄公立十三年。桓公立四十二年。

○也，依洪說刪。是依王說刪。○將欲過其所當得之千乘，言不奪齊國不廢也。東郭、北郭、西郭，因其所處而目之也。○至極也，謂五味不極其美。

地圖

凡兵主^①者，必先審知地圖。轅轅之險，^②濫車之水，^③名山、通谷、經川，^④陸、丘阜之所在，苴草、林木、蒲葦之所茂，^⑤道里之遠近，城郭之大小，名邑、廢邑、困殖之地，必盡知之。^⑥地形之出入相錯者，盡藏之。^⑦然後，可以行軍，襲邑，舉錯知先後，不失〔地〕^⑧利。此地圖之常也。

①地圖即地利也。必曰「圖」者，天下之地，不可徧行，因圖以詳之也。②兵主將也。③謂路形若轅

而又轅曲。今河南鞏縣西南，有轅轅山。④其水悍急，能泛車。⑤通谷，名通聞於天下之谷，大谷也。

經川，大川特達於海者。⑥枯曰「直」，生曰「草」。此皆可以阻敵，伏兵，供樵蘇，資火攻，故當知之。⑦

困，謂其地饒，不可種藝。殖，謂壤田可播殖者。因遠近，以運糧食；應大小，以興士卒。善用兵者，因糧於

敵，故名邑、廢邑、困殖之地，亦當知之。⑧出入相錯，謂分境犬牙相交者。藏，謂苞蘊在心。⑨依安說，

據古本刪。

人之衆寡，士之精麤，器之功苦，盡知之，此乃知形者也。①知形不如知能，知能不如知意，故主兵必參具者也。②主明，相知，將能之謂參具。故將出令，發士，期有日數矣。宿③定所征伐之國，使羣臣、大吏、父兄、便辟、左右，不能議成敗，人主之任也。④論功勞，行賞罰，不敢蔽賢有私；行用貨財，供給軍之求索，使百吏肅敬，不敢懈怠。⑤行邪，以待君之令，相室之任也。繕器械，選練士，爲教服，⑥連什伍，徧知天下，審御機數，此兵主之事也。⑦

①功，猶精也。苦，窳也。形，謂兵之形。②凡主兵者，必使三者備具也。③宿，猶先也。④事之成敗，明主獨斷於心，故其臣不能議。⑤解，古「懈」字。⑥設教令，使士服習也。⑦徧知天下之形，能意審御機變，計數，將之事也。

水地

地者，萬物之本原，諸生之根〔苑〕。〔苑〕，蓼也。○美惡賢不肖，愚俊之所生也。水者，地之血氣，如筋脈之通流者也。故曰：『水具材也。』○

何以知其然也？曰：『夫水淖弱以清，而好洒人之惡，仁也。○視之黑而白，精也。○量之不可使概，至滿而止，正也。○唯無不流，至平而止，義也。○人皆赴高，已獨赴下，卑也。○卑也者，道之室，王者之器也，而水以爲都居。○準也者，五量之宗。○

○苑依王〔同〕說改『蓼』。蓼音改，草根也。

○水者，地之血氣；其流通，如筋脈之流通。人之體中，筋脈

不通，則人死；水氣不通，則地朽，不能以生萬物。故曰：水具備衆材也。

○淖音綽；淖弱，即『淖約』，柔弱

貌。洒洗也。惡垢穢也。

○水色玄而清白徹底，以其精純而不雜也。

○概，平斗斛木也。使猶『用』也。

量以斗斛，不可用概而平之；然至滿自止，是其正也。

○唯讀爲『雖』。雖水無不流，至面平則止，不可

增之高於舊，是其義也。

○卑，謙也。室所寓也。器所用也。都與『豬』通。水渟曰『豬』。言水以卑下爲渟

居之所也。

○五量者，度量衡準繩也。凡物不平，四量皆失其正，故準爲之宗也。

也；素也者，五色之質也；○淡也者，五味之中也；○是以水者，萬物之準也，諸生之淡也，〔違〕隤非得失之質也。○

是以，無不滿，無不居也；④集於天地，而藏於萬物，產於金石，集於諸生，故曰『水神』。集於草木，根得其度，華得其數，實得其量。⑤鳥獸得之，形體肥大，羽毛豐茂，文理明著，萬物莫不盡其幾，反其常者，水之內度適也。⑥

夫玉之所貴者，九德出焉。夫玉，溫潤以澤，仁也；鄰⑦以理者，知也；堅而不

○素無色也。水色稱玄者，以其所積言之也。其實水無定色，故實之白器則白，實之赤器則赤，所謂素也。○水不入五味，無所偏倚，故曰『中』。○準則也。淡古與『痰』通，液也，品物得水以爲津液也。違依丁說改『隤』是也。質猶『本』也。④水爲萬物所資，是以無所不滿，無所不居也。⑤根得其度者，大小長短與幹相稱也；華得其數，實得其量者，華實之多少與其木之大小相應也。⑥萬物莫不盡其幾微之性，以復歸其常者，水之潤澤其內之度，適其宜也。⑦鄰爲『鄰』之借字，謂玉堅而有文也。

蹙，^①義也；廉而不劌，^②行也；鮮而不垢，絜也；折而不撓，勇也；瑕適皆見，精也；^③茂華光澤，竝通而不相陵，容也；^④叩之其音清〔搏〕，揚徹遠，純而不殺，辭也。^⑤是以人主貴之，藏以爲寶，剖以爲符瑞，九德出焉。^⑥

人水也，男女精氣合而水流形。^⑦三月〔如〕而咀。^⑧咀者何曰：『五味』五味者何曰：『五藏』。^⑨酸主脾，鹹主肺，辛主腎，苦主肝，甘主心。五藏已具，而後生五〔肉〕內：脾生隔，肺生骨，腎生腦，肝生革，^⑩心生肉。五〔肉〕內已具，而後發爲九竅：脾發爲鼻，肝發爲目，腎發爲耳，肺發爲竅。五月而成，十月而生。生而目視，耳聽，

①蹙促也，猶言『斂』。②廉稜也，劌傷也。③適讀爲『璫』，玉病也。精同『情』，誠也。④茂美也。華色

揚也。容謂禮容。⑤搏依豬說改『揚』。純而不殺，謂其聲純一，至終而不滅殺，所謂屈然而止也。辭謂

似君子之辭。⑥符瑞皆信也。⑦流布也，布爲形體也。⑧如依俞說改『而』。咀含味也。胎三月，雖

形未具，而含味母氣以自養。⑨問咀何曰：『咀五味』。五味卽母五藏之氣也。⑩五依丁說增。肉依

丁說改『內』。下同。隔與『膈』通。革，皮膚也。

心慮。目之所〔以〕視，非特山陵之見也，察於荒忽。○耳之所聽，非特雷鼓之聞也，察於淑湫。○心之所慮，非特知於麤粗也，察於微眇。○故修要之精。④

是以水集於玉，而九德出焉；凝塞而爲人，而九竅五慮出焉。⑤此乃其精〔也〕。⑥麤濁蹇，能存而不能亡者也。

伏聞能存而能亡者，〔著〕龜與龍是也。⑦龜生於水，發之於火；⑧於是爲萬物先，爲禍福正。⑨龍生於水，被五色而游，故神欲小，則化如蠶蠋；欲大，則藏於天下；欲上，則凌於雲氣；欲下，則入於深泉；變化無日，上下無時。⑩謂之神。龜與龍，伏

○以依元刻及中立本刪。荒忽空無著也。○淑清湛也；湫氣集不散也；皆閔寂無聲之狀。○麤，大也。○略也。微眇，皆細也。④言修微妙之要道也。⑤蹇，停也；言精液凝停，則爲人也。五慮，謂耳目鼻

口、心。⑥也。依王〔引〕說，據朱本刪。⑦言龜龍稟氣微妙悠遠而閔冥，故能存亡而爲變化也。著，依

安說刪；下同。⑧謂卜者以火鑽灼之，發爲休咎之兆也。⑨謂龜先萬物而知，又能正決禍福。⑩

謂變化上下，無豫期之時日。

管 子 水 地

闇能存而能亡者也。

或世見，或世不見者，〔生〕○螭與慶忌。故涸澤數百歲，谷之不徙，水之不絕者，生慶忌。○慶忌者，其狀若人，其長四寸，衣黃衣，冠黃冠，戴黃蓋，乘小馬，好疾馳。以其名呼之，可使千里外一日反報。此涸澤之精也。涸川之精者，生〔於〕○螭。螭者，一頭而兩身，其形若蛇，其長八尺。以其名呼之，可以取魚鼈。此涸川水之精也。是以水之精麤、濁塞，能存而不能亡者，生人與玉；伏闇，能存而亡者，〔著〕神龜與龍；或世見或不見者，螭與慶忌。故人皆服之，而管子則之；○人皆有之，而管子以之。○

是故具材者何也？水是也。○萬物莫不以生，唯知其託者，能爲之正。○具材

○依俞說刪。

○谷謂澤中深處通水者。徙則谷新，絕則水改，皆不能生慶忌也。

○依王說刪。

○

人皆服用水而已，而管子以爲法則。

○以用也。人皆畜有水而已，而管子能用其理。

○材依丁說

增，下同。

○託寓也。正讀爲『政』，謂萬物莫不得水以生，惟知其理所寓者，能施之政事。

者，水是也。故曰：『水者，何也？萬物之本原也，諸生之宗室也，美惡賢不肖，愚俊之所產也。』

何以知其然也？夫齊之水，〔道〕適躁而復，故其民貪麤而好勇。○楚之水，淖弱而清，故其民輕果而賊。○越之水，濁重而泊，故其民愚疾而〔垢〕妬。○秦之水，泔取而稽，塹滯而雜，故其民貪戾，罔而好事。○〔齊〕〔五〕晉之水，枯旱而運，○塹滯而雜，故其民諂諛，葆○詐，巧佞而好利。燕之水，萃下○而弱，沉滯而雜，故其民愚戇而好貞，輕疾而易死。宋之水，輕勁而清，故其民〔閒〕簡○易而好正。

○道依王說改『適』，適，勁也。其水適，故其民好勇；其水躁，故其民麤；其水迴復，故其民貪。○淖弱，猶

『淖約』，柔弱貌。淖弱而清，則能洗垢穢，故其民剽輕果敢；而其不善者，易爲賊。○泊，肉汁，謂濃如肉

汁也。疾惡也。垢，依戴說改『妬』。○泔，米汁，謂色如米汁也。取積也。音『聚』。稽，留也。塹，濁泥也。滯，凝也。

○依王說，據意林引刪。○枯旱，易涸也。運，爲『渾』之借字。○葆，藏也。○萃下，水道深也。○依

古本，元刻本改。

是以聖人之化世也，其解在水。⊖故水一，⊖則人心正；水清，則民心易。〔一〕民心正，則欲不污；⊖民心易，則行無邪。是以聖人之治於世也，不人告也，不戶說也，其樞^④在水。

⊖其解[△]卽『其說』也。

⊖一[△]不雜也。

⊖一[△]依王說改『民心正』欲不污[△]嗜欲不污[△]饑其心也。

④樞[△]

猶要也。

九 變

凡民之所以守戰至死而不德其上者，有數以至焉。○曰：大者，親戚墳墓之所在也，田宅富厚足居也；○不然，則州縣、鄉黨與宗族，足懷樂也。○不然，則上之教訓、習俗、慈愛之於民也厚，無所往而得之；○不然，則山林、澤谷之利足生也；○不然，則地形險阻，易守而難攻也；○不然，則罰嚴而可畏也；○不然，則賞明而足勸也；○不然，則有深怨於敵人也；○不然，則有厚功於上也。○此民之所以守戰至死而不德其上者也。

今恃不信之人而求以智，○用不守之民而欲以固，將不戰之卒而幸以勝，此兵之三闕也。

○不德其上者，不以己爲有恩於上也。數計也。○親戚、父母也。一變。○二變。○無所往而得此

教訓、習俗、慈愛之厚，故不去也。三變。○足生，足爲生產也。四變。○五變。○六變。○七變。○

八變。○功厚則祿多，故亦自爲戰而不德於君。九變。○不信之人，謂間諜也。智當作「知」。

度地

昔者桓公問管仲曰：『寡人請問度地形而爲國者，其何如而可？』管仲對曰：『夷吾之所聞，能爲霸王者，蓋天〔子〕下。○聖人也。故聖人之處國者，必於不傾之地，○而擇地形之肥饒者。鄉山，左右〔經〕緣水若澤。○內爲落渠之寫，因大川而注焉。○乃以其天材地利之所生，〔利〕養其人，以育六畜。○天下之人，皆歸其德而惠其義。○』

○子依吳說改『下』。

○處國建都也。傾圮也。

○鄉山，背山也。

——古時字義有相反者，『亂』訓

『治』，『面』訓『背』之屬是也。經依王〔引〕說改『緣』緣，因也。言建都之法，必背大山，左右因水及澤也。

○落，與『絡』通，絡繞也。國都之內，作絡繞四方之渠，以洩寫穢惡，又因大川而注流之。○利，依戴說，

移『地』字下。天材不假人功而成者，謂鳥獸魚鼈之屬；地利之所生，五穀草木之屬是也。○惠，順

也。

『乃別制斷之。』○不滿州。『者謂之術；不滿術者謂之里。故百家爲里，里十爲術，術十爲州，州十爲都，都十爲霸國；不如霸國者，國〔也〕亡以奉天子。』○天子有萬諸侯也，其中有公、侯、伯、子、男焉，天子中而處，此謂因天之固，歸地之利。

『內爲之城，城外爲之郭，郭外爲之士闕。』④地高則溝之，下則堤之。『命之曰「金城」，樹以荆棘，上相〔稽〕稽著。』⑤者所以爲固也。歲修增而毋已，時修增而無已，福及孫子，此謂人命萬世無窮之利，人君之葆守也。『臣服之，以盡忠於君；君體〔有〕之，以臨有天下，故能爲天下之民先也。』⑥此宰之任，則臣之義也。『故善爲國者，必先除其五害，人乃終身無患害而孝慈焉。』

○謂區劃其地爲都、州、術、里之屬。

○依王〔引〕說增。

○也。依丁說改「亡」亡與「無」通。謂不如霸

國之國，不能直接供奉天子，而從屬於大國也。

④闕音「浪」隍也。

⑤凡築土闕之法，地高則穿而

溝之，下則築隄而爲之。

⑥稽依張說改「稽」稽鈎連也。

⑦以歲時增修之，備圯壞也。葆讀爲「保」。

⑧服行也。有依丁說移「臨」下。

⑨則與「卽」通。言此大宰之任，亦卽爲臣之義也。

桓公曰：『願聞五害之說。』管仲對曰：『水，一害也；旱，一害也；風、霧、雹、霜，一害也；厲，一害也；蟲，一害也。』○此謂五害。五害之屬，水最爲大。五害已除，人乃可治。』

桓公曰：『願聞水害。』管仲對曰：『水有大小，又有遠近。水之出於山而流入於海者，命曰「經水」；水〔別〕引於他水，入於大水及海者，○命曰「枝水」；山之溝，一有水，一毋水者，命曰「谷水」；水○之出於〔他水〕地，溝○流於大水及海者，命曰「川水」；出地而不流者，命曰「淵水」。此五水者，因其利而〔往〕注○之可也，因而扼之可也，而不久，常有危殆矣。』○

桓公曰：『水可扼而使東西南北及高乎？』管仲對曰：『可。夫水之性，以高走下，則疾至於澗石；○而下向高，即留而不行。故高其上，領、瓴之，尺有十分之三，

○厲，疫也。蟲，螟、螻、蝗、蜚之屬。

○別，依戴說，據水經注引，改「引」。言引他水，入於大水及海也。

○溝

水瀆也。一猶「或」。

○他水，依王說，據水經注引，改「地」。出於地，出於平地也。

○依王說，改。

○言

不可不常修治也。

○謂其勢疾，至於漂去大石也。

里滿四十九者，水可走也；乃迂其道而遠之，以勢行之。⊖水之性，行至曲必留退，滿則後推前。⊖地下則平行，地高卽控。⊖〔杜〕地曲則擣〔毀杜曲〕激，激則躍，躍則倚，倚則環，環則中，中則涵，涵則塞，塞則移，移則控，空則水妄行，水妄行則傷人，傷人則困，困則輕法，輕法則難治，難治則不孝，不孝則不臣矣。⊕故五害之屬，

⊖上領猶上頭也，謂水所從來處。高之者，欲強奔注之勢，以行之高地也。領之爲大瓠，去其底，上下相承，以通水也。尺有十分之三，者，瓠甕一尺，上口高於下口三寸，上下相承，滿四十九里，則上領高於下委三千五百二十八丈；如此，則水勢迅疾如奔馬也。然後迂曲其道而遠之，以勢激而行之，則可使上高地也。⊖曲者，地形彎曲也。水至此，如注器中，必留滯不能進。既滿，則後者推前者，求其道而去矣。⊖控，止也。⊖依丁說改。謂地屈曲，水必突之而激；激則飛躍；飛躍，則偏倚於一方；偏倚於一方，則必回環爲渦；回環爲渦，則激勢既衰，故水後行中流。涵沉也。雖水後行中流，而其勢既衰，不能復流，始所挾之泥沙，盡沉於河中。泥沙既沉，則河身淤塞；河身淤塞，則瀆不能容受浩水，故河道必移；河道既移，則衝原野，走丘陵，控止不能進；控止不能進，則水從下溼而妄行，損傷人之禾稼廬舍矣。⊕人困，必至不孝不忠，亦勢使之然。

傷殺之類，禍福同矣。知備此五者，人君天地矣。○

桓公曰：『請問備五害之道。』管子對曰：『請除五害之說，以水爲始。請爲置水官，令習水者爲吏。大夫、大夫佐各一人，率部、校長、官佐各財足。○乃取水左右各一人，使爲都匠、水工。○令之行水道、城郭、堤川、溝池、官府、寺舍，及州中當繕治者，給率財足。○令曰：『常以秋歲末之時，閱其民案家人比地，定什伍口數。○別男女大小，其不爲用者輒免之。○有錮病不可作者，〔疾〕癘之。○可省作者，半事之。○并行以定甲士當被兵之數，上其都。○』

○五害之屬，備之則爲福，不備則爲禍，是禍福同之矣。故知備此五者，則人君與天地同其德也。○習水，熟習水利者也。大夫、大夫佐各一人，據下文，乃每州置之。率部，率領一部之員役也。校長，各隊長。財，讀與『纜』同，謂不限以人數，使其纜足以任事而已。○謂每川用近地人，一以爲水工之都匠。○行，謂巡視。卒役夫，財與『纜』同。○案驗其人，比較其地，從地之廣狹，以定役夫之什伍口數。○老幼婦女不任役者，皆免之。○錮，堅久之疾也。疾，依丁說改『癘』，癘亦免也。○省，減也。疾，稍輕者，及五十以上，二十以下者，減賦丁夫之半功。○并，兼也。被帶也。兼行視之，以定甲士當帶兵者之數，記其名於籍，上之所隸之都。州十爲都。

『都以臨下，視有餘不足之處，輒下水官。』○水官亦以甲士當被兵之數，與三老、里有司、伍長行里，因父母案行，閱〔具〕其備水之器。○以冬無事之時，籠〔甬〕甬板，築各什六。○土車什一，雨〔輦〕輦什二。○食器〔兩〕兩具。○人有之。○錮藏里中，以給喪器。○後常令水官吏與都匠，因三老、里有司、伍長案行之。

『常以朔日始，出閱具之；取完堅，補弊久，去苦惡。』○常以冬少事之時，令甲士以更次益薪，積之水旁。○州大夫將之，唯毋後時。其積薪也，以事之已。○其作土

○掌都大夫，執名籍，以臨其所統之州，察視甲士之有餘與不足，輒下之水官也。○具依元刻本改

『其』甲士，必取壯者，壯者大抵繫屬於父母，故因父母案行也。必復案驗行視者，恐其冒濫也；因又閱視其備水之器。○籠舉工器。甬依古本改。『甬』築杵也。什六謂十人共貯六具；下準此。○輦依

王說改『輦』。輦，車上籬也。○兩依安說改。『雨』兩具，蓑笠之屬。○錮，堅固也。以給喪器，謂兼以備

凶喪之用也。○久，讀爲『舊』。苦，讀爲『搯』，不堅固也。○以更番次第，增益舊所置之薪柴，積之水

旁，預備決溢之害也。○事，謂農事已畢也。

也，以事未起。天地和調，日有長久。⊖ 以此觀之，其利百倍。故常以毋事具器，〔毋〕有⊖ 事用之；水常可制，而使毋敗。此謂素有備而預具者也。』

桓公曰：『當何時作之？』管子曰：『當春三月，天地乾燥，水糾列之時也。⊖ 山川^④涸落，天氣下，地氣上，萬物交通。故事已，新事未起。草木萋^⑤生可食。寒暑調，日夜分。分之後，夜日益短，晝日益長。利以作土功之事，土乃益剛。令甲士作堤，大水之旁，大其下，小其上，隨水而行。⊖ 地有不生草者，必爲之〔囊〕壤。大者爲之堤，小者爲之防，夾水四道，禾稼不傷。⊖ 歲埤^⑧增之，樹以荆棘，以固其地；雜之以柏楊，以備決水；民得其饒，是謂流膏。⊖ 令下貧守之，往往而爲界，⊕ 可以毋敗。』

⊖ 有[△]又也。農事未起，正月至三月之初也。是時也，天地和調，日又長久，故作土也。⊖ 依諸本改。⊖

當依丁說增列，與『裂』同。春雨未降，水落而石出，綿綿之流，其細如糾繩，其分如裂帛。⊖ 山川[△]謂川

之出於山者。⊖ 萋[△]，草木初生貌。⊖ 謂隨水勢而行之。⊖ 如此則永無決溢之患，雖四方夾於水

道，而禾稼不傷敗也。⊖ 埤[△]，附也。⊖ 樹荆棘、柏楊，本以固堤也，而民得其餘饒以供用，是膏澤之流

於下者也。⊕ 爲界，爲下貧所守之界也。

『當夏三月，天地氣壯，大暑至，萬物榮華，利以疾穡殺草蕨。使令不欲擾；命曰「不長。」』^①不利作土功之事，放農焉。^②利皆耗十分之五，土功不成。^③

『當秋三月，山川百泉踊，降雨下，山水出，海路距，雨露屬天，地湊沙。』^④利以疾作收斂，毋留。一日把，百日舖，民毋男女，皆行於野。^⑤不利作土功之事。濡溼日生，土弱難成，利耗什分之六，土工之事亦不立。

『當冬三月，天地閉藏，暑雨止，大寒起，萬物實熟，利以填塞空郤，繕邊城，塗郭術，平度量，正權衡，虛牢獄，實〔廩〕廩倉。』^⑥君修樂，與神明相望。^⑦凡一年之事

○使令[△]徭役也。擾[△]煩也。徭役煩，命之曰：『不長育五穀』也。

○放[△]讀爲『妨』。作土功之事，則妨農事，故

不利也。○不唯農利減半，土功之事亦不成。

○踊[△]跳也；水盛必跳。距[△]，閉也；謂海波大起，舟路不通。

屬連也。湊[△]集也。晚潮曰『汐』。時多雨澇，平地水出如潮，汐之湊也。

○把[△]，謂穫禾。一日穫禾，百日食之。

若稍稽留，禾稼爲雨水所傷，故無論男女皆行於野也。

○術[△]，道也。塗郭術，謂塗塞外郭邪徑。虛牢獄

者，重罪決之，輕罪出之。廩[△]，依古本改『廩』。

○修音樂，以祀羣神也。既祀一神，又祀一神，故云相望^{△△}。

畢矣。舉有功，賞賢，罰有罪，遷有司之吏而第之。⊖不利作土功之事，利耗什分之七；土剛，不立。⊖晝日益短，而夜日益長。利以作室，不利以作堂。⊖四時以⊗得，四害皆服。』

桓公曰：『寡人悖，不知四害之〔服〕備，奈何？』⊗管仲對曰：『冬作土功，發地藏，則夏多暴雨，秋霖不止。春不收枯骨、朽脊，⊕伐枯木而去之，則夏旱至矣。夏有大〔露原〕，霧、厚煙，〔噎〕噎⊕下百草，人采食之，傷人。人多疾病而不止，民乃恐殆。君令五官之吏，與三老、里有司、伍長，行里順之。令之家起火，為溫其田。⊕及

⊖次第其治功也。⊖作土功之事，傷三冬閉藏之氣，來歲農事，減十分之七；凍土堅剛，功亦不成也。

⊖堂四方皆壁，直有戶牖各一，冬氣閉藏之象也；堂則廓然開朗，此利不利之所由分也。⊗以與

『已』同。⊗悖，謂心惑亂。服，依戴說改『備』，謂所以防四害之準備。⊕脊讀為『積』，死人骨也。⊕

露原，依褚說改『霧厚』。噎，依陳說改『噎』，噎，翳也。⊕行里順之，巡行村里，而和順其氣，如下文所云，

皆是也。起火溫田者，恐冷毒之氣傷稼也。

宮中皆蓋井，毋令毒下及食器，將飲傷人。①有下蟲，傷禾稼。②凡天菑害之下也，君子謹避之，故不入九死也。③大寒、大暑、大風、大雨，其至不時者，此謂四刑。或遇以死，或遇以生，君子避之，是亦傷人。④

『故吏者，所以教順也；三老、里有司、伍長者，所以爲率也。⑤五者已具，民無願者，願其畢也。⑥故常以冬日，順三老、里有司、伍長，以冬賞罰，使各應其賞而服其罰。⑦五者不可害，則君之法犯矣。⑧此示民而易見，故民不比也。』⑨

桓公曰：『凡一年之中，十二月，作土功有時，則爲之；非其時而敗，將何以待

①不直溫其田，至居室之中，亦令蓋其井，恐毒下之也。又毋令毒氣下及食器，若毒及食器，將飲之傷人。上言食，下言飲，互文見義。②有同『又』。淫氣又下及蟲，則傷禾稼。③不死天菑者，十之八九。

④遇四刑同，而死生殊者，體有強弱，氣有順逆也。以其傷人，故君子亦謹避之。⑤率先以誘民。⑥五者，備五害之道也。願，覬望也。民無所覬望者，其覬望終畢也。⑦順序也。冬讀爲『終』，謂終之以賞罰也。

⑧犯，勝也。五者不能害，則是君之法勝矣。⑨此事至易見，故民不比周以違上也。

之？
○管仲對曰：『常令水官之吏，冬時行堤防，可治者，章而上之都。○都以春少事作之，已作之後，常案行堤有毀作。○大雨，各葆其所，可治者趣治，以徒隸給。○大雨，堤防可衣者，衣之；衝水可据者，据之；終歲以毋敗爲〔故〕效。○此謂備之常時，禍何從來？所以然者，獨水蒙壤，自塞而行者，江河之謂也。○歲高其堤，所以不沒也。春冬取土於中，秋夏取土於外，濁水入之，不能爲敗。』○

○待備也。土功唯春作之，恐不能備水害，故問之。○行巡視也。章，章程也。立役作之章程，而上之都

有司也。○案驗行視隄有將毀者及當作者。○葆，讀爲『保』。天大雨，水官之吏各保護其所，將毀

者疾治之，官仍給之以徒隸也。○衣，謂以物覆其上，如所謂養城也。据，讀爲『據』，拒守也。故依元刻

本，古本改『效』，謂終歲以毋毀敗爲治水之效也。○獨水，卽『瀆水』——釋名『瀆，獨也，獨出於水

而入海也。』蒙壤，徧蒙壤地也。江河皆由塞外而行禹域，故曰『自塞而行』也。○春冬水涸，故取土

於河身以修堤，所以浚之而利流也。夏秋水滿，則取之隄外矣。濁水挾泥沙入之，易淤塞，淤塞則決，今

取土於中以浚之，故不能爲害也。

桓公曰：○『善！仲父之語寡人畢矣。然則寡人何事乎哉？』亟爲寡人教側臣！

○依諸本增。

○側[△]臣在君側之臣也。

地員

夫管仲之匡天下也，其施七尺，^①瀆田悉徙。^②

五種無不宜。其立后而手實。^③其木宜蜩、葑與杜松。^④其草宜楚、棘。^⑤見是土也，命之曰『五施』。五七三十五尺而至於泉。呼音中角。^⑥其水倉。^⑦其民彊。赤壚歷彊肥，五種無不宜。其麻白，其布黃，其草宜白茅與藿，其木宜赤棠。^⑧

○說文『員』，物數也。此篇皆言地生物之數，故以『地員』名篇。○施，大尺也。謂管仲立天下之田制，以施為標準尺度；一施之長，七尺也。○瀆田，穿溝瀆於田側，以備旱澇也。悉，盡也。○五種，五穀也。后，謂諸侯。實者，地所出皆是也。既利田地，乃立諸侯，而手握其所出之實——謂使諸侯貢土宜諸

侯，周室所置，今云管仲立之者，衛、邢之屬既亡，而桓公復封之，因大言之耳。○蜩，葑，即『杭榆』。杭，大

木也，皮厚，味近苦澀，可以毒魚。榆，母，杜也。杜，甘棠也。一說『杜松藥名』。○楚，蓂楚也。棘，天棘，一名天

門冬。○居是土之民，其呼聲合於角聲。○倉，與『蒼』通。○壚，黑土也。其土或赤或黑，不言『其土』者，蒙上『見是土』省文。歷，疏也。彊，堅也。○藿，芴蘭也。棠，杜梨；子赤者，名『赤棠』，其味澀而酢。

見是土也，命之曰：『四施。』四七二十八尺而至於泉。呼音中商。其水白而甘，其民壽。

黃〔唐〕堂，無宜也。○唯宜黍稷也。宜縣澤，行廡落，○地潤數毀，難以立邑置廡。○其草宜〔黍稷與〕芋茅，其木宜樵〔擾〕擾桑。④見是土也，命之曰：『三施。』三七二十一尺而至於泉。呼音中宮。其泉黃而〔糗〕臭，水流徙。⑤

〔斥〕赤埴，⑥宜大菽與麥。其草宜萑，其木宜杞。⑦見是土也，命之曰：『再施。』二七十四尺而至於泉。呼音中羽。其泉鹹，水流徙。

○唐依安說，據元本，古本改『堂』，堂虛脆也。謂其土色黃，虛脆，不宜於植物也。○縣澤，縣瀑也。廡與

『牆』同，行牆謂牆可移動者，落，離落也。③其地遇潤，則數頽廢，故不可立邑置牆也。④黍稷與依

丁說改『芋』，芋茅類，可以爲繩。樵音椿，同『杙』，擾依王〔引〕說改『擾』，擾與『杙』古通，『杙』音紐，櫛也，

似棣細葉。⑤糗依王說改『臭』，水依王說，陳說增。⑥斥依安說改『赤』，埴黏土也。⑦萑，王瓜也。

杞，大木，似豫章。

黑埴，宜稻麥。○其草宜葦菹，其木宜白棠。見是土也，命之曰『一施』。七尺而至於泉。呼音中徵。其水黑而苦。

凡聽徵，如負猪豕，覺而駭；○凡聽羽，如鳴馬在野；○凡聽宮，如牛鳴窳中；○凡聽商，如離羣羊；○凡聽角，如雉登木以鳴，音疾以清。○凡將起五音，凡首，○先主一而三之，四開以合九九，以是生黃鍾小素之首，以成宮。○三分而益之以一，爲百有八，爲徵。○〔不無〕有三分，而去其乘，適足，以是生商。○有三分，而復於其

○凡卑溼之地，宜稻麥。

○徵音旨，五音配夏。猪豕子也。如負猪之豕，猪覺而自駭之聲。

○羽五音

配冬。

○宮五音配中央，窳音教，與窳同。

○商五音配秋。

○角五音配春。

○凡首謂音之總先

也。○先主一而三之，天元之數也。開謂敷衍之主，一開也；三之二開也；三三而九，三開也；九九八

十一，四開也。是謂黃鍾之全數。素本也；小本，謂黃鍾少宮。首始也。○黃鍾之數本八十一，益以三分

之一二十七，通前爲百有八，是爲徵之數。律本用半數，其相生之數，仍用全數也。○不無依丁說刪。

有同『又』乘亦三分之一也；三分百八而去一，餘七十二，是商之數也。適正也。

所以是成羽。○有三分，去其乘，適足，以是成角。○

墳延者，○六施，六七四十二尺而至於泉；陝之〔芳〕旁，○七施，七七四十九尺而至於泉；〔祀〕阨陝，○八施，七八五十六尺而至於泉；杜陵九，○施，七九六十三尺而至於泉；延陵，十施，七十尺而至於泉；環陵十一施，七十七尺而至於泉；蔓山，○十二施，八十四尺而至於泉；付山，○十三施，九十一尺而至於泉；付山白〔徒〕壤十四施，九十八尺而至於泉；中陵十五施，百五尺而至於泉；青山十六施，百一十二尺而至於泉；青龍之所居，〔庚〕唐泥，其下不可得泉。○〔赤壤〕勢山赤壤，十七施，百一十九尺而至於泉；其下青商，不可得泉。○〔陘〕隄山白壤，十八施，

○三分一之數，復來加於原數之上，故云復於其所也。○三分九十六，去其一分，餘六十四，是角之

數。○延同。〔衍〕水涯曰『墳』，下平曰『衍』。○〔四〕依俞說，王〔紹〕說改，旁謂狹地之旁。○〔五〕祀依王

〔紹〕說改，〔阨〕謂困厄之狹地也。○〔六〕杜，土也；杜陵，謂純土之岡。○〔七〕蔓，連也。○〔八〕付，讀爲『附』，謂附

屬之小山。○〔九〕徒，依丁說改，『壤』，庚依孫〔詒〕說改，『唐』，唐泥，謂乾燥粗鬆之泥土，其下依丁說增。

○〔赤壤〕依孫〔詒〕說，移『勢山』下，勢山多小石之山也。青商，神怪之名。

百二十六尺而至於泉；其下駢石，不可得泉。⊖徒山，⊖十九施，百三十三尺而至於泉；其下有灰壤，不可得泉。高陵土山，二十施，百四十尺而至於泉。

山之上，命之曰縣泉；其地不乾，其草如茅與走，其木乃櫛，⊖鑿之二尺，乃至於泉。山之上，命曰復呂，其草魚腸與薺，⊖其木乃柳，鑿之三尺而至於泉。山之上，命之曰泉英，其草蘄、白昌，⊖其木乃楊，鑿之五尺而至於泉。山之「材」，椒，其草〔薺〕，藿與薺，其木乃〔格〕，椒，鑿之二七十四尺而至於泉。⊕山之側，其草藿與藁，其木乃〔品〕，區，榆，鑿之三七十二一尺而至於泉。⊕

⊖陞，依王〔紹〕說改「際」。際，音備，際山謂多石之山。⊖徒山，謂屹立之山。⊖縣泉，即瀑布。走，依王

〔紹〕說，與「薺」同字，草名。櫛，松心木也。⊖魚腸，竹類。薺，臭草也。⊖英，猶「花」，言泉之美也。蘄，香草

也，狀似蛇床。白昌，昌本也。⊕材，依王〔紹〕說改「椒」。山之椒，山之顛也。薺，依丁說改「藿」。藿，東藿，十

月子熟可食。格，依俞說改「椴」。椴，柚屬，木可作牀几。⊖藿，大葉，白華，根如指，正白可啖。藁，葉似艾，正

月根芽生，莖正白，生食之，脆美。品，依王〔引〕說改「區」。區，通作「樞」，音謳，與榆同類。

凡草土之道，各有穀造；○或高或下，各有草土。○葉下於鬻，○鬻下於〔莧〕莧，莧，莧，○下於蒲，蒲下於葦，葦下於藿，藿下於萋，萋下於莽，莽下於蕭，蕭下於薛，薛下於萑，萑下於茅。○凡彼草物，有十二衰，各有所歸。○九州之土，爲九十物，每〔州〕土有常而物有次。○

羣土之長，是唯五粟。○五粟之物，○或赤，或青，或白，或黑，或黃。五粟五章。五粟之狀，淖而不芻，剛而不穀，○不濘車輪，不汙手足。其種大重細重，白莖白秀，無

○謂土之生成植物，各有所宜。造，成也。○不惟平地有草木，雖高臨山，下瀨水，亦皆有之。○葉，亦

草名，惟生葉無莖，在『鬻』之下。鬻，即鬱也，莊子所謂『鬱西』也。○〔四〕莧，依王說改『莧』。莧，音桓，苻離也，

又名『白蒲』，叢生水中，莖圓，江南以爲席，形似小蒲而實非也。○〔五〕莽，音牽，似薯，可以爲掃帚。薛，音備，

牡贊也，即藜荔。萑，音追，莞蔚也，又名『益母』。○〔六〕衰，等也。歸，合也；生某草，則宜某穀，各有所歸合也。

○〔七〕物品也。『每州』之州，依王說，據困學紀聞周禮類引，改『土』，謂土永不變，而物有次第也。○〔八〕生五

穀之土，爲羣土之長也。○〔九〕物色也，謂五粟土之色。○〔十〕淖，濡甚也。芻，堅柔也。穀，薄也。

不宜也。○五粟之土，若在陵在山，在隕在衍，○其陰其陽，盡宜桐柞，莫不秀長。其榆其柳，其檠其桑，其柘其櫟，其槐其楊，羣木蕃滋，數○大，條直以長。其澤則多魚，牧則宜牛羊。其地其樊，俱宜竹箭，〔藻龜〕柔鼈，④檣檀。五臭生之：薛荔、白芷、蘼蕪、椒、〔連〕蓮。⑤五臭所校，寡疾，難老，士女皆好，其民工巧，其泉黃白，其人夷姤。⑥五粟之土，乾而不格，湛而不澤，無高下，葆澤以處，是謂粟土。⑦

粟土之次，曰『五沃』。⑧五沃之物，或赤，或青，或黃，或白，或黑。五沃五物，各有異則。⑨五沃之狀，剽忒藁土，蟲〔易〕豸全處，⑩忒剽不白，下乃以澤。⑪其種，大苗

○重古『種』字，秀禾吐華也。

○隕與『墳』同，水涯也。下平曰『衍』。

○數音『速』，義同。

④樊，謂外

圍藻龜，依陳說，改『柔鼈』，齊魯人呼『蕨』為『鼈』，『蕨』山菜也。

⑤椒樹似茱萸，有針刺，連據下文改

『蓮』。⑥校角也好美也。姤音『厚』，義同。五香相角，其氣甚烈，故其效至此。

⑦格讀為『恪』，堅也。湛

同『霑』，久雨而不變為澤也。葆澤，言常潤也。

⑧則等也。

⑩剽堅也。忒密也。

藁土，謂其土多竅穴，若藁。易依王〔引〕說，改『豸』有足謂之『蟲』，無足謂之『豸』。⑪堅密而不白，其

下乃潤澤而不藁，蟲不能處，此乃五沃中之美土也。

細苗，虺莖、黑秀、箭長。①五沃之土，若在丘、在山、在陵、在岡，若在陬、陵之陽，②其左、其右，宜彼羣木，桐、柞、枋、欂，及彼白梓、其梅、其杏、其桃、其李，〔其〕③秀生莖起，其棘、其棠、其槐、其楊、其榆、其桑、其杞、其枋，羣木數大，條直以長。其陰則生之楂〔藜〕、梨、其陽〔則〕安樹之五麻，④若高若下，不擇疇所。其麻大者，如箭如葦，大長以美；其細者，如藿如蒸。⑤欲有與各，大者不類，小者則治；⑥揣而藏之，若衆練絲。⑦五臭疇生，蓮與蘼蕪、蘘本、白芷。其澤則多魚，牧則宜牛羊。其泉白青，其人堅勁，寡有疥騷，終無疥醒。⑧五沃之土，乾而不斥，⑨澁而不澤，無高無⑩下，葆澤以處，是謂沃

①虺音義皆與『形』通。箭長，謂若竹箭之長。②陬，阪隅也。③依丁說刪。④藜，依古本改『梨』。

則依『戴』說，刪安，即『則』也。⑤藟，芄蘭也。蒸，細薪也。⑥類作『類』，疵節也。與猶『爲』也。各讀爲

『落』。樹麻不擇疇，所恐禽獸侵踏之，故欲爲作籬落以防之；如此，則大者無疵類，而小者則能治理也。

⑦揣通『團』。既漚之後，團而藏之，美如衆練絲。⑧騷，古通『瘙』。疥，瘙痒疾也。瘡，首疾也。病酒曰『醒』。

醒必頭痛，故稱首疾爲『瘡醒』耳。⑨斥，讀爲『拆』，裂也。⑩無，依張說增。

土。

沃土之次，曰五位。五位之物，五色雜英，各有異章。○五位之狀，不塌不灰，青

悉以落及。○其種大葦，〔無〕○細葦，〔無〕○虺莖白秀。五位之士，若在岡在陵，在隕

在衍，在丘在山，皆宜竹箭，〔求鼈〕○柔鼈，○檜檀。其山之淺，有龍與，〔斥〕斤。⑤

羣木安〔逐〕○遂，條長數大。○其桑，其杞，其苴，○〔種〕○種木胥容，榆、桃、柳、

棟。⑧羣藥安生：薑與桔梗，小辛，大蒙。④其山之〔臬〕○臬，多桔、符、榆。①其山之末，

○位，正也。英，花也。五色相雜，如花點葉間。○塌，通「榻」，搯也；謂土塊如拳，乃灰之反也。落，與「苔」通；

色青而性密，如青苔相罩及也。○無，依安說刪。○依陳說改，義見前。○淺，謂山泉之淺處。龍，天

蕭也，一名「馬蓼」。斥，依丁說改「斤」；斤，「芹」之省字。○逐，依他本改「遂」；安遂，謂安和易成遂也。數

同「速」。○茸，「棋」通，生枯木上，形如耳。○種，依丁說改「種」；木名。胥容，為「檣、榕」之省字。檣，似棋

欄，皮可作索。榕，枝葉柔脆；幹既生枝，枝亦生根，垂垂如流蘇。○小辛，細辛也。大蒙，藥名。○臬，依陳

說改「臬」。臬，音「臬」，又音「澆」，到首也；故山顛亦謂之「臬」。桔，即桔梗。符，竹名，不甚高大，止數尺，葉上

有文如蝸涎，如古篆籀，所以名「符」也。

有〔箭〕蒿與苑；○其山之旁，有彼黃虵，及彼白昌，山藜、葦、芒。○羣藥安聚，以圍民
 殃。其林其澆，其槐其棟，其柞其穀，羣木安〔逐〕。遂，鳥獸安〔施〕。族。○既有麋鹿，
 又且多鹿。其泉青黑，其人輕直，省事少食。⑤高無〔以〕下，葆澤以處，是謂『位土』。
 位土之次，曰五隱。⑥五隱之狀，黑土黑落，青怵以肥，芬然若灰。⑦其種樞、葛、
 蝮莖、黃秀、恚目，⑧其葉若苑。〔以〕蓄殖果木，不若三土以十分之二。是謂隱土。⑨
 隱土之次，曰五壤。五壤之狀，芬然若澤，若屯土。⑩其種大水腸，細水腸，蝮莖

○箭，依王說改『蒿』；蒿，玉簪，或爲山蓀。苑，與『苑』通。○黃虵，貝母也。芒，狀如棠，赤葉，可以毒魚。○

澆，『麓』之段字，山足也。穀，楮也。逐，依他本改『遂』。施，依戴說改『族』。○麋，似鹿而大，居於藪澤。麋，麋

屬。⑤性輕易而正直，故省事少食。⑥隱，隱，謂五種色似隱，蔥之土也。⑦落，音苦，地衣也。怵，與

『恚』同。芬然，散亂貌。⑧樞，藤也。恚目，謂穀實怒開也。⑨以，依丁說刪。三土，五粟、五沃、五位。不若三

土，以十分之二，言於三土十分，已不如其二分餘，倣此。⑩無塊，曰『壤』。五壤之狀，紛然散亂；若得雨

澤，則又若聚土然。

黃秀以慈，忍水旱，無不宜也。①蓄殖果木，不若三②土以十分之二，是謂『壤土』。

壤土之次，曰五浮。③五浮之狀，捍然如米以『葆』澤，不離不圻。④其種忍隱，

黃莖黑秀，〔忍〕其葉如藿葉，以長狐茸。⑤〔黃莖黑莖黑秀〕其粟大，無不宜也。⑥

蓄殖果木，不如三土以十分之二。凡上土三十物，種十二物。⑦

中土曰五忛。五忛之狀，廩焉如塹，潤溼以處。⑧其種大稷細稷，菽莖黃秀以

慈，忍水旱，細粟如麻。⑨蓄殖果木，不若三土以十分之三。

忛土之次，曰五纒。⑩五纒之狀，彊力剛堅。其種大邯鄲，細邯鄲，莖，葉如

①水腸菜名——見拾遺記。慈讀爲『滋』，多也。忍耐也。②三依諸本增。③屑碎如米，上下不相親

貼，如物浮水上，故名焉。④捍，堅貌。葆，依丁說刪。澤，潤澤；如米以澤言，如米之中堅而外潤澤也。圻，裂

也。⑤忍隱，即爾雅『隱忍』，莖也。下黃莖黑秀，依張說移上。忍，依戴說改。『其』狐茸，草名；以長狐茸，謂

其葉長於狐茸也。⑥謂粟大者，皆宜是土也。⑦五粟至五浮，凡六土，每土五物二種。⑧忛，密也。

廩，與『凜』通。塹，音『檻』，同『藥』，堅土也。⑨以依丁說增。細粟如麻，其粟細如麻子也。⑩纒，讀爲

『墟』，疏也。

扶櫛，其粟大。○蓄殖果木，不若三土以十分之三。

纏土之次，曰五檻。五檻之狀，芬焉，若糠以〔肥〕脆。○其種大荔，細荔，青莖，黃秀。蓄殖果木，不若三土以十分之三。

檻土之次，曰五剽。○五剽之狀，華然如芬以〔脈〕脆。○其種大秬，細秬。○黑莖，青秀。蓄殖果木，不若三土以十分之四。

剽土之次，曰五沙。五沙之狀，粟焉，如屑塵厲。○其種大蕒，細蕒，白莖，青秀，以蔓。蓄殖果木，不如三土以十分之四。

沙土之次，曰五塉。○五塉之狀，累然如僕累。○不忍水旱。其種大〔樛杞〕穆

○邯鄲草名。『莖』上脫一字，『莖』下脫二字，當作『某莖某秀』。扶櫛，木名。粟，『粒』也。○依丁說改。

○剽，輕也。○華然，白貌。芬，亂也。脈，依孫詒說改。『脆』。○秬，音巨，黑黍也。○蕒，音倍，王瓜也。

○塉，讀爲『擗』，音厄，掇也；其土累然如蝸牛，故名焉。○累然，物相重貌。僕累，蝸牛也。五塉之土，不相

親附，其狀如蝸牛相重累。

粗、細〔穆杞〕穆杞，○黑莖、黑秀。蓄殖果木，不若三土以十分之四。

凡中土三十物，種十二物。

下土曰五猶。○五猶之狀如糞。其種大華、細華，○白莖、黑秀。蓄殖果木，不如三土以十分之五。

猶土之次，曰五〔牡〕弦。○五〔牡〕弦之狀如鼠肝。○其種青梁、黑莖、黑秀。蓄殖果木，不如三土以十分之五。

〔牡〕弦土之次，曰五殖。五殖之狀，甚澤以疏，離坼以臞〔瘠〕。○其種雁膳黑實，朱附黃實。○蓄殖果木，不如三土以十分之六。

〔五〕殖土之次，曰五穀。○五穀之狀，婁婁然，不忍水旱。○其種大菽、細菽，多

○穆杞，依王說改『穆杞』。穆音球，禾類。杞同『芭』。○猶，猶豫不決之意；土瘠氣薄，物不速長，故名。

○華，草名。○〔牡〕，依宋說改『弦』。弦讀爲『墳』。○言其土赤如鼠肝也。○瘠，依丁說刪。○雁膳，

草名。跗，花足也。○五殖，依王說改『殖土』。穀，境薄也。○婁，婁，疏也。土氣疏，故不耐水旱。

白實。蓄殖果木，不如三土以十分之六。

穀土之次，曰五〔臯〕。臯。⊖五〔臯〕。臯之狀，堅而不脆。其種陵稻、黑鵝、馬夫。⊖蓄殖果木，不如三土以十分之七。

臯土之次，曰五〔桀〕。斥。⊖五〔桀〕。斥之狀甚鹹以苦，其物爲下。其種白稻長狹。蓄殖果木，不如三土以十分之七。

凡下土三十物，其種十二物。凡土物九十，其種三十六。

⊖臯，依王說改『臯』。臯爲『澆』之段字。澆，薄也。脆讀爲『培』。培，土極堅也。⊖陵稻，謂陸生稻。黑鵝、馬夫，皆草名。⊖桀，依王（紹）說改『斥』。斥，謂『斥鹵』。

海王

桓公問於管子曰：『吾欲藉於臺雉^①，孰^②何如？』管子對曰：『此毀成也。』
③『吾欲藉於樹木？』管子對曰：『此伐生也。』吾欲藉於六畜？管子對曰：『此殺生也。』吾欲藉於人，何如？管子對曰：『此隱情也。』④桓公曰：『然則吾何以爲國？』管子對曰：『唯官山海爲可耳！』

桓公曰：『何謂官山海？』⑤管子對曰：『海王之國，謹正鹽筴。』⑥桓公曰：『何謂正鹽筴？』管子對曰：『十口之家，十人食鹽；百口之家，百人食鹽。終月，大男食鹽五升少半；大女食鹽三升少半；吾子食鹽二升少半。此其大歷也。』⑦鹽百

①王旺盛也；謂以海鹽之利，旺盛其國也。②藉，歛也。雉，依王（引）說改『歛』，歛同『射』，爲『榭』之假字。藉於臺榭，謂欲徵收房屋之稅也。③人避捐稅，則將毀其臺榭也。④情實也；藉於人，必將詐減

其口之實數。⑤官山海，官營山海之利也。⑥正，『征』通，稅也。⑦少半，三分升之一也。吾讀爲

『蛾』，幼稚之稱。大曆，大略之數也。

升而釜。○今鹽之重，升加分疆，釜五十也；○升加一疆，釜百也；升加二疆，釜二百也。鍾^③二千，十鍾二萬，百鍾二十萬，千鍾二百萬。萬乘之國，〔人〕大數開口千萬也。^④禺筴之，商日二百萬，^⑤十日二千萬，一月六千萬。萬乘之正〔九〕人，百萬也；^⑥月人三十錢之籍，爲錢三千萬。今吾非籍之諸君、吾子，而有二國之籍者六千萬。○使君施令曰：「吾將籍於諸君、吾子，」則必囂號；今夫給之鹽筴，則〔百〕倍

○鹽，十二兩六銖九釐一黍十分之二爲『升』；釜本六十四升，鹽則必百斤始當一釜。○重貴也。分

半也。疆讀爲『纏』；纏與『繼』通，錢貫也。鹽價之貴，升增半錢，一釜百升，適得五十錢之贏也。○釜十

爲『鍾』。^④人依戴說改『大』開口開口而食者也。^⑤禺同『偶』，合也。大男食鹽月五升少半，大女

三升少半，吾子二升少半。一家十口，假令大男女四人，吾子六人，一家月所食，爲三斗一升三合三勺

三撮十分之，人日得一合有奇；以合算萬衆之國日所食之鹽，適盡千鍾，是商利比舊日增二百萬之

贏也。^⑥九依王〔引〕說改『人』；正人謂家長。萬乘之國，開口千萬人，一家十口，故正人百萬也。○

諸君謂諸父兄弟，非家長者。正人之外，不別藉一人，而有萬乘二國之藉六千萬，言鹽不可不策也。

歸於上，人無以避此者，數也。⊖

『今鐵官之數⊖曰：一女必有一鍼一刀，若⊖其事立；耕者必有一耒一耜一鋤，⊗若其事立；行服連軺輦者，⊘必有一斤一鋸一錐一鑿，若其事立；不爾而成事者，天下無有。今鍼之重加一也，三十鍼，一人之籍也；⊙刀之重加六，⊚五六三十，五刀，一人之籍也；耜鐵之重加〔七〕十，⊛三耜鐵，一人之籍也；其餘輕重，皆准此而行。然則，舉臂勝事，無不服藉者。』⊜

桓公曰：『然則國無山海，不王乎？』管子曰：『因人之山海假之名〔有〕負

⊖百，依俞說刪。人不能不食鹽，故雖升加二錢，亦無避之者，此蓋自然之數也。⊖數計也。⊖若如

此也。⊗耒，耜柄也；亦鉞之者，分言以便文也。鋤，鍤也。鋤類。⊘行，有所往也。服用也。連古「輦」字，軺

羊昭反（一也），小車駕一馬者，行役所乘也。輦，居玉切（車口），大車也。⊙鍼價之貴增一錢，鬻三十

鍼，則得正人一月之籍也。也，依古本增。⊚加六，加原價以六錢也。⊛七，依王（引）說改「十」。⊜

勝任也。服被也。

海之國，讎鹽於吾國，⊖釜〔十〕五十，⊖吾受而官出之以百。我未與其本事也，受人之事，以重相推。此人用之數也。』⊖

⊖名與『命』同。有依丁說改『負』。讎與『售』同，賣也。

⊖十五依王（引）改『五十』。

⊖本事，謂製鹽。

言我受其鹽，而官出賣之以釜加百之價。我未嘗干與製鹽之事；但受人所爲之事，以重價相推進，得釜五十錢之贏。此地無山海，而人運用以富國之法也。不言鐵者，理同可知也。

